

晚明
百
家尺牘

寫心集



28495

國學珍本文庫

— 第一集第二種 —

西湖陳枚簡侯編

晚明
尺牘
家

寫心集

襟霞閣主人重刊



中央書局
香港
總發行所

—目 類—

慶慰類	一
仕途類	二一
文藝類	三三
懷敘類	五〇
邀約類	七七
餽遺類	一〇八
感憤類	一二四
薦引類	一四五
~~~~~		
砥礪類	.....	一六〇
鑒賞類	.....	一八五
乞假類	.....	二〇一
辭謝類	.....	二三四
高尚類	.....	二五七
頌揚類	.....	二七二
詼諧類	.....	二九六
閨秀類	.....	三一

晚明百家尺牘 寫心集目錄

慶慰類……………一

與范鏞公吏部

王 暉

與錢武山

孫 治

致吳明止

汪之琦

復黎近仁

洪吉符

與陸蓋思

張 垠

與友

張建績

東陸蓋思

吳 綺

慰友人下第

諸長祚

與洪景倩

胡宗鐸

與諸君簡

毛先舒

與胡克生

程光祿

答友

陳趙鵠

與汪念弘

江奇相

與陸蓋思

徐 汾

與徐野君先生

王 暉

謝秦摯菴

陸敏樹

寄姚天賓張齊仲

陸 增

簡胡正音孝廉

蕭 京

答龔華茂

洪吉符

答呂翼令

王 暉

晚明百家尺牘 寫心集目錄

晚明百家尺牘 寫心集目錄

答萬允誠

沈元現

侯潘二岳先生

陸敏樹

代與杭衛張某

張湛

與王茂遠

陳洪綬

姚月柯七十餽扇以祝

李穎

東友人

朱世燦

答李孝叔惠扇

姚廷桂

與胡克生

林嗣環

與洪昉思

諸匡鼎

寄龔芝麓先生

宗元鼎

與胡克生

林嗣環

賀隴右曹陸海

李穎

復董玄宰

王業浩

賀柴玄弘及門

汪之琦

上李太尊

洪吉符

慰魯親家喪孫

陸敏樹

與范長倩

洪瞻祖

賀丁飛濤

尤侗

慰李孝叔先生

陳枚

與郎季千

沈謙

與徐京山

丁燦

與徐武令

吳萬璿

慰宋荔裳先生

李穎

與友

陳道復

與伯兄仲簡

汪鏞

與某友

張瑞圖

與石臣曹坦

與方青厓外父

與蔣堯師

賀姚中丞

與胡克生

慰王庸明喪子

答王安節

慰侯慶年落第

慰友同居

與潘蒼儀

上程蕉鹿老師

寄江寧沈業師

方域

曹復祖

盛經三

諸長祚

嚴沆

余溶

紀映鍾

王仕雲

陳誤

鄧錫璿

詹廷棟

高士

與汪然明

與劉昌六

答張卓庵

與家遵素

寄李大白

復汪然明

與柴延喜

寄應太室主政

再與家遵素

柬沈舞屨

與柴延喜

賀翁甥補任

寄姪

楊鵠

秦超

沈驥

馬成蛟

沈一賁

楊嗣昌

陳繼儒

李碩

馬成蛟

張超

陳繼儒

金日新

林養心

仕途類

.....二一一

晚明百家尺牘 寫心集目錄

四

與李次樞

陸敏樹

答河道巡撫翁見海

張居正

答尤展成

丁澎

答方學顏

左光斗

與德安司李

王一麟

寄子薦

陸敏樹

文藝類……………三三

寄歸化周學博

洪吉符

與汪然明

錢謙益

與樹滋

曹玉珂

與繆霜崖

錢朝彥

代謝某太守

孫孝楨

與陸蓋思

周亮工

上顧西巖夫子

林鍾豪

與王丹麓

毛先舒

復陳簡侯

張建績

答士肩兄惠宴梅月詩

洪吉符

與友

王一麟

謝畫

尙觀法

與新安大尹

李珣

東巖存庵

沈家恆

與弟蒼儀

潘兆珪

答方俊生

丘廷麟

答門人張九滄

曹鼎望

東友

吳雲盛

與陸蓋思

答張恭錫惠左解

與吳梅村先生

與胡克生

與友

謝藍雪舛

與陸蓋思

與表姪靳以虛

與李中冷

上繆霜崖夫子

復汪燮遠

與李長蘅

復趙羽平

胡貞開

俞觀法

李漁

繆沅

許光祚

汪之琦

毛先舒

諸匡鼎

丁文衡

呂潛

章玉琳

趙樸

李流芳

與李懷站

致王子安

與張石生

與繆霜崖

與李笠翁

復表弟潘蒼儀

啓子問二兄

與張宗武

與沈師尹(迴文)

又

與陸蓋思

復胡天爲

與邵越森論畫

潘兆珪

劉世學

藍瑛

黃樹

龔鼎孳

蔣鑑

嚴沆

諸匡鼎

李穎

李穎

莊同生

陳枚

丁滢

答吳亦哲

陳趙鶴

與鄭晉論入股

林雲銘

荅友

龔鼎華

與張王士

沈元現

懷敘類.....五〇

與何舒庄

沈賦

與張次薇

徐之垣

荅王綏山太史

徐士俊

東汪然明

錢謙益

與繆霜崖

姚佺

與李懷姑

陸鴻勳

與胡克生

汪灃

寄顧良麟友兩弟

張允祥

與徐野君

胡文祥

與雲間曹生

李式玉

與潘蒼儀

馮淦

與繆霜崖

張遂辰

與王觀龍

殷四端

寄都中友人

李碩

東茅于純

鈕琇

與友

唐九經

與朱晉三

季尙

寄友

呂黃呂

東王丹麓

毛際可

荅陳簡侯

聞則徵

又通文

與陳簡侯

與沈巨山

與元成弟

候夔州朱太守

與茅子純

與毛稚黃

與陸蓋思

寄楊長公

與張樞侯

與張履安

吳中東邵堯民

寄友

聞則徵

吳國縉

諸巨鼎

來道程

金日新

陸壽名

陸進

曹鑑平

陸進

陳枚

王焯

周致泰

方士翌

與山公

東友

與鄧景淵

致沈舞襄

寄毛大可

寄何子豹

與汪然明

答沈舞襄

寄家范友

與吳羽朱及門

與汪然明

與許潛飛

寄陳簡侯

鄧錫璿

李定昂

許蛟

馮瑛

王焯

李紀源

梁雲攢

厝官法

李紀源

汪之琦

董其昌

范籟

張國泰

晚明百家尺牘 寫心集目錄

與同學

錢璜

寄邵漢功

周致素

與張石生

徐之垣

上俞夢符業師

湯鉉

與友

許蛟

與韓聖秋

余懷

寄京小邨

陸鴻圖

柬中翰曹一貫

羅賢

上曹房師

丁景鴻

與蔣水因

潘張仲

與丘于門

徐菊知

答朱戩毅

諸長祚

京口東友

丁澎

與陳參知

錢溥

與許潛飛

楊雅建

與曹弗人

尙觀法

與馮野鶴

李崑源

寄查伊璜

陳誤

與馮瑤席

汪鎔

復王苾草昆仲

姚環

與金方城

許蛟

與茅于純

釋超證

與顏子真

徐菊知

與潘蒼儀

鄧錫璿

復荆門和尙

凌銘麟

與弟尹交

潘兆珪

答西懷三叔父

寄朱函五

寄宓曠生

與周青選

與姪情詹子榮

復嚴子政

與同人

寄何且兼

答友

答何且兼

王仕雲

釋丹霞

蔣斌

范允鑑

莊罔生

吳相如

陳衍虞

陳衍虞

王仕雲

陳衍虞

邀約類

七七

寄七弟鶴間

宗元鼎

晚明百家尺牘

寫心集目錄

與李雨鶴

啓素中張孝廉

與吳虎文

邀丁藥園湖飲

答允展成

約徐魯詹遊草庵

招友

花月夜邀飲

東王校書

與董礪阜明府

招同學諸子

訂傅培風踏青

邀眉鶴書

李行豸

尙觀法

許蛟

夏基

湯傳楹

呂陽

張湛

彭兆元

諸長祚

潘兆珪

張孝友

金鱗

釋成葵

晚明百家尺牘 寫心集目錄

與陸蓋思

陳治紀

東陸蓋思

胡貞開

與錢泰觀

陸鴻圖

招友

馬銓

與沈子方

馬銓

與友

李枝藻

與胡克生

葉雷生

東駱令侯

吳相如

東楊長公

王暉

簡叢木虛

李漁

答孫宇台

李漁

與蔡友蘇

陳慎容

與凌起堅

戴三甲

與張齊仲

趙承烈

與徐氏兄弟

許蛟

復汪允湘

馮瓊

與陳簡侯

張國泰

與陳簡侯

潘張仲

與趙承定

洪吉符

與愚公

鄧錫璿

友約遊湖 迴文

李穎

寄周長人 孝廉

釋智珏

湖遊約友

李穎

復藍雪砮

任岳

約遊雪峰

羅賢

招友花酌

來道程

與吳玉林先生

東麥子宗

與邵元茨

訂曹靈孕

與馬遂素

與張履安

答友

與莫雲石

與馮儼公

招沈舞襄

與友

與兄旂來

約簡侯甥看雲

陳 湜

錢 璜

嚴調御

馬文燦

翁與齡

潘張仲

丁光裕

沈志陸

嚴調御

馮 瑱

李枝藻

汪 岳

戴三甲

與杜廣韶

與李半邨

寄強鹿莊

與丁熙臣

與何舒庄

與陳扶搖

與曹石臣

東六在四兄

與任元臣

與石臣曹坦

與楊雲潔

與陸與偕

與閩中翁孝廉

徐菊知

釋善鄭

王 燁

余 懷

沈 賦

吳國縉

方 域

諸長祚

徐菊知

方 域

汪 岳

張元站

尙觀法

與友

馬文燦

與毛稚黃

李式玉

與潘蒼儀

鄧錫璿

東黃擲山

釋成葵

招張履安觀梅

馮之圻

與友

馮 璜

與干文階

潘張仲

與北山師

釋成葵

復茅于純

柯 聳

與劉出子

洪吉臣

與弟蒼儀

潘兆珪

約兄訪友

陳濟生

與表姪茅于純

申 穉

與王安節

錢陸燦

與潘尹文

鄧錫璿

答陳芝仙

袁宏道

東茅迂人

鈕 琇

與友

徐菊知

與表弟潘蒼儀

蔣 鑑

失編

致表兄茅于純

錢有焯

寄張履安

馮之圻

與茅于純

唐彥歎

與盧德夫

徐菊知

邀友湖泛

汪光被

與龔公和尚

羅賢

中秋上某當事

黃敏生

餽遺類

一〇八

奉饗霜崖銓部

李璉

與陸瑜凡

洪吉符

與友

鮑是龍

復楊又生

汪之琰

東巖存庵

潘兆珪

與李懷站

潘兆珪

與孟雨池

釋成葵

復繆次與

潘張仲

復王安節

周亮工

與陳簡侯

王輔

送友新曆

羅賢

與倪蘭公

周亮工

與王烟客

錢謙益

寄王丹麓

牛奐

京塚相並

張廷泰

與姚亮公

陳枚

謝汪檐漪

夏基

與同學諸子

曹玉珂

與蕭長源

林雲銘

與藍謝青

汪岳

晚明百家尺牘

寫心集目錄

曉明百家尺牘 萬心集目錄

與邵元淡

嚴調御

送友方竹杖

吳相如

東王安節

方亨咸

與夏中軒

釋成葵

復表姪茅于純

金世濂

與丁藥園

龔鼎莘

東王仲舉

李珏

東友

程鑑

與茅于純

唐彥敷

與門人詹柱臣

張登選

啓許于王御史

茅熙

山居魏友新筍

朱徽

與弟于純

茆薦馨

與詹子榮

曹溶

與茅迂人

李贊元

與友

蔣斌

謝魏泥美人

余溶

送王安節鸚鵡

何延年

魏周繪先銀杏

蔣斌

寄程樞部

陳衍虞

與姪瓚符

吳相如

復王安節昆季

何延年

與朱函五

釋丹霞

與王安節

周銘

雪中東戴汝諸業師

沈士鈐

與友

何延年

感憤類……………一二四

致潘庶唐

汪之琦

簡陳推府

尙觀法

答友

毛先舒

與丈

莫是龍

東程雨三

夏基

與駱令侯

吳相如

與兄福持

陸進

與楊可參

黃湛

與黃須彌

陳洪綬

與吳觀止及門

汪之琦

與友

朱贊

與同學

張國泰

上柯兵諫夫子

熊光裕

東趙梓木太岳

陳趙鶴

與大兄英玉

汪之琦

答友

戴三甲

與繆德深

于元凱

與宋比玉

陳繼儒

致友

朱玆

致友

汪岳

與汪然明

楊嗣昌

東朱皇欽

吳相如

晚明百家尺牘 寫心集目錄

繆樹胤

與具京流修

陸敏樹

與曹石臣

程 邑

與孫秋水

吳相如

寄朱熙績

諸長祚

示及門

陳 枚

與弟蒼儀

潘見龍

與葉子蔭

徐菊知

答懷崧

周致泰

致友

尙觀法

與友

金 鱗

與林琪生

徐菊知

與何文德

周亮工

與翼庵和尚

李妃源

復于密菴

王弘撰

與潘康唐

汪之琦

與王丹麓

陸 進

東白雲上人

周致泰

與李白眉

傅 巖

與李玉采

羅 賢

寄朱函五

魏際瑞

與郎卜臣

吳相如

與鄧大錫璿

汪光被

復石公題

徐菊知

與統上人

李式玉

與程羽三昆仲

關 漢

與丁藥圃

宋 琬

與柴雲情

與友論氣習

寄詹子榮親翁

與兄

寄王程鄉

答詹竹也

與王安節

報同年諸子

薦引類

一四五

與汪然明

與某當事

答潘儼思

程鑑

朱傲

張國泰

陳澤

成性

陳衍康

錢陸燦

沈謙

與吳蘭次

寄吳聲來

復朱司理

與劉宜興

與諸永齡

寄吳蘭次太守

為林子尚事

答吳來之

與趙介山

與友

與魏公錫

與張樞侯與部

致史筆公

嚴沆

潘兆珪

洪吉符

金鎮

范驥

龔鼎莘

周致泰

李式玉

李漁

丁景鴻

丁感世

陳枚

丁澎

與陸子玄

林嗣環

與劉帶湖

程鑑

與某令

丁景鴻

寄與化王兩石總戎

詹廷棟

與蔣水因

林嗣環

與張樞侯駕部

張國泰

與周元亮

孫治

與吳慶伯

陸敏樹

與友人

陸敏樹

薦謝隼羽先生後嗣

陳衍虞

與友

傅禧熊

砥礪類

一六〇

與俞殷耆

丁景鴻

與何蘭公

張國泰

與子姪

毛先舒

東宋荔裳觀察

沈士鈐

與繆霜崖

錢朝彥

與某友

洪景融

致袁惠子

吳相如

致何司李

丁澎

與漢雯姪

吳相如

與余右吉

余懷

與錢照五

沈心友

與友

胡應麟

與友勉學

彭兆元

示及門

與九牧姪

與天一上人

與陳簡侯

與徐徵之

與旭臣

答張齊仲

與友

與許潛飛

示子孫

與朱令吉

與喬時伯

與汪懽濟

曹玉珂

陸進

江嘉梅

胡宗鐸

李標

釋智曙

陳祚明

李枝藻

袁株

王暉

汪之琦

曹玉珂

高士

答文教師

與錢爾斐

致程敦可

寄張式甫

與天一師

啓道生上人

與嗣孔

與子旣禱

與潘雲從

復周邵廷

戒弟

致自問

東潘儷思

釋成葵

李成玉

張國泰

李岬源

釋明源

李國任

曹玉珂

江思令

李岬源

徐菊知

李定昂

洪吉符

張墟

晚明百家尺牘 寫心集目錄

示門人

徐菊知

寄孫男憲曾

王仕雲

東李迪園

周致泰

與友

李圯源

與弟石臣

曹挺

勸族叔息訟

袁名世

與幼華

曹玉珂

與友

王弘撰

與甥沈雷臣

孫治

答吳寧公諸茂才

曹鼎望

與友

陳漢

示大兒

汪光被

與程公彝

張國泰

與吳小曼

王弘撰

與際明姪

吳相如

示墨兒

汪光被

勸友息爭

陳漢

與破壑上人

釋成葵

寄潘蒼儀

李圯源

與鄭長樂

程鑑

與甥沈勝茲

茅熙

柬王康守

張擴

論兒輩治喪莫用梓園

王仕雲

復拙工師

釋成葵

示子弟

鄭日奎

復友

朱敝

寄張履安

詹英

與門人詹柱臣

徐銓

與家情詹柱臣

張國泰

與弟姪

鄭日奎

寄王安節

曹溶

示子弟

鄭日奎

示塔鄭冠五

林雲銘

答雲赤

沈謙

鑒賞類

一八五

簡袁穉菴

杜濬

答杜于皇

袁于令

與陸葦思

釋道白

晚明百家尺牘 寫心集目錄

與陳仲醇

董其昌

與李懷柱

潘兆珪

寄汪然明

劉同升

與繆霜崖

張壻

與諸君簡

江思令

與朱子玄

陳子龍

與顧碩甫

李漁

與潘尹交

汪光被

與馬舍英

柴為樞

與陳簡侯

周亮工

答王本臯

杜濬

過友人齋頭觀詩圖

丁儵

東繆霜崖

張遂辰

晚明百家尺牘 寫心集目錄

寄周櫟園先生

宗元鼎

寄內

汪光被

與沈去矜

林嗣環

答吳右廉

洪景融

東友

龔鼎莘

答李笠翁

李式玉

與丁飛濤

顧宸

寄友

黃湛

與柴虎臣

關漢

與張覺菴

李式玉

與黃使臣

沈謙

與馬舍英

喬楚

與蔣水因

林嗣環

與柳靖公

馮瑛

與靈谷於南

孫治

謝唐令封惠硯

詹廷棟

致王安節

方亨咸

與詹柱臣

程錦

與潘尹交

鄧錫璿

答王安節鑄壬子紀年章

周亮工

復婁姪茅于純

金世濂

答王安節

宋琬

復施愚山少參

王弘撰

與王安節

倪粲

東兄岷左

朱佳璋

寄王望如

張所抱

答友人求改壽文

林雲銘

答黃素心

沈謙

乞假類

二〇一

東繆霜崖

宋琬

答陳簡侯

潘兆珪

與胡循蜚先生

陸進

別吳瑤如太守

丁滌

與當事支偉

張建績

上宋荔裳廉憲

李穎

與貢若

章玉林

與康侯俞甥

來道程

與姚亮公

胡應麟

晚明百家尺牘 寫心集目錄

與趙雖客

毛先舒

與王安節密章兩昆季

陳枚

與繆霜崖

錢朝彥

與胡仲衍

陳溪

與陳簡侯

潘張仲

與朱木民

黃大呂

與龍井一泓上人

姚宗亮

東友

李枝藻

與繆湘芷

宋琬

與友

釋成葵

與黃次辰表兄

胡宗鐸

復馮子京

陳枚

與同亭

李陳筠

晚明百家尺牘 寫心集目錄

復曹顧菴太史

李漁

荅沈去矜

徐士俊

寄孫沂水夫子

潘兆珪

寄汪然明

祁彪佳

與友

李穎

與陸業師索筆

繆樹訓

與潘百黃

章玉琳

致張次先

丁澎

與謝文侯

湯鉅

與丁飛濤

余懷

與繆次典

陳枚

寄蔡九霞

錢璜

與友

李枝藻

東陳太士

朱世濬

與楊又生

汪之琦

與丁飛濤

尤侗

復朱建三

李漁

與錢介祉

丁澎

與詹柱臣

馮之圻

與友索紙

繆樹訓

與陳簡侯

潘張仲

與柴浣修

陸敏樹

與友

李定昂

復丁飛濤

陸圻

與柴以忱

陸敏樹

與宋荔裳

丁澎

與曹石臣

方域

與友

鄧錫璿

與友

李穎

致茅子純

韓莢

與陸賢考乞柳

許昌麟

答顧修來吏部

王弘撰

與徐武令

閻鉉

與王丹麓

馮昶世

與同舉

曹復祖

復了宗求語錄序

曹鼎望

與蔣水因

李唐

東嚴顥亭

朱佳璋

東沈元雪

諳長祚

與門人王友陶

汪光被

寄陳扶搖

龔在升

索李雨鶴醫方

李式玉

上顧西巖侍御

林鍾豪

上陸璜書夫子

張國泰

寄王安節

潘江

答王望如

余懷

寄陳扶搖

汪肇衍

東王敬哉

丁景福

與兄靈從

潘張仲

與嚴顥亭

丁彪

與潘蒼儀

王豸來

答張鑿遠同學

詹廷棟

與唐儂京

張國泰

與陳均溥太守吳雨蒼郡丞

潘兆珪

與李雲田

詹英

與吳循蜚

陸進

與慕鶴鳴

丁澎

與潘康唐

關鍵

與蔡天度

蔣斌

與繆霜崖

方大猷

寄母舅陸敬峰太史

詹廷棟

謝吳左廷

汪岳

與友

蔣斌

與潘新驪

沈驥

寄羅杓受

陳衍虞

復友

聶璜

與王安節

張怡

謝惠榴

蕭京

寄王農山侍御

王仕雲

答友索詩

潘張仲

寄王過客

胥庭倩

答繆相芷

袁于令

寄王望如

汪家珍

謝緒之弟

汪之琦

寄姚宥者國學

陳衍虞

答呂半隱

陸進

辭謝類……………二三四

復黃象九

洪吉符

與趙元煥  
與朱木民  
東丁旆侯  
復張吉士  
荅友  
與某公  
謝友惠劍  
與陳芝仙  
謝李雨鶴送二鶴  
謝沈春徵惠玉芙蓉  
復王子超  
復陳簡侯  
復董礪阜

晚明百家尺牘

寫心集目錄

嚴武順  
馬銓  
沈志陞  
胡宗鐸  
姜逢元  
李漁  
秦餘  
王維城  
蔡詒穀  
孟肇元  
汪岳  
盧元培  
潘兆珪

謝友  
與陳簡侯  
與張履安  
與友  
復陳簡侯  
謝周翁  
與陳簡侯  
與盧以菴  
荅陳扶搖  
與陳參知  
與余澹心  
與丁弋雲  
與友

二七

胡宗鐸  
李穎  
陳枚  
李定昂  
潘張仲  
陸敏楮  
王輔  
陳枚  
梅調羹  
錢溥  
丁盛世  
吳百朋  
龔鼎莘

與何舒庄

沈 賦

辭昌黎祠中祀位

王仕雲

登何伯輿

陸鶴圖

與弟于純

茆薦馨

與王丹麓

韓 魏

答友

湯 鉉

謝李笠翁先生惠泉醪

陳 枚

復友人

卜允吉

答沈聲令

沈 謙

東兄岷左

朱佳璋

謝陳生上師詩

許昌麟

東王丹麓

陸 增

與友

黃道周

復袁六完

曹鼎望

與方青厓外父

曹復祖

與蔣蕭齋

吳相如

致陸與僧

吳太冲

與陳簡侯

胡 滇

與茅于純

吳 綺

答友人邀遊山莊

李式玉

寄謝劉雙山先生

茅 熙

謝唐尊祖

釋成葵

與表弟蒼儀

蔣 鑑

與陳天培

吳宇鳴

致表叔申梅江

茅 熙

復蘇州高太守

詹廷棟

答楊賦臣廣文

謝王安節

復王安節

謝汪貽蓮送茶

荅王安節

吳朔

爆形

何延年

吳朔

張怡

高尚類……………二五七

與僧凡無

與弟左城

與蓮素

與蔡古苔

東澤相並

與友

朱贄

陸進

馬成蛟

徐菊知

錢朝彥

李定昂

與友

致陸龍隱

東友歸里

復趙凡夫

東涵虛閣主人

與汪然明

寄石無盟

答友人

與棲巖上人

寄碧梧陳子

與仲兄

東王丹麓

與顧參領

毛先舒

洪吉符

周致泰

文震孟

周致泰

董其昌

徐菊知

王擘

王一麟

周致泰

關漢

穉宗孟

錢溥

晚明百家尺牘 寫心集目錄

答張孝緒

陳 謨

寄姑丈祝元度

張國泰

答王安節昆季

曹 溶

與樓霞上人

陳 枚

與碧潭上人

李定昂

與繆霜崖老伯

張國泰

與裴晉裔

王弘讓

答仇藩國兵憲慰留乞休

王仕雲

東友

李 穎

東王桐菴郡伯

李 樛

寄高蒼巖太守

曹鼎望

復及門吳小曼

王仕雲

與家我繁

戴三甲

報白雲寺祖禪師

林雲銘

與孫宗樸

吳相如

辭舉山林隱逸

程康莊

答黃須彌

陳洪綬

頌揚類……………二七二

東楊培生

黃 湛

與周鶴書

釋成葵

與友

葛徵奇

與趙別駕

程 鑑

與繆湘芷

唐九經

與吳江都

張 擴

與陸蓋思

越 蘭

東藩僊思  
與李懷帖  
與杜子濂公祖  
與廖霜崖  
寄龔芝齋先生  
與儂穎亭  
與吳右廉  
與郝訐士  
與姚廷賓  
與陳簡侯  
致尚維則  
與杜于皇  
與陳簡侯

晚明百家尺牘

寫心集目錄

嚴我斯  
關鏡  
李漁  
蔣衡  
宗元鼎  
孫治  
陳枚  
毛先舒  
鄭圭  
黃敏生  
錢朝彥  
李漁  
王槩

謝莊蝶蕊  
與沈漢儀  
答賈虛舟  
寄石漢青父母  
答俞九野  
答朱子玄先生  
與友  
與余澹心  
上張坦公  
與李洽虞  
與曹石臣  
答王丹麓  
與陸蓋思

三一

毛先舒  
諸匡鼎  
陸敏禱  
諸長祚  
繆樹中  
王一麟  
龔鼎莘  
丁澎  
丁景鴻  
陸鴻圖  
方域  
沈筠  
徐士俊

晚明百家尺牘 寫心集目錄

復林調元

洪吉符

與許潛飛

楊雅建

東寧寶石奇老人

林鍾豪

與嚴顛亭

宋琬

寄王安節

張新標

與胡子振

陳枚

與王安節

趙吉士

上慕鶴鳴老師

丁盛世

與友

宋泓

上紀子湘夫子

湯鉉

東茅于純

鈕秀

與青蓮

丁盛世

寄潘蒼僕

李岫源

與洪載之

聞啓祥

復茅于純

嚴沆

與陸永豐

程鑑

復秦補念觀察

茅熙

與唐咨禹

程鑑

與王丹麓

宋起鳳

與程文學

張煥

答王丹麓

陸韜

與何泰庵

胥庭清

與汪鹿野

吳相如

東張明府

尙觀法

答楊鶴聲

徐士俊

與陸夢鶴

劉日杲

與王元旭

與徐職方

復雲間柏墓山

與程宛超

與詹子粲

與王搗山

與詹子粲

東屠齋頌

答彭退菴吏部

寄楊大山民部

談諧類

與顧士兼

張濟

榮世堯

詹廷棟

張國泰

林杭學

蔣斌

張孺

陳衍虞

陳衍虞

陳衍虞

二九六

翁與齡

復士西

致陳扶搖

與沈武仲

與李懷站

與陸蓋思

與朱魯男

與友

致馬含章

與姚御鄰

嘲友新婚

復汪允相

東友

戲與陳春谷

汪之琦

吳國縉

陸進

陸鴻圖

諸巨鼎

鄧錫璣

沈可璋

汪之琦

章玉琳

繆樹胤

馮瑛

唐九經

徐菊知

晚明百家尺牘 寫心集目錄

與梁石渠

李漁

東友納寵

傅應熊

與王五玉

汪之琦

東徐友

李穎

復張詩宣

李漁

與天越上人

吳相如

復王安節

周亮工

戲東程公上

汪光被

復陶園主人

張國泰

戲東友人

范允鑄

復高彥侶觀察

李漁

答李竹西

陸敬樹

致吳葦宗

汪之琦

與正覺上人

詹廷棟

與馮子京

陳枚

戲復友人索篆

朱敞

與張夢陽

曹復祖

寄王贊玉

張國泰

誚友口吃

胡宗鐸

與陳芷園

吳相如

答友看半山桃花

胡文祥

答友

朱敞

東王安節

方亨咸

復友

張國泰

與程子源

張國泰

寄王宓草

趙夢龍

與潘蒼儀

復吳征吉

與旭成上人

與友

答王安節

答寄山禪師

與化行禪師

閨秀類……………三二一

與吳右廉

與王素霞校書

致舍章舅

答梁舍素

鄧錫璿

蔣斌

吳相如

陳衍虞

周亮工

沈謙

沈謙

梁月

陸進

汪之琦

吳相如

又

與馬德公

謝李端明夫人

寄吳右廉

與姐舍芳

與沈甸華

與王子律

與五妹玉霄

示幼女

與姊

與弟右廉

示女娘

與妹

吳相如

姚宗亮

金蕊

梁月

金芬

孫治

孫孝楨

吳芬如

張昊

洪景融

吳芬如

耶玉如

商景蘭

晚明百家尺牘 寫心集目錄

晚明百家尺牘 寫心集目錄

與李端明

錢馮嫻

與夫子論榘雲墳稿

王端淑

與表弟朱御九

陳枚

寄嫂

姚令則

與張履安

陳枚

與玉霄五妹

張昊

寄內

張國泰

又(迴文)

張國泰

讀王玉映女史擬春耕應制奉寄

朱儼

代內寄謝綉裙

張國泰

示子朔

鄭淑雲

與諸賢媛募賑

姚左氏

東馮又令

李淑昭

與夫子書

芮貞素

東林亞倩

賀文妹得子

與姊

與馮又令

與妓惠生

寄外

再與馮又令

寄所知

答李端明

復林亞倩

與李端明

與林亞倩

辭亞倩招遊朝川看桂

李淑昭

林瑛

周澆月

李淑昭

徐菊知

楊雪蒼

李淑昭

劉如梅

林以甯

李淑昭

馮嫻

李淑昭

李淑昭

李淑昭

一 是集始自壬子孟春。成于庚申仲夏。幾歷寒暑。廣徵博採。始獲竣事。凡屬尋常所經見者。茲編概不入選。

一 集內所登。止取短札。務期典雅風華。言簡意盡。至若鴻文大篇。累詞莫竟者。別彙一函。俟光二集。

一 海內諸名公投贈。隨到隨刊。不及細序先後。祇求奇文共賞。不能細詳真贗。幸鑒苦心。勿嫌狂瞽。

一 集中間有一二先輩諸牘。悉係同人珍藏墨妙。不惜轉展搆求。庶免遺珠之嘆。用成全璧之觀。

一 余向有留青諸刻行世。謬爲四方許可。此僅一得之見。敢附作者之林。實竊疚心。貽譏大雅。

簡侯氏謹識

## 寫心集原序

從來選尺牘極難。若孀孀千言。則壅腫支離。令人心煩而莫竟。若寥寥數語。則精神蔽塞。令人意略而不明。故行雲流水。可以便俗。殊無文彩可觀。璀璨陸離。可以豁目。又恐辭意不達。然與其便俗而失之嚼蠟。孰若爛熳而得之賞心。不然則草創討論。儘可布之簡編。而行人東里。不幾貽笑爲多事乎。要之辭達意明。雅俗共賞。方稱合作。陳子簡侯。特具隻眼。所選留青一集。天下文人無不膾炙。今且一而再。再而三矣。又復以咕嗶之緒餘。留神尺牘。名曰寫心。首首寸金。字不滿百。刪繁就簡。剗腐遶新。隔膜之辭。雖麗必汰。肯綮之語。雖淺必登。凡屬郵筒黃耳之傳。鱗腹鵠足之秘。無不徧搜。已經剗削者。概不復錄。共得若干首。分爲十六種。辭必典麗。調必鏗鏘。落楮琳琅。擲地金石。一時名公巨筆。羅致殆盡。此集一出。則冀無留良矣。行且告成。強半已壽梨棗。奈慈幃仙逝。讀禮山中。

如椽幾閣。余大爲撫膺。急趨而勉之曰。天下文人墨客。想子之寫心若渴久矣。功可廢。半途乎。簡侯攢眉而答曰。唯唯。徐釋其杖。而勉強操觚。以成全璧。康熙己未日長至。錢唐李穎考叔氏撰并書時年八十有一。

## 寫心集原序

詩文家必學而後爲之。未有學作書與人而後寓人書者。然學詩文不能爲詩人。文人斯已耳。未有日用之間。卒然之頃。當寓人書以不能作書與人而遂已者。蓋致書與人一事。爲人之所易忽。而實最不可廢。故前此諸家尺牘之選。與詩文並行。但日久沿襲。未免寢成活套。見者厭其不鮮。此西泠陳子簡侯所以有寫心集之刻也。簡侯詩文巨手。先是留青諸刻。海內握筆者。無不奉爲蓍蔡。茲復裒輯名公新著短札。丹黃問世。其中多推陳出新。未經人道之語。而傳神阿堵。一段雋永之致。如噉橄欖。迴味甚長。非所謂少少許勝人。多多許耶。讀茲集者。譬之涉玉岡。窮珠苑。取之不竭。凡日用之間。卒然之頃。意有所至。無不可以肆應。而悠悠此心。自無格格不能寫之病。是茲集雖出。一時警歎之音。直堪與千古詩文權其聲價。視前此諸家之選。無不退居元白矣。謹簡侯嘉惠後學。

晚明百家尺牘 寫心集原序

之功。豈鮮淺哉。

康熙庚申秋七月晉安同學弟林雲銘拜題

寫心集題辭

尺牘者。尺幅中成文。以寄遠通殷勤。代答問。舒意於雲牋。發辭於雪浪。金闔莫達。衷曲託爾雙魚。山川阻修。情愫表乎帛雁。或身羈異域。十八年一接好音。或名滿梨園。三千里屢陳短翰。翩翩書記。莫戀紅粉於樓中。嶽嶽懷方。偏擲青鏤於地下。曾譏廝養之難。空羨投閣之賤。折衝千里。魯連箭上標名。采葛三秋。越女懷中投刺。劉孝標發憤於絕交。申包胥羈愁於秦陛。往來綿密。毋遺金玉之音。貧富相形。恐踏寒暄之跡。彙成一集。以永千秋。顏曰寫心。堪留碧眼。倘殷洪喬。爰放石頭城下浮沉。似嵇叔夜疎狂。折簡函堆几席。彼自斷情。我則何敢。

康熙庚申榴月古杭陳枚簡侯氏謾識於憑山閣

古杭陳枚簡侯氏敬啓

幸是亦天下之共賴云

晚明百家尺牘

寫心集題辭

二

## 重刊寫心集章序

錢塘陳簡侯，曾編有「留青集」「寫心集」等尺牘。「留青集」余未見，「寫心集」亦爲難得之書。余曾以重價購得二部，內多爛板，互相校刊，始可卒讀。集中廣徵各士短札，陳氏自謂「廣徵博採」，「始自壬子孟春，成於庚申仲夏」，蓋「幾歷寒暑」矣。所載多當時名士之作，如林嗣環，陳洪綬，尤侗，陳繼儒，左光斗，錢謙益，周亮工，藍瑛，王暉，余懷，鈕琇，李漁，董其昌，之流，凡數十人，誠集明末清初名人尺牘之大觀矣。卽方外釋家，名門閨秀，亦有作品。陳氏取材之博，可以想見。而所取短札，「典雅風華，言簡意盡，亦如陳氏一凡例」所云。夫尺牘固「無成法可言」，諸匡鼎迹毛稚黃之言，「起非起，止非止，前無頭，後無尾」，「是短牘神境」。然非胸無渣滓，瀟灑自如，誠不易爲之。近人談明清小品者多，然「寫心集」卽周豈明林語堂諸公，或亦未見。余不欲好書自秘，乃用原書翻印，一切標點格式悉依原書本來面目。集中分類，亦頗奇怪。如「感憤」「鑒賞」「高尚」

「詼諧」諸類，皆可見明末清初人士之瀟灑而多感之風韻。蓋當時文網，或不如此後之嚴。而文字獄興後，可讀之尺牘蓋寡。迄於清末，亦難怪只有「秋水軒尺牘」一流劣貨，纔可以流行矣。是集或曾列為禁書。余藏二種悉為「憑山閣」所印。有康熙己未錢塘李穎「考叔」之序。李君或係馬湘伯一流人，作序之年，正八十有一。李君評是書為「首首寸金，字不滿百，刪繁就簡，刻腐逢新。隔膜之辭，雖麗必汰。肯綮之語，雖淺必登。」是亦可見陳簡侯文學眼光，而「寫心集」所載尺牘，或有為陳簡侯刪改之作也。陳簡侯名枚，「凡例」中曾言有「寫心二集」及「遊戲文章」二書。不知書已成否。天地間尙存有二書否。古人不可見，古書又日益沉沒，是大可惜而可嘆之事也。廉價發行古書，亦一大功德。寫此小序時，余正客南昌百花洲畔，屋外舉行防空練習，燈火全無，惟聞飛機隆隆之聲。一燈相對，妻正熟睡，余亦倦而攔筆矣。時民國二十四年十月十捌日夜半也。

續溪章衣萍序

（襟霞閣主人按）

寫心二集，予於無意中已覓得，俟本文庫二集編印時加入，衣萍先生尙未知也。

晚明百家尺牘 寫心集 卷一

西湖陳杖簡侯氏選

慶慰類

與范潞公吏部

王 暉 丹麓

山公重望。幸相逢蕭寺之中。承藉玄提。極蒙紺目。昨不覺潦倒於兵廚。至今飽德不置。側聞先生充閭之慶。遂欲偕同人致書稱賀。但恐錯寫弄塵。貽譏千古。因依董子虎占韻。效顰引意。寒措大贈人。只此長物。真足令先生掀髯一笑也。

與錢武山

孫 洽 守台

茂人其竟不起耶。其嗜學好古。絕逾等輩。而詩品書品。皆不落第二。何以至是耶。僕聞之。泣數行下。况於先生哉。然亦願先生放愁散懷。不為鬱鬱也。

致吳明止

汪之琦奇玉

小兒辱令郎磨礪。不得附驥齊驅。可勝慙仄。令郎既領鸚鵡薦。而芙蓉寶鏢。愈覺  
燁燁射人行。將醉春風。謹聽花底人喚黎淳也。預賀。

復黎近仁

洪吉符原明

馬齒日增。雞肋宜棄。爲小草而出岫。類羝羊之觸藩。方擬賦歸。全餘生于松菊。  
何心。賡雅咏眉壽於臺萊。乃荷注存。遠勤使命。頌溫言而拜珍錫。俾我孔厚。其  
顏銘屋誼而寫感懷。殊難備詳于楮。所幸道途無梗。卽圖會晤有期。率布謝私。  
容傾闊濶。附芹匪報。采菲知榮。

與陸蓋思

張玲露森

威鳳聯翩集枳。有失倒屣。積歎殊甚。正擬登堂。叩賀老伯。冀與昆玉握手。忽賤  
禮不快。十六日卽扁關行卜。寤寐夾城。徒作姑射仙人羨耳。足下羽滿高翔。菰

蘆間人預占利用大作志喜也。

### 與友

張建續樞侯

鸞鳳和鳴。正及桃夭之候。遙望江臯。喜氣充閭矣。弟瑣尾兢兢。乏物將賀。唯有從雲漢間代祝天雞不鳴河鼓緩漏耳。

### 東陸蓋思

吳綺菴次

湖千分袂。歲月馳輪。一載以來。寄身舟楫。每望兩峰晴靄。竟等三山。而停雲之嘆。尤在我二三知己也。令姪遠臨。備聞西冷近事。弔廢圃而人亡。過酒壚而淚落。三復來篇。爲之廢食。所幸名山近著。日滿奚囊。以嘯傲消其離索耳。承諭索傳。敬如命草上。禿毫塵硯。殊媿不文。然不敢不言其實。以負良友易簧之言矣。東帛辦香。聊將鄙意。惟道兄執紼時。一呼鄙人姓氏。以通哀歎。

### 慰友人下第

諸長祚秋鶴

茂陵秋老。江影浮葭。片石叢青。正客星舊隱廬也。千古之下。猶栩栩動人。彼夢裏邯鄲枕邊蝴蝶。何足傷人襟袵乎。

與洪景倩

胡宗鐸天爲

聞弄璋甚喜。方以爲吞牛之物。豈意遂作夜臺耶。然得失有數。足下幸非商瞿之年。不當更效西河之痛。唯善自寬解。無歸咎造物可。

與諸君簡

毛先舒稚黃

湯夫人五十序成矣。足下達似竹林而閨中。幸不作劉伶婦。卽此寫來。頗生動。不必德耀少君。滿紙浮文也。或可換壽筵一卮否。笑笑。

與胡克生

程光祿弁先

伏見克生書法。已登二王之堂。絕唐宋之席矣。乃復問書下走。何異家有重鼎。列犖而顧。不忘野人之溪毛耶。偶閱江文通集。爲錄三首去。令兄壽詩。承命并

爲之想瑤笙綺座之側當無庸我益飯之響也。

### 答友

陳趙鵠天爵

豚犬之生難卜荀淑。不免貽景升誚耳。蒙貺金錢。小人安敢當大人之賜乎。謹完璧以謝。

### 與汪太史

江奇相海儻

嘗見輦下貴人。嬰情爵位。驟鐸馬通之外。別無生活。卽回首家園。不之乎。泉金谷亦僅付囊駝。輪耳主人反不若遊客之享求。如我兄之一觴一詠。嘯傲于花茵月謝者。幾人。額手稱慶。

### 與陸蓋思

徐汾武令

徑菊叢開。詩成杯酌。懷陶令之遺風。誦洛丞之佳序。知道兄筆吐江花。自不減二公當日也。從遽延案頭。得讀二陸新詩。真所謂淮南句裏。字挾風霜。孫尉毫。

端聲同金石者矣。幸卽惠我一冊。以豁蓬心。家君今年適屆五十懸弧。同人咸有贈言。敢望仁人君子。錫以篇章。勝於華衮。感刻無量。

與徐野君先生

王 暉 丹麓

老大無成。忽焉三十。每一念至。輒復傷悲。親賓有致賀者。概行堅却。所不能却者。只惟先生一詩。蓋有道者之言。不獨可以壓災。且欲借此當長命縷耳。

謝秦摯菴

陸敏樹 蕙庵

罪深孽積。禍貽先君。弟復不肖。爲世俗所賤。卽先人門下士。未聞遣一介唁我者。使至服闋已三日。香楮燼渥。重以大章。辭旨不繁。而故人之情。端士之概。無不從淋漓悲愴而見。已設位對使者。讀而焚之。歎歎厚誼。直與徐孺子衛大經同不朽。猥欲得諸今日哉。

寄姚天賓張齊仲

陸 堦 梯霞

浪跡京師。殊無善狀。早晚當擬南旋也。聞期孔迫。想兩兄揣摩已成。僕雖對秋風思尊。鱸甚切。尙欲稍緩扁舟。待二兄歌鹿鳴而來也。

簡胡振音孝廉

子衷先生介弟

蕭

京長源

某夙疴日劇。當茲母難之辰。又值君臣修省之候。深愧久膺天祿。補報未申。涓滴猶不敢以慶問瑣節。致煩動定也。每翻閱尊大人及令兄先生賜贈佳章。當世世榮感矣。某雖殘燈待燼。尙偷息人間。於尊大人不能時陪杖履。於令先昆則惟有人琴之感。因念此日懸弧。追憶前誼之篤。不覺臨池一淚。

答龔華茂

洪吉符

原明

話別秋猶未半。幾何時而又景添宮線矣。睽我叔度。日切調饑。方擬覓漣水之鱗。寄停雲之思。塵穴未果。乃翰旣已從雲墜。披緘拜惠。媿感交深。比來玉體凝和。自多勝緒。有賢主人如斗三兄。而又得石宗兄朝夕共對連床。訂古把酒論文。真可相忘羈旅矣。小春文旌北指。乘長風破巨浪。夜新柳汁。案暎藜光。直彈

指事。驚下如弟。筮策不前。何敢妄冀。織離同步哉。唯有翹首佳音已耳。

答呂翼令

王 暉 丹麓

世有耆英。頌言固所樂附。矧重以嘉命。筆墨雖劣。其何敢不勉效。封人之句。

答萬允誠

沈元琨 孫錄

日夕向友人話舊。壽言下頌。致失東答。歸途水煙四起。漁唱驚聞。抵家甫拜。敎而新蟾已在。中矣。舉杯呼月。快讀鴻章。喜動顏色。嚴君得珠玉而名彰。用藉不朽。

代與杭衛張某

張 湛 芥山

馬齒之辰。乃承過問。瑤華鼎致。益感浮生矣。虎林衛郡。門下長才。暨試批導。有餘。垂壞屯漕。幸復振刷。遙望兩峰。三竺光輝。燭天固知福星遠麗也。

姚月柯七十餽扇以祝

李 穎 考叔

足下今年政七十耶。玉桃金莖。都無力辦。聊具便面。用祝三多。非謂鏤月以掩歌姬口也。冀足下上躋耄耋期。頤仁風。播寰宇耳。莞存爲愛。

答李考叔誕辰惠扇

姚廷桂月柯

念及懸弧。頗深劬勞之感。復有何心緒。飛越觥觴。洋洋鳴得意也。承惠便面。弟無力戒庖。卽以便麵將意。乞卽惠臨。幸勿鄙弟爲搢斤播兩也。

與洪昉思

諸匡鼎虎男

我已生女。君復不歌弄璋。然他日佳壻乘龍。當預爲足下賀。若僕者。本媿冰清。又安望得玉潤耶。

與胡克生

林嗣環鐵匡

別久矣。逢人輒問及胡克生。筆床花欄。皆無恙乎。衆人曰。諾。則弟以是爲慰。

復董玄宰

王業浩

弟渡江日。尙慮慧君事多葛藤。茲承手教。聊城一矢。弟輩所願。然不遇狂且。何以見西湖韻事。旣閨中赤繩久繫。豈陌上黃金可調。無爲攢眉直當捧耳。

上李太尊

洪吉符原明

自愧閭庸。謬蒙提植。銘鏤五內。昕夕九迴。乃緣拮据。衝疲未遽。展抒忱悃。歎同日累。辜與時增。茲值三祝之申。附布寸私之積。雖天高地厚。尙矢報于放摩。而曝獻芹。將聊先明其脚結。

與范長倩

洪瞻祖 親建

某摳衣綠野。獲奉警效。曾幾何時。而斗柄兩東矣。荷長者渥遇。披以春風。飲以醇醴。孔北海之忘年。陸君瑤之折節。豈云古哉。縈懷明德。寤寐爲勞。御龍氏代。有令德。迄文正忠。宣兩公而三不朽。大業焜耀。平江台臺。克昌厥緒。遐布休聞。獨以子雲伯道之缺陷。海內胥爲顛切。彼蒼有知。必不爽勸善之鑒。計此時長沙望渴。石麟玉燕。應投蘭夢。湯餅之會。匪遙某且操桑蓬。而博嗤于書麈者之。

後矣。何日惠顧聖湖。當掃齋頭片武。僭投台轄。不識能賜首肯否。

### 慰李考叔先生

陳 枚簡侯

昨者薄暮。轟傳先生。捉月河濱。五內驚裂。旋聞衫袖淋漓。頂踵無恙。始笑河伯。未必解修文也。臨深不溺。履薄無虞。異日必如涓濱。白髮隨載。尙父之車。或爲桐水羊裘。竟博故人之臥事。正未可知矣。舒懷爲上。

### 與徐京山

丁 濬素函

閱足下所著碎琴詞。鶻啼春樹。蝶怨秋花。何其悲也。獨是古人命詞。率皆婉戀。房帷今足下以舉案之懼。翻爲埋玉之泣。嗚呼。知音不再。何止碎琴。然其曲調。淒涼直可追蹤古樂府歌謠。殆亦詞家之變體歟。三復諷詠。玉墀香冷。翻何來遲。纏帳月寒。魂兮莫返。哀之所感情見乎詞。

### 慰宋荔裳先生就逮

李 穎考叔

數載。悒悒。媿未矢報。忽聞緹騎來浙。錯愕驚惶。不識何故至此。細訊方知。變生肘腋。族姪含沙。誰明公冶之非。孰辨臧倉之愬。積毀銷骨。衆口鑠金。竟未卜何日得雪盆冤也。雖然于公之庭。高懸秦鏡。必不使柳下櫻盜跖之誅。司馬濯桓魋之罰矣。平反隨奏。慎勿縈懷。

與伯兄仲簡

汪 鏞允鼎

雕籠鸚鵡。日繫花梢。客至則多般巧語。吾兄每謂蠢僕不如靈鳥也。昨忽斷繩飛去。兄歸必自太息。不知好物不牢。彩雲易散。同一理耳。肅此慰之。

候潘二岳先生

陸敏樹蕙時

酉春一別。滄海橫流。浙西東粵。魚雁莫通。地北天南。馬牛風邈。屈指于今。周一紀矣。每念白門立雪。真如昨日。不肯樹鹿鹿。無能仍嗟沉頓。才媿相如。徒分四壁。詩非杜甫。貧甚一錢。雖帶水盈盈。無由逕渡。得不嗔樹疎節。晤鄭夢老。始悉興居掃淵明三逕。顧荀氏入龍。途次立談。手足並舞。繼聞世兄秋捷。桂枝杏蕊。

自是師門故物。且義方之訓。啓端明。蓮炬。基文。正槐堂。一龍前。蜚竚卜。聯舉矣。亟擬趨賀。見逐之蛾眉。羞看屏雀。含慚之別足。未遂趨鳧。引領遙瞻。何如翹企。

### 與王茂寔

陳洪綬章侯

聞足下體氣違和。託尊君致意。懸念想爲道區區矣。此時人不病者殊不近人情。弟幸生而啜啜唯飲酒。自宜故生途將盡。無甚疾病。今且老不知愁矣。惴惴心懷。不得趨候。近服何人藥餌。參苓頗貴。足下又貧親友且絕于假借。大爲足下憂也。茲時無良醫。不若屏去典籍。絕口吟咏。靜攝爲中醫。亦一善法。幸少留意。

### 東友人

朱世濬且健

梧桐未落。客子先秋。想吾兄得氣之先耶。不然何以月下聽琴。聲恍如鶴。怨晚風吹羅帶。瘦比黃花。弟無慧眼。不能窺破一切。然心竊諒之。幸自愛。

### 與胡克生

時克有出世之意

林嗣環鐵崖

新歲尙未一面。一見吾兄。頓失衣冠。使我骨驚。此皆朋友之過也。弟饑驅。卽于本日出門持鉢。四十日方回。同時以一瓣香頂禮師祖。兼爲老伯伊蒲之供。環非無情者。

寄大司寇龔芝麓先生

宗元鼎梅岑

季春閱邸報。始知陳情祖載。予假南歸。計此時將已。烏助蕭廬。牛占陶墓。應當徒步遠來。執紼哀挽。而槐黃在邇。不得分身附束生芻。遙奠神域。兼望節感逝之悲。惜棟隆之體。爲蒼生加愛焉。

賀隴右曹陸海登第

李穎考叔

春間促膝富平會館。彼此攢眉。弟隨策蹇遼西。纔兩越月。適閱邸報。知兄翁天人奏捷。醜顏曲江。遂與弟霄壤之隔矣。俚言馳賀。勿謂此時。此際正當易交。安用紙半張也。擲之廢笈。

與柴玄弘及門

汪之琦奇玉

鹽中蔓。醬中蟲。米中蛀。書中蠹。皆陳腐厭惡之物。而不肖子弟之視家中老類。此嗟乎。使不肖子弟家中無老者。而欲積有蔓之鹽。啖有蟲之醬。食有蛀之米。藏有蠹之書。不可得矣。足下西河分席。當取予言廣之。

### 慰魯親家喪孫

陸敏樹蕙暉

知錢孫不育。初發痘時。弟已卜其危也。此孫甚可喜。曩以錢名。因時俗所深喜者。而命之。卽是以觀吾輩固窮。卽此虛名尙不克保安望。有繞床溢屋之實耶。天實爲之。亦弟命名之過。勿過傷爲囑。

### 賀丁飛濤

尤侗展成

壬辰長安道上。馬首相遇。不獲班荆。一話平生。乃憶武林之遊。信宿居亭。酒賦晉歌。流連朝夕。斯樂難嘗。豈虛語哉。三秋采葛。千里停雲。南北相思。何以喻比。接春榜。得兄名喜而起舞。不但王貢之私文章。聲氣如兄。昌黎眉山。一第借以增重。尙恨不得弋雲令弟。嚶鳴同嚮。復修郊祁故事耳。弟偃蹇邊關。一官挈肘。

十口捉衿窮愁蕭瑟之况。無足爲故人道者。一杯奉賀。深愧淺矣。

與郎季千

沈謙去矜

無後豈非大事。然令子隕時。足下猶強盛。可復舉也。小星不煥。因循至今。十五年來。精血枯耗。乃始議及。不亦後乎。廉將軍老作善飯。據鞍狀而無。奈其遺矢何也。

與徐武令

吳萬璿亦哲

聞吾兄新賦小星。孤幃寂寞。藉以少慰。正如鴛鴦失偶。暫遊鸞鷕之羣。飛鳴飲啄。不至塊然。見友人投贈甚多。弟不敢作。蓋作詩不襲豔體。無以稱題。然一涉芙蓉楊柳句。愈動吾兄悼亡之感。是重得罪也。不如任無詩之罪。

與友

陳道復白陽

雪野先生。今登五秩。與余交最久。非鄙言不能模寫其平素。知雪野者觀之。亦

必然之也。

與某友

張瑞圖二水

威儀祇完。藉手壯祖鞭之色。染柳汁以成袍。曳墨辰而作履。非兄不能當此耳。

與石臣曹坦

方域青匪

趙公門清如水。恰有一小事。又爲其所欺。以此不欲再留。幸當事深加愛重。致敬盡禮。故觸暑言歸。聞石臣抱病。爲之終夜不爲寢。非所謂疥癬之憂也。雖藥餌亦云意而已矣。唯在清心寡慾。省酬應。減思慮。則病不藥而自愈。匪唯可舒二尊人憂。并可免不佞及內子慮耳。

與方青匪內父

曹復祖石臣

不日着鞭返里門。劉襟文事。已爲當事者。叮嚀至再。不能看其鞠審。頗行爲一言以勸之。曰尺霧障天。無虧于大寸雲點日。何損于明。彼細人曉曉。亦妬文耳。

士君子。幸重垂堂之戒。勿以明月珠。輕用彈雀也。唯岳翁致之。

### 與蔣亭師

盛經三

身慙朽暮。蓋藿支吾。思一報知己而後已。奈旱饑交迫。將來有溝壑之憂。且風塵滿目。舉趾心惶。賀不能一拜渭陽。弔不能一踊萱座。徒使肺腸寸裂。望風浩嘆而已。薄附楮儀。赧顏殊甚。

### 賀姚中丞

諸長祚秋雀

甬東遙指。卽是蓬萊。曉見鸞鶴摩空。知爲神仙而平。擬奉大斗追隨。值春江潮泛。不異弱水橫波。惟藉青鳥。凌風遠祝。中丞千壽。

### 與胡克生

巖 沆韻亭

一病十日。今未能起。接手教。知舊恙未寧。念甚拂意之事。切須澹置。以此介介。反累清安。當非有道氣人所宜也。

慰王牖民喪子

余 溶 備 卷

昨過鄭虎兄齋頭。聞足下桂枝殞折。傷痛過甚。某亦爲之不樂。然足下奮翼。臨池失之東隅。猶可收之桑榆。幸勿爲失明子。夏令我輩作曾子弔也。

答王安節

紀映鍾 藥子

惕菴先生乃弟。四十年景慕者。翩然枉臨。如霞表霍手。出之方平書。慰論懃懇。荒江蓬壺。喜色滿梧竹矣。第車不停軌。不能無悒悒。日來誠孝所感。牛暝佳地。自有默相如願者。弟謹合十以祝之。

慰侯慶年落第

王仕雲 荃如

柯亭枯竹。咸薦馨香。巉嶺殘桐。翻成妙響。賴品題有中郎耳。積藏荆璞。匣隱青萍。終不能與和璧隋珠同識。賞天之生才者。何心世之阻才者。何意可奈何。奈何若何。

慰友同居

陳 傑 扶搖

凡人聚俗日久。則異處各爨之論生。食指漸繁。則猜疑懼色之念起。非有明識女子。調而制之。卽頑僮灶婦。皆得易面反舌。而操離間之權。閱牆之釁。猝起於頃刻。分而爲途。人訟而爲吳越者。比比也。兄處季孟間。克守百忍之箴。又得賢嫂調制之力。何用分爲。

與潘蒼儀

鄧錫璿 廷珩

老伯大壽。同人傳啓已傳。公祝之期。幸主人示知。以便登堂稱賀。効無疆難老之祝也。蓬萊三島。何日引人入勝。想於瑤池宴罷。醉臥松林石上也。若得預觀更快。不識可否。

上程蕉鹿老師

詹廷棟 柱臣

冰口口霜。多士蔚起。不意蹇足。亦蒙拔置驂驢之末。感被恩私。當不僅國士報

也。道聞許由濯謗青天。浮翳知無礙于太虛。第恨宵燭寒光。不堪及遠。未審何日朗霽霞霄。一消積氣爲快耳。

### 寄江寧沈業師

高士爾達

自昔庚子歲春。白門晉接。依依不忍離別。迄于今。幾有十年風雨之思。違教數年。不意困頓憔悴。如同一轍。茲值吾師甲子誕辰。因地遙勢阻。未獲登闕里之堂。而爲春酒之介。負漸寤寐。罪如之何。緬想吾師生平。慨然以名教爲己任。有俠骨而無柔情。有熱腸而無脂態。有正言而無綺語。有坦直而無偏私。浩浩之懷。見于眉宇。此所以爲壽也。余小子不能以形祝。而以心祝。惟夙夜致禱于松花。芝草間而已。

### 仕途類

### 與汪然明

楊鴻

客冬接手教。不啻聚首六橋。親承咳吐。同祿無知。謬張狂餓。致寂寂玄亭。不克少蔽風雨。聞之殊五情怏怏也。弟以迂拙忤情。改縣就教。今復遷國博矣。倘部轉在。目得差東南。與良友傾倒。散髮星河。睥睨人世。真快事也。長安馬上。無他事。惟舉扇蔽元規塵耳。弟自署一聯云。乾坤窄小難容我。世路嶮崎且聽人。又近日置兩細君。不啻雙璧。暇時琴酒自娛。亦自署一聯云。玉樹風前才俊客。金釵行裏謫仙人。此則冷官之寄景也。仁兄可啞然一笑乎。

與劉昌六

秦 超升公

頃聞當事借重代覲。必以才品優長。克光盛典。且身依日月。對揚休命。一大快事。至若覲費樽節。不及往例十之一二。亦緣火耗革除。故無別項。可以通融。吾翁操守。直擬劉寬。果無餘貲。諒難賠貼。但儘此些須。量留少許。以贍家口。挾五六千金。帶僕役兩人。輕裝向往行道之人。見之知其爲清白吏也。能致清白之譽。其福澤安有量哉。北道嚴寒。千萬珍重。俚言一章。書于扇頭。客館淒涼。一展玩。足以開笑頰也。

答張卓庵

沈 鵬舞裏

接手教。知通邑爲劇。刁劇瘠之地矣。然必琴善鼓。又不在治之難理爲慮也。總之。今不如昔。積習使然。兄誠不斬牛刀。雖荆榛瓦礫。頓變爲桃李桑麻。君固廉而明者也。僕何穎舌爲哉。

與家遵素

馬成蛟龍伯

江臯判袂。荏苒徂秋。俗吏之苦。此間爲甚。百事廢弛。千呼莫應。失雞亡犬。輒到縣堂奔控。雖竭力整頓。稍稍就理。而無如官况。嚼蠟頓覺腰強。難折矣。比來文壇新構充筭。覓便寄我快甚。秋氣漸爽。安得一幸。山色共飲月泉水也。

寄李大白

沈一貫蛟門

都下周旋。里中話別。俱各慘然。難爲懷緒。信知平時聚會。終日笑談。良非偶爾。弟藉庇之任。山川險惡。非復吾鄉。輕車短棹。可以徜徉者。幸而舟車無恙。然勞

頓甚矣。十之一日。已入首齋齋中。諸事荒涼。弟早辦。一隨緣。任運法。以處之。故不甚介介耳。

復汪然明

楊嗣昌

接手教。探本之論。首在吏治。獎廉抑貪。去衣冠盜賊。以養民生。誠爲急務。卓吾老子嘗評古人兩字曰誰肯。今天下事壞盡。亦只是誰肯而已。可奈何哉。

與柴延喜

陳繼儒仲薛

頽曆。知春分。俸知飽。蓋歲受明德者。兩度矣。引分山臞。不敢造謝。以涸庭鶴。乃蒙百穴中。猶記存布衣故人。此何等高誼也。貴治花租已荒。米價又踊。幸留朝天之轍。活此窮民。但做處好。訟好。逋古人有卽押告狀之人。先查錢糧完欠。然後准狀。此於催科之中。寓息訟之意。不知可行否。若吳淞者。蘇州諸邑之下流。松江諸邑之上流也。北曰婁。江南曰東江。卽黃浦中曰吳淞。江敞口。以受西來太湖之水。使之入海。其形如乾卦三爻相似。今吳淞久涸。如乾少中爻。故蘇松

上。下。二。流。皆。填。咽。奔。潰。而。水。患。不。可。救。矣。獨。嘉。定。借。流。吳。淞。不。惟。病。瘳。而。且。病。旱。地。方。凋。疲。實。坐。於。此。雖。有。開。濬。之。議。頗。類。無。米。之。炊。仁。人。在。上。何。以。策。之。承。下。問。敢。據。一。二。以。報。虛。懷。

### 寄應太室主政

李碩大白

握。別。後。蹀。躩。風。塵。中。新。暑。蒸。人。膚。澤。幾。槁。越。十。三。日。始。至。徐。河。又。值。梅。雨。淋。瀝。日。夕。反。側。可。謂。備。諸。苦。趣。矣。抵。家。微。官。跼。蹐。概。絕。應。酬。兀。坐。月。餘。未。敢。窺。戶。然。知。己。之。感。未。嘗。不。一。日。九。迴。也。寒。氈。落。莫。且。在。荒。瘠。之。地。徒。增。束。縛。貧。士。爲。貧。復。沉。貧。海。亦。付。之。無。可。奈。何。而。已。憶。都。門。時。叨。青。盼。醉。德。飲。情。明。月。夜。光。不。足。爲。酬。顧。此。窮。措。大。懼。無。報。稱。日。也。臨。風。懷。念。不。旣。謝。私。

### 再與家遵素

馬成蛟龍伯

蒞。任。來。苦。無。善。狀。舉。頭。開。眼。則。對。頑。山。排。衙。坐。堂。則。對。頑。民。以。縣。令。百。里。之。寄。日。事。瑣。屑。反。不。若。田。舍。翁。課。米。鹽。索。逋。負。猶。爲。得。體。也。何。時。再。臨。湖。水。一。洗。俗。

吏面目耶。遵素下帷。想更精進。新裁郵寄一二。庶案牘間。閱佳構。稍能滌我腸胃也。

東沈舞驥

張超卓庵

瞬息三秋。扶搖九萬。想兄得意。正在此時。弟於數千里外。舉觴擊節。快當何如。但通城山僻窮陬。淒涼滿目。雖管晏經營。莫能勝任。而况弟乎。大約苟延歲月。覆鉢之虞。在眉睫間耳。

與柴延喜

陳繼儒眉公

台臺榮滿後。未敢通一覲。展一賀者。蓋自揣山澤之分。非敢疎闊於知己也。恭惟明公八面受敵之才。一塵不染之守。屈指銓選。與邵朱二公鼎足而三矣。且精神周密。歲歲不絕於窮交。而又當獻歲謁賀之候。徧於忙時閒。做冷人熱做。又何其鳴和鸞而清節奏也。不勝嘆服。

賀翁甥補黃州司馬

金日新襄銘

頃聞綸命。晉秩江安。分竊餘輝。良深欣躍。然此地爲大江澤國之區。非得賢孫。經綸偉負。幹理長才。展施而整頓之。何以奏綏靖之功。莫閭閻之枕也。竚見隨車甘雨。頓甦涸轍之魚。煥發新硎。已絕萑苻之跡矣。某猥以疎庸。謬承獎借。翰言篤摯。益切眷存。第責千里。以驚足負。山嶽于蛟肩。恐不勝鉅任。是虞耳。率鳴賀悃。并布候悰。

### 寄姪

林養心工宰

客冬曾寄數行。遠問家况。故園離黍。舉筆爲悲。信步浪遊。直抵西粵。逢場作戲。薄官全州。向爲戎馬戀戰之地。城郭則是。人民俱非。冷淡衙齋。別無滋味。所可領略者。但有清風明月耳。乾坤初定。需人甚廣。苟有片長。便足建樹。丈夫隨地。可以自立。慎毋謂故鄉雲樹戀戀可依也。長江登舟。一帆可到。因風修此。不及多云。

### 與李次楫

陸敏樹蕙庵

道翁終賈韶年。馬班巨手。固清時之麟瑞。實盛世之羽儀。素心所擬。以爲非金馬玉堂不足容君冠冕也。頃傳臚報中。不聞鼎甲。未免謂當塗失眼。旣得選館。邸抄已哀然首舉。乃知夜光。鼂采識者固不乏耳。匪弟本朝之幸。蓋亦吾黨之光。狂喜不勝。

答尤展成

丁 澎飛騰

三年間闊。夢想爲勞。頃于天津舟次。得悉政聲洋溢。繼軌龔黃。邇來臺班員缺。不日內召入都。鳧鳥南下。正可把臂掄心也。敬捧賜函。情深縫緜。知社兄臥治巖城。擁磨上郡。以東河之俊才。發宣城之藻思。飄飄凌雲。亦何壯也。弟頭顱如許。稍得展其驥足。正恐淪落風塵。不堪自問。知己之深。何以教我。

與德安司理

王一麟彥徵

昔文正公在諸生時。便以天下爲己任。吾輩嘖嘖稱羨。今寵命初膺。正麥雨岐民五種物望攸歸之候也。蓋一縣之安危係于令。一府之生殺係于司。李南

腐北鷄。實司其喉舌焉。居恆覩冤抑。輒憤懣不平。以爲獨不得權藉。以炤燭于覆盆耳。此念此景。詎可入官而忘之。

### 寄子薦

陸敏樹蕙庵

昭陽如在釜底耳。懷襄之勢。得不爲魚。第思河上諸公。豈竟無良策。抑天事不可爲耶。聞荷蠲貸。庶免追呼。不審高田尙有恃賴否。弟爲貧所楚。念足下當此大浸。亦不免于拮据。馮驩之缺。不患無魚。正恐陶潛之詩。無從貸米耳。

### 寄歸化周學博

洪吉符原明

弟以漏牒迂疎。自分樸澁青氈。足以自覆。不意上臺罔揣淺庸。輕畀民社。接管以來。正慚蚊負。忽接瑤函。過爲提獎。中情悚仄。媿也何如。但以四郊多事之時。值帑藏空虛之地。無米之炊。不勝惴恐。

### 與樹滋

曹玉珂陸海

袁中郎之于令也。曾多其名以喻之。弟昔暮雨行隴山道。身踰絕險。石滑難攀。而復有意外之虎嘯猿吟。駭人聽聞。正可取譬。袁未克逆知此也。然吾輩不能躬耕力田。事遂可已乎。謝上蔡曰。我有命在。若不信命。風吹草動。便生恐懼。枉用心力。信得有命。便氣不摧折。能如古言。履險若坦。自可不失懷來。官得所守。自民被厥惠矣。知我兄不以弟言爲迂也。

代謝某太守

孫孝楨世才

日承雅贖。遠頌情。意優渥。真不勝平子瑯玕之嘆矣。新使君至。想戒帆在邇。聞雲冉冉。別意俱長。我勞如何。所望在朝公論行。卽有公輔之擢。以慰故人遐企耳。

上顧西巘夫子

林鍾豪公權

獻秋錫山拜別。星聚萍分。悵已再經歲。簷稔知夫子京台榮轉。帝闕留馳。佩讜言之日進。凜審誇之風高。凡屬蒼生。盡蒙函蓋。矧叨教育。可勝瞻依。

復陳簡侯

六載宦途。一官袍繫。近奉新綸。計俸遷擢。苦海浮沉。何所底止。承齒芬所及。愧弟碌碌。無所短長。適足以見笑而自點耳。

與友

王一麟彥徵

荆湖宿分軫翼。爲吳蜀要衝。向苦泯棼未靖。專賴召杜之賢。加意撫綏。吾兄際茲鉅任。慎毋曰非職所得爲者。遂膜外視之也。則洞悉民隱。不第當爲水晶之燈籠。而一家哭一路哭。更宜權衡輕重。以爲驅蠅之紈扇。是所望于足下者。

與新安大尹

李 珣字藍

酷暑侵膚。征途勞攘。頰首飛雲。能不胸次連綿耶。哀鴻中澤。哀嗷可想。催呼不應。惟耐心寬緩。以救鳩鵠于紅爐。便是大旱雲霓。枯槁立起。又何必坐廠廈披涼風。枕傲義皇。然後爲高也。能爲民自愛。卽所以慰遠懷。臨穎不備。

與弟蒼儀

潘兆珪 儼思

不佞置身苦海。已及一年。萬苦千辛。襟肘俱露。加以藁爾福山。鄉紳林立。錢糧頑抗。自不待言。所幸門清如水。庭可張羅。除比糧外。衙叅早放。閉門靜坐而已。但飲冰茹蘖之人。誅求未嘗放過。廉吏可爲而不可爲。心竊悲之矣。

答門人張九滄中翰

曹鼎望 澹齋

不佞賦性迂拙。不工俛仰。歸來辭。未嘗一日去懷。今幸得遂拂衣。長爲便溪釣叟。悠悠卒歲。無復冠蓋想矣。元宵夜。接得手札。並佳詩佳稿。挑燈卒讀。語語血性。不屑拾人牙齒。可稱一代作者。此夜竟爲道文浮大白。中翰一席。雖云寒苦。較之邑宰。則難易榮辱。不啻霄壤。此時那有不苦之官。大約以忍耐節儉爲上策。暇則簡編可益神智。彼戚戚營營者。徒自苦耳。

答河道巡撫翁見海

張居正 素嶽

僕不肖。切抱敬賢之心。如公之高節弘猷。則尤私心所嚮慕者。理漕特借以爲簡畀之地。不久勞也。辱示疏心道衛分渚上源誠爲急務。但渠初成勢難再舉。俟休養生息二三年後。物力稍舒。當卽計之。若此圖獲就實國家萬世之利也。

### 答方學顏

左光斗

昔在青氈。今爲赤縣。春風化雨。隨在沾溉。慰甚慰甚。作令無他道。拿定潔己愛民四字。時時提醒。自有美意良法。相併而來。其根源只是不離秀才寒酸氣。便是不變塞真本體。真作用。惟門下思之。

### 文藝類

#### 與汪然明

錢謙益 牧齋

選一代之詩。以網羅放失。頗於逸民野老。多所搜括。效昭明文選例。止及已往。不敢及現在作者。不然。則掉鞅詞壇。有如老兄。便當借重壓卷。豈待翰教之及。

哉。然拜大教則已奢矣。莫名僧闡秀。及隱逸詞人之作。篋笥所有。而人世罕傳者。幸不惜搜訪見遺。共襄此一段盛事。嘉禾帶水。何不放舟一來。否則秋以爲期。無踰璧月之候也。望之。

與繆霜崖

錢朝彥 殷求

此番聚首。殊出意外。青山白雲。間視尋常。把臂較更勝也。弟閱筆數年。胸中塵棘滿矣。山中佳作。尙未能和。而又示此瑤珍。雖案頭光怪頓使貧兒暴富。然武庫開張。不令人望之益退耶。少遲容奉和一二請正。

與陸蓋思

周亮工 襟園

託微波以通辭。赤牘誠不易。足下吐白鳳之花。點碧雞之石片語。含情數行。寄想幅短而意長。當與山谷東坡並驅中原。僕何敢負努耶。

與王丹麓

毛先舒 稚貴

文津之役。陳書萬篋而足。下高矚當之。持刀斤以入鄧林。猶苦英楚之少。僕一卷之書。知部婁無松柏也。乃猶久溷于曹倉也。何故。

### 答士肩兄惠宣梅月詩

洪吉符原明

歲務蝟迫。正在紛紜。應接之頃。獲惠大作。捧讀數過。恍挈弟於塵霧之外。驚喜叫絕。當粘座右。朝夕同臺。畔花牕前。明月領取清芬。於不窮也。辱諭奉酬。俟俗慮稍清。敢辭俚和。但珠玉何啻陽春白雪。業已壓倒元白。下里巴人。卽勉嘔心。徒供噴飯。何以繼之。

### 謝畫

尙觀法維則

繪泉有聲。圖花得馥。拈體覽情。如春卉爭妍。秋林貢落。他爲片楮尺幅。亦如盆花砌草。一葩一葉。未嘗不灼灼動人。

### 東巖仁菴

沈家恆巨山

病魔未去。離緒方來。日治行裝。強半藥裹。竟無片晷。相對塵言。悒悒之懷。如何可道。前聞先生有靈隱之遊。陟驚嶺。登韜光。瞻羣峰之列翠。觀大海之迴瀾。知靈奇浩漭。都歸筆底。興之所至。定當爲沈生作書。令沈生見之。亦猶於靈鷲山中。坐臥數十日。夜應與攜筇鼓泄者。同其酣暢矣。

答方俊生

丘廷麟聖猷

自可草多得之於枕上。殘更時也。不過從二三裁章之暇。破愁寄嘯。足下何痴之嗜哉。而搜括笈笥。無復孑遺。翰使再辱。直賣菜乎。而求益耶。苟有所得。容繕呈。

東友

吳雲盛際斯

今之學畫者。款試非法。梅道人。卽董太守。弟把玩久之。所謂董者。竟不董。所謂梅者。徒令人心酸也。

與陸蓋思

胡貞開循蜚

足下文章達於四方者多矣。沐日浴月之光，高出萬丈。今乃爭奇于尺寸之間。託微波以通詞，渺臨風以何極。其質也則公穀左氏，其麗也則魏晉齊梁之調。其滑稽也則淳于東方，其解脫也則天竺漆園之奧義。忽而剡舟初雪，而桃渡春雲。景以情遷，文隨事變。尺牘至此茂矣。至矣。蔑以加矣。其中點竄一二字者，不敢方命，借此以明直道耳。

### 答張恭錫惠左解

尙觀法維則

左氏之學，未可一日弗講也。自經學不明，觚者無根，濟世者無術，窮經而不知經，寢能庭隼車骨亥身之奇，細且無辨。北闕之惑，棠陰之驗，采樵曳柴之勳，鉅更罔益。展讀茲編，鼓吹聖經，修明大業，以佐素王之誅賞。豈直功于左氏乎。亦藝苑中一鉅典大觀矣。

### 與吳梅村先生

李漁笠翁

攬勝名園，身去魂留者累日。老先生以方壺蓬島縮置几案間，日與仙眷傲遊。

與拔宅飛昇者何異。無怪乎繫戀東山。置海內蒼生於不顧也。過擾芳鮮。迄今猶芬齒頰。歸裝已束。刻日解維。所求玄晏。知已脫稿。拜惠正在此時。至於尺牘新編。尤望傾度。倒篋老先生詩文。大刻業已充塞宇內。人所欲讀。未能者。僅有此耳。某不敏。敢乞靈媧皇。爲世人補此缺陷。

與胡克生

繆沅湘芷

牋對草草報命。揮汗鴉塗。全不成字。而乃敢上納于右軍之前。得毋駭大膽。且不知恥乎。

與友

許光祚靈長

雨連朝。苦坐齋頭。殊無聊之極。春事大半在空濛中也。偶做古樂府十一首錄。呈斧削。稍霽。當走玄亭。以續前約。小卷未付墨。俟興到時。摹京兆筆。以供榆柳。

謝藍雪碑

汪之琦奇玉

承寫竹溪書屋。筆筆欲仙。墨彩毫神。揮洒此君。干青雲而直上。夏仲昭不得獨絕矣。每一展玩。恍若置身其間。因思鳳借以棲。龍從此化。造物生機。端在先生指臂之下。

### 與陸薑思

毛先舒雅黃

自臘徂春百許日。心灰神隕。已不知筆墨爲何物。遲遲稍俟。肺腸就位。舌受心使。當得洒然污齊紈之皎耳。

### 與表姪新以虛

諸匡鼎虎男

尊公序成矣。又復索我詩篇。但僕命筆必須清酒助思。倘飲我一石。自當報以于言也。

### 與李中冷

丁文衡公銓

李郎工篆籀。玉筋金尊文。令人作琛寶想。烏占書俟寫竣。當熏以龍腦。襲以異

錦貯以琉璃匣。遣長鬚奴至專山寺。汲泉數罍。方外道友來於梅花書屋中。烹日鑄茶。浣薔薇水。然後據五色藤筌。蹄縱觀此書。乃稱也。

上繆霜崖夫子

呂潛半隱

聯牋草上書。殊不工。今日擬趨函丈。見雪而止。甚愧程門矣。奈何。

復汪雯遠

章玉琳羣如

災紙不已。從而災扇。僕真風雅罪人。爲造物所譴責矣。南阮曝衣。聊以免俗。若云章君墨妙。不應品作人間第二書。則當焚硯燒竹。以從勿復。與此道相見。足下其謂我何。

與李長蘅

趙樸羽平

倪雲林畫。向不着人評者。以爲目中無人耳。僕學其畫。不學其傲。作秋江獨釣圖。請政長蘅其許我否。

復趙羽平

李流芳長蘅

古人用筆簡而易足。今人用筆繁而易疎。其不同處。正不在畫耳。不能學倪迂之傲。安能學倪迂之畫哉。羽平好古有識。鑒以此屬題。用發一笑。

與李懷帖

潘兆珪儼思

高人坐秋雨中。定有許多不朽事。不識能爲風塵牛馬之贈否。素箋乞致劉仁老。索其秀異之筆。略爲點染。試卽以秋雨意入畫。何如。

致王子安

劉世學

穎君似干將。所向無不克。明日乘秋風。臨池灑佳冊耳。

與張石生

藍瑛田叔

北海春魚子。乃出燕之天津。細膩而鮮。勝我東海石首子也。承惠及齒。頗含佳

味。佐小飲時。卽感高誼之至。所命石冊。尙需補色。染墨方盡。石之丘壑。稍暇當爲竣筆。請政何如。

與繆霜崖

黃 樹仲霖

弟戒畫二十年。自媿強不知以爲知。偶爾僂儻。遂爲大極真人所許。殊自羞也。台委容構思以政。

與李笠翁

龔鼎孳 芝麓

大集新成。辱問糠粃。其竊自揣。學非元晏。何敢弁冕三都。然得附騏驥之足。馳騁萬里。意之所符。望古可儔。俯而思之。實岱嶽之不棄撮壤也。

復表弟潘蒼儀索書小楷

蔣 鑑 水田

命題頗難。限期更迫。吾弟意中。止知有此一幅。更不計愚之他有應酬也。揮書雲壘。不得已勉置一切。苟且了此。自覺形穢。不敢與名。是一點良心。不昧處勿

貴我也。

### 答子問二兄

嚴 沆顯亭

投贈詩於弟有涉者甚少。見吾兄長篇。乃知骨肉兄弟。真與隔膚者不同。讀之而泣。泣而復歌。歌已又泣。中間情詞。豈無溢美。然有一弟在其中。兄詩傳弟。即可以傳矣。

### 與張宗武

諸匡鼎虎男

足下欲求作尺牘法。然此無成法可言也。僕嘗聞稚黃云。起非起。止非止。前無頭。後無尾。是短牘神境。以此爲獻。想足下當自得之。

### 與沈師尹論字學

迴文

李 穎考叔

誠心字學。要惟古秀。有法。晉在獻羲。唐在顏柳。宋在米蘇。明在文董。楷模古今。勞心竭力。惟兄與我。

又

我與兄惟力竭心勞。今古模楷。董文在明。蘇米在宋。柳顏在唐。羲獻在晉。法有秀古。唯要學字心誠。

與陸蓋思

莊同生 詹卷

日來暑雨不時。體中爲之不快。承惠墨妙尺幅。中丘壑無盡。遂覺眉目飛舞。昔陳元瑜草檄能愈頭風。今足下作畫。這過意蘇矣。大作清新俊逸。不數庾鮑敬謝。

復胡天爲

陳 杖簡侯

弟落拓半生。性懶成癖。每笑運臂陶君。祇覺僕僕多事。頃拜知己。良箴頓加。猛省佳石。雖未捉刀。所幸弟手尙存。及早爲之。未爲晚也。

與邵樾森論畫

丁 濬素函

昨在青門座上。遇武源沈子。爲予寫小影。草衣羽扇。行大澤中。不覺飄飄欲仙。真長康妙手也。側有奚奴荷鍤。以隨。昔劉伶云。死便埋我。今沈子生葬我。于白雲深處蒼蒼者。山悠悠者。水一望不見人烟村舍。何況酒罈君。其急呼斗酒共澆之。

### 答吳亦哲

陳趙鵠天符

前讀佳咏。命意精深。取境高渾。的是王孟宗派。拙句不過壩橋一曲耳。足下索之甚。勉錄呈教。方之尊制。何異犖摩之與子都也。

### 答友

龔鼎孳芝麓

中秋無月。客緒少佳。呼酒澆之。問天不答。不惟柳花店詩。以醉鄉爲避債臺。而石城中秋。值題亦成壓欠矣。佇頌芳吟。以當推檄。庶幾蓬生蔗中耳。三劄子容莫報。今日且有客召。得暇卽馳到也。

### 與張王士

沈元琨孫銘

秋來苦雨酸風。足不踰闕。未能與知己共一晨夕。惆悵何如。連宵月色大佳。正好對。嫦娥。問桂子。天香飄落何處。不徒向人間看。滿園秋色也。拙刻呈教。昔人云。屠龍技成。何所用。此亦一無用之技。聊供覆瓿。

與何舒莊

沈 賦相如

山行歸。歸卽伏枕。忽而炮烙。忽而負冰。不三日。肌肉如脂矣。今病小愈。愁心願此四壁。猶相如客臨邛時。安得長門賣賦金。一供其愉快耶。回念湖姬。當爐柳花。滿陌。問春衣。夜宿誰家。時那復得牆東何生也。然而念足下。甚幸以詩見懷。高篇燦燦。五色金琅玕乎。聊次來韻。用博大教。

答王綏山太史

徐士俊野君

珠玉在前。惟恐形穢。重以台命。又不敢方。勉爾奔走墨鄉。不識林下美人。以爲唐突否。

與繆霜崖

姚 銓山朔

高山之誼。幾二十年。此日恨皈依之晚也。歸心已搖。得時時請益。方愜仰止。城外晴色漸佳。車音何日得臨蕭寺。弟當以一船一茗。與老師翁指點湖山。追憶昔遊真旅人第一樂事也。拙句新舊數章。獻笑倘辱和教。所謂因石得玉。不禁有望矣。

### 與胡克生

汪 澐子傳

舍親新構佛閣。欲懇椽筆。書一小扁。以垂不朽。雖知克老筆墨愈貴。然未必于佛面上作惜也。

### 與徐野君

胡文祥 續菴

彼美百詠。一時興酣落筆。俚言也。何足言詩。惟此中美人宛在焉。故終不忍棄擲耳。今得道兄大序。且蒙細加點定。將見彼美諸姬如許。妖嬌情景俱從行間字裏生動。活現矣。茲有廣百美图記一首。仍祈大手筆點正。行將壽之梨棗。以賞世之文生于情。情生于文者。

與潘蒼儀

馮 怪子發

弟忙裏偷閑。作得四詩。借秦爲喻。實生平知己之感。所係謹呈大教。窮愁之言。恐不堪障吾兄青蓮華目也。

與王覲龍

殷四端擴四

弟自入都門。久不做此無良心事。辱吾兄親舉玉趾。使弟出醜。弟口訥不能措詞。故復汗顏爲之觀。其拘攣羞澀之態。知踈闊筆硯非欺也。以巴人曲。信手塗鴉。在吾兄習見。或不怪異。然名邦才人。寧不捧腹。又不能不怨吾兄矣。

東茅于純

鈕 琇 曹城

蕭條客舍。彈指間。忽已屆佩萸令節。雖無鄉老索逋之困。而不勝摩詰異鄉之思。賴有知己相與留連。歲月則寄身猶家處也。承諭分題。殊稱韻事。卽以尊意轉致柯寓兄。亦爲首肯。但必得新什。方成勝舉。日內寓兄將有西山之遊。當奉

訂回往俟登高後。以攬勝諸題并梓何如。

### 與朱晉三

季 尙上伊

連日少晤。未免有只赤千里之歎。韓老篋頭書上。天燥手強。筆秃如帚。殊不能佳。比來書法了不長進。每借中書君分過。吾兄得微笑其言。耶何時暢敘以慰契闊。

### 東王丹麓

毛際可會侯

草橋松溪。相距遼絕。不能時聆警效。然落月照梁。如見顏色。昔人云。室邇人遠。若僕又嘆人邇。室遠也。昨讀孤子吟。使人欲廢蓼莪。至性如足下。何得僅以文士相目耶。僕自家園板蕩。久疎研席。兼以諸先生珠玉在前。益覺艱技易窮。拙作勉副台命。乞于靈座前。雜楮幣焚之。俾尊公先生知足下。蘭譜中有僕姓氏足矣。

### 與壻鄭冠五論入股

林雲銘 西仲

入股文字。當年王介甫。不是驚空。剝出這般格式。蓋聖賢之言。義理精奧。非從四方八面說來。不能發明。殆盡故先輩入股中。有虛實。有主客。有反正。有淺深。有題前推原。有題後脫卸。有題中洗發。有題外拓開。看來自破至結。其實只是一滾說話。妙處總在入手。養局。今人不明此法。一起講便把題目說盡。下面入股總是一意改換字句而已。是聖賢當年說話時。把一句話重疊說了八九遍也。豈不好笑。

懷敘類

與張次薇

徐之垣心章

初夏一別。遂卽抱疴。奄奄無色。歷四月餘。冬孟又瘧。近稍可而終不。王久失候。問正坐此。台兄得無訝徐子薄甚耶。或者恃有夙愛。不以形迹見罪。差用自安。不肯將以一丘一壑老矣。不諒者必欲逼之。使行湯火。急踏不大畏人哉。來春當渡江與兄作數日周旋耳。

東汪然明

錢謙益敬齋

暑雨纏綿。湖山岑寂。匆匆作客。都無好懷。惟是變遷之餘。得與知己。盤桓聚首。契闊道故。此行爲不徒也。歸後忽復中秋忙忙碌碌。却如在逆旅中。秋光如水。明月如璧。不繫園中清歌妍唱。容與六橋三竺間。不知添許多好景。做許多好詩。提壺載筆。不得追陪。後塵正是生辰八字中欠此一段清福耳。

與李懷站

陸鴻勳巽庵

古今交道紛然。要其善全終始者。莫如一淡弟與兄。累日一見。累月一敘。何其淡也。乃生平所以奉兄者。論學則師。論齒則長。論心則一人而已。故相忘不計形骸。相契不分爾我。相要不畏湯火。相信不渝金石。一朝投合。此肺肝也。十年會晤。此面目也。以是言交情。謂天下最淡者孰如我兩人。謂天下最濃者亦孰如我兩人。

寄願良鱗友兩弟

張允祥吉士

平山春漲嫩綠凝眸。吾弟吟風弄月其間知別有一番領取。應不作世人白眼。觀也。其棲暉瀾水寂寞神傷。每憶君家恍若離障。孤鴻嘹唳天際。恨無壺公縮地術。安得曠覽廣陵濤乎。翹首雲山。馳情尺素。

與雲間曹生

李式玉東琪

昨往來三泖得足下倚絃而歌。客愁稍慰。然至綺靡之音。又極款昵。雖非江上琵琶。亦似樓前鶯栗。僕何能不悽惻耶。

與繆霜崖

張遂辰卿子

俚言不足存。如我翁過目能見其中意者寡耳。久欲覓紙求新什。書一小卷。俾時展讀。庶他日效孟郊之於昌黎。裴迪之於摩詰。不虛追隨往還。幸也。射易尙有數頁補刻未了。故稽命。此尤所欲深請教者。數日間躬送上。

寄都中友人

李碩大白

去夏握別。忽又再秋。居諸若馳。緬懷如昨。行時重辱。隆眷義激。情深。可勝感切。弟向以悻悻。吐去雞肋。謂歸家再作背水。以圖更舉。而塵務經心。鉛槧業緣。不能理。又不能棄。忽忽蘭度。愧恨何言。未幾。又當逐隊公車。第恐枵腹而戰。仍此故吾。復從首藉盤中。覓生涯。爲人椰榆耳。

### 與友

唐九經豫公

十日三遷。而今又四矣。吳山雖勝。瘴鬼勢猖。百計驅之。未嘗少減。爲之奈何。

### 寄友

呂黃呂

招提聚首。日月寢馳。轉盼間。已五易寒暑矣。惟文章道義。耿耿於懷。賴以勿疎耳。某因碌碌風塵。未獲時通尺一。然我輩神交。政不在尋常套語也。不知何日得再泛武林棹。把酒聯吟。續西子湖舊游耶。

### 答陳簡侯

迴文

聞則徵蜚英

景佳乎愧無句以酬相招之雅。大爲竊笑同人。故與足下嬌花媚月中。閒情逸思。適與酣歌平生願足。

又

足願生平歌酣興適。思逸情閒中。月媚花嬌下。足與故人同笑竊爲大雅之招。相酬以句無媿乎佳景。

與陳簡侯

吳國縉 玉林

日前不得面。輒於尊大人致詢。今幸同時同地。却以病疥止飲。將人休囚斷送。不能出門一步。其如渴憶大雅。不獲頻挹少年英華。用啓昏憤。豈非道緣之澀乎。容再調息數日。當勉摳文案前。細細作竟談。何如。

與沈巨山

諸匡鼎 虎男

前十年遊廣陵。曲江諸君頗謔賞。橘苑詩鈔。此幼時隨作隨刻。大諦爲好。名所

誤耳。足下倘見諸君子。幸爲僕致語。橘苑生。貧如故。殘書數卷。清茗一壺。當瘳風苦雨時。或爲詩若文。聊以自娛。他無長進也。

### 與元成弟

來道成式如

昨來以不近臥榻。一望顏色爲恨。近聞加餐。喜可知也。大抵我輩偶爾抱疴。只須用觀心法。佐以服氣。曠津卽勿藥。自當痊。可原無事。禕皇致庸。醫輩一劑。寒熱紛雜。投也。再欲走晤。奈四月維夏。已畏日如火。天生就一拙於趨炎人。自思亦應失笑。不必世人耳。

### 候夔州太守朱老師

金日新襄銘

日前車騎臨省。得親色笑。依戀之私。雖云少釋。地主之誼。固自缺然。曾幾何時。而又賓鴻成陣。楓葉凝丹矣。屋梁明月之感。蒹葭白露之思。惟遙望五雲。如瞻蒸範耳。師臺經綸神授。文武張弛。當世王公大人。孰不虛心推轂。以爲濟川舟楫之師。不謂洩渤之微。亦入鈞陶之內。洪庥未報。雖矢切於將來。感佩靡涯。惟

祝升恆之無既耳。

與茅于純

陸壽名處實

風雨扁舟望廬神往。諒我足力不強。真同題鳳。殊深停雲之思。大作容細讀。以聆妙緒何如。

與毛稚黃

陸進蓋思

淫雨不止。螟生禾葉中。歲必歉甚。爲兩人慮。歲歉則貧者苦。儒而貧者更苦矣。當何以存濟。如無奇策。急須訪昇元觀體崖道人。談咽氣辟穀之術。暇時尙可策葛陂杖。坐計籌山。看白雲起滅。綠嶂間不勝跨鶴仙。欲去也。

與陸蓋思

曹鑑平掌公

數載神交。未獲一清芝宇。伊人之想。夢寐爲勞。承珠玉下頌。盥手捧讀。如同晤對。舍弟輩以試事至省。弟以冗羈。不及同叩台墀。小箋呈政。如擊土鼓于雷門。

益。憚。形。積。矣。夏。秋。之。際。當。傾。倒。湖。山。一。杼。積。愴。想。等。身。著。述。悉。以。見。餉。但。恐。貧。買。入。五。都。之。肆。不。識。彝。器。爲。何。款。耳。

### 寄楊長公

陸進藎思

耳。足。下。久。矣。但。地。介。吳。楚。術。媿。長。房。更。雨。驟。波。翻。動。阻。游。鳥。故。無。從。致。筐。篚。親。色。笑。唯。臨。風。以。遙。企。睠。日。而。長。懷。握。蘭。斷。金。豈。敢。告。勞。

### 與張樞侯

陳枚簡侯

一。曲。驪。歌。唱。出。雲。山。萬。壘。舉。頭。明。月。其。能。禁。遊。子。故。鄉。之。思。耶。此。時。此。際。弟。惟。有。聽。枝。上。啼。鶻。壺。中。滴。漏。旅。人。情。况。可。爲。知。己。道。者。止。此。而。已。

### 與張履安

王暉丹麓

有。客。問。梅。杓。司。詩。與。制。藝。孰。佳。曰。制。藝。佳。客。問。故。曰。詩。能。窮。人。制。藝。能。富。人。請。問。富。貴。與。貧。賤。孰。佳。僕。謂。富。貴。自。佳。但。制。藝。依。然。貧。賤。又。不。如。詩。雖。窮。還。能。於。

花晨月夕。道幾句快活話也。足下以爲何如。

吳中東邵堯民

周致泰

舟出閩門。天地如晤。向雨窗烟棹間。望虎丘山色。渺若九巖。不必蜀道。匡廬。登臨無分也。爲我謝延陵司馬。倘自公多暇。修禊飛觴。余將從諸君子。後拂片石。登中亭。望吳閩雲物。白傳在焉。呼之欲出。羈人之願足矣。若夫洗鬆一道。歸篋蕭然。縱蘆花笑人。弗以辱使君青睞也。

寄友

方士翌

石葉從西湖歸。備述兄近况。兼借憩隨喜庵數日。弟遙從雙堤。符葉中一望。飛檣畫槳耳。反不如石葉有緣也。馳情何如。

與山公

鄧錫濟 廷珩

風雨重陽。登高裹足。兀坐東籬。黃花白酒。大都寂寂。中心菀結。殊不可言。昨者

曳杖過雲居。憩朱氏園亭。此間楓葉初黃。朱橙很綠。散步林間。亦足爲樂。日旰登阜而望湖光。如璧。山色還青。暮雲天外。情思殷殷。足下在彼。何以自娛。想蓮峰秋色。悉供清賞。倘獲勝情。願以相示。

柬友

李定昂 若干

生無俗累者。自與清福相親。道翁筆墨之餘。怡情山水。歌黛與烟嵐交翠。雲璈與天籟齊鳴。遙憶六橋花柳。如身入畫圖中。弟兀坐索居。幾令山色湖光。嫣然笑余寂寂也。

與鄴景淵

許 蛟 潛 飛

別後過陳亮章齋頭。烹魚酌酒。出篋中孫仲衍陳白沙諸集。快讀片時。未幾婆娑樹下。冉冉日落矣。即循北郭。走橫塘歸路。抵舍燈火出壁間。旁寺鐘磬聲。冷冷四達。頃又獨步霜月中。浩歌久之。乃就枕。魂夢洒然也。每與足下言。安得長此無病無事時。種種快樂。

致沈舞襄

馮瑱瑤席

齋頭苦無竹木可娛。幸得鄰人湊趣。隔牆突露梧桐數尺。綠蔭瀟疎。能招風聲。能留鳥語。能勾月色。能納晴光。雨氣卽此依稀。片影幻出許多景致。助我冷况也。動我幽情。是卽遙憐之知己得意之美觀。但恐秋風一奏。別我飄零。預費愁思也。

寄毛大可

王暉丹麓

仰看碧落星。隔參商。西望蕭然。波生潮汐。書欲通而信阻。夜常夢而中迷。遂使春樹暮雲。不盡江東之念。青風朗月。輒興元度之思。

寄何子豹

李岷源懷姑

渡江次日。積雨至今。逆旅淒其。鬱鬱誰語。吾兄愛我獨厚。未必不從烟波慘淡中。想我客夢迷離也。俟稍霽。相晤。同人以商去。就然此地人情。大半在水月鏡。

花內自成其貌。火心冰斷不能如周陵落落。滋味偏長也。

### 與汪然明

梁雲構

傾蓋大儒。飲醇已醉。正欲資山水之統領。爲風月之抹批。而陟岵有思。倚闥正切。何風期之多乖也。太夫人鳩杖違和。喜當勿藥。良晤何地。或在長安春明門東道。主弟爲政矣。

### 答沈舞襄

周官法朋九

無端浪遊。羈絆天末。區區小邑。索我壯懷。每憶向時。詩聯紅袖。酒對黃花。宛然如昨。鬱鬱不能自舒。忽雙鯉來自錦江。讀之如親色笑。不覺愁懷頓掃。何年歸五柳之門。依然把臂。庶不致越水吳山。笑我輩岑寂也。臨池權泐。

### 寄家范友

李岷源懷帖

山顏到省匝月。乃得一見面孔。開口便道大兄。且晚必渡錢唐。歡喜殊出意外。

滄桑來山改頭。湖換面不復認得。四方遊客爲誰。大家都只是冷冷落落。大兄到庶幾可使狂奴若弟者。少少持杖頭錢。追著蘇學士信步踏去。撥山轉頭喚湖換面。此等歡喜果出意外。奈何引領既久。杳不見大兄鼓棹。而西山顏雖旋引領依舊。寄此作一段虛空歡喜。何如。

與吳羽朱及門

汪之琦奇玉

足下室邇。不肖體強。猶得時親晤對。今喬遷遠如千里。交接隔若雲霄。且孱軀隅守。意興寂然。跂望知己來思。一破孤冷。其如栩栩焉。海上之鷗何。

與汪然明

董其昌玄宰

不佞弟之歸也。守陶公息交絕遊之詞。與柳公心動神疲之識。懸書于壁。曰。八十一後。焚硯爲始。自是眠食頗適。而六橋三竺。祇付夢遊。獨不能忘仁丈兄弟耳。阮家詩。得令則兄爲元晏。甚愜所願。但聞脫稿。尙在端陽。則扁書可緩。容附上。至仁丈爲文步多費。而杜陵所謂義取無虛歲者。不佞弟殊愧焉。奈何奈何。

與許潛飛

范 驥文白

橫塘一出。大駭聽聞。知賢喬梓必有戒心。走筆奉候。嚴守望乎。抑微服避之也。幸示知。

寄陳簡侯

張國泰 履安

椒花催臘。江柳回春。滿眼流光。復起芳草。王孫之嘆。遙憶徵祥。定多佳勝。弟每念鬚眉如許。不能建立。尙汗顏爲人作門館先生。以求微利。揆之貧士本懷。豈得已哉。更以相如壁立。破麥典後。別無可爲。朝炊計者。徒令老母寒荆。坐憂鵠面人。雖鐵石不無動心。矧弟也耶。滿腔愁緒。觸目淒然。真有不堪道。隻字者知已。如我兄。又不知宜作何策以相慰也。南歸之志。時迫五中。秋以爲期。或可把臂一悉離悰。

與同學

錢 瓚右玉

別後短棹孤篷。烟塵滿目。昔人歌行路難不誣也。一出河干。便覺面目可憎。聲音各異。祇有月色鷄鳴。與故鄉相似。回想故人。邈若天際。待歸來把酒暢談。咏河橋風雨夜推篷之句。仍恐諸知己又添幾行淚耳。

與張石生

徐之垣心畫

寓杭半年。無事不以上煩。在隆情。方作平等觀。而受之者如負岳矣。絕不閱報。八月選無從而知。令弟曾得官。未不論何職。振羽而南。便覺輕快。望切望切。春風又撩人面。殊動西子之想。家務無可羈足者。止以奇荒攢眉。釜底別無餘資。可以買棹。恨也。何如蓋做地不甚糴米。而不肯生來。又未經此。且老特伏園原。無絲黍之入空拳。求飽真難事也。

與友

許蛟潛飛

長念一弟子。員如匏瓜。終歲芒芒。隨人踵立。汙未能掃。一片青山。不爐不扇。窮前哲微意。轉眼間幾為四十無聞矣。知足下自命千秋。不類僕之局促。讓下也。

兩地寸心有如明月。何時合併。仗濁醪。五斗以訴。縷積。

### 寄京小祔

陸鴻圖 麗符

別。三。年。恨。不。一。日。會。會。一。日。反。不。若。三。年。別。也。河。千。分。袂。黯。然。至。今。無。限。相。思。  
都。寓。黯。然。二。字。不。識。簫。鼓。樓。船。中。兄。亦。動。黯。然。念。否。

### 上曹房師

丁景鴻 弋雲

客。秋。拜。別。芝。顏。歲。杪。揚。鞭。北。去。思。竭。驚。鈍。無。負。國。士。之。恩。詎。弱。體。驅。馳。風。塵。勞。  
頓。堅。冰。在。鬢。朔。雪。滿。地。甫。到。都。門。爲。二。豎。所。苦。仰。臥。床。側。萬。事。蕭。條。潦。草。終。場。  
逆。知。鷹。塔。無。名。非。敢。云。劉。蕡。下。第。也。落。魄。歸。來。閉。門。羞。澀。無。以。報。師。臺。之。拳。拳。  
益。深。愧。慙。耳。翹。首。武。疆。石。英。恨。無。壺。公。縮。地。法。得。侍。塵。談。暮。雲。春。樹。勞。結。如。何。

### 與丘于門

徐菊知 澹止

靜。觀。至。自。武。林。爲。某。言。西。湖。山。水。雋。于。天。下。云。他。勝。惟。宜。一。時。此。則。四。時。皆。宜。

他處山佳而水或不韻。水佳而山或不情。此則山抱有水。水繞有山。又昔人論山水。謂閩蜀老吳越嫩。此則老而致嫩。而秀某聞之。恨不能奮飛耳。自念此生。平無他嗜。書與山水而已。安得于此。泛米家船。載楊子酒。游泳匝年。歷四時之態。令湖光山色。沁我眼界。滋我心脾。靈我手腕。亦庶幾不負此生矣。

京口東友

丁 澎飛鱗

聞之楚客興悲。嘆楓林于江上。湘妃遠逝。謠桂楫于河湄。寄懷採葛。哀曠眇于三秋。攬袖擎蓮。動淒情于一葉。送祝融之返。軟緬蓐收而整。駢裁詩前夕。歇芳草于瑤徐。抗味今朝。蜚白雲于碧樹。彈夜琴而知雨。涼風生綠竹之樓。揮曉瑟而驚鴻。遠翼聳衡陽之浦。玉律初移。變浮沉于半日。金鏡有作。愴搖落于殘砧。

與許潛飛

楊雍建自西

新安多佳山水。以棘人處此。徒增風木之悲。冉冉白雲。殊恨不是。以攜贈故人。也。詩序雜諸舊帙。大索竟日。始得。當令小兒泚筆呈覽。

與烏野雀

李杞源懷姑

鐵。甕。城。邊。機。緣。非。偶。楮。衰。何。幸。得。識。孟。嘉。還。憶。襆。陽。一。葉。眉。鎖。千。重。鼓。角。頻。催。  
勉。爲。分。手。今。復。春。秋。兩。換。笑。語。醉。唼。宛。然。在。目。江。雲。有。意。沙。草。多。情。未。必。不。入。  
我。兩。人。清。夢。也。

與馮瑤席

汪 鏞九緗

大。丈。夫。當。風。雨。怒。號。神。采。愈。爲。抖。擻。宜。也。春。來。靈。雨。纏。綿。未。免。惹。人。愁。思。始。信。  
冷。雨。幽。窗。牡。丹。閒。看。小。青。能。禁。其。傷。心。耶。足。下。多。情。人。芭。蕉。響。滴。其。情。其。况。亦。  
應。似。之。

與金方城

許 蛟潛飛

入。春。悲。喜。環。至。湖。海。分。蹤。浪。擲。晨。光。矣。所。幸。牆。頭。黃。鳥。長。傳。知。己。好。音。耳。苦。意。  
下。帷。匏。瓜。自。蓄。脫。可。乘。閒。詣。吐。肝。鬲。

與顏子真

徐菊知贍止

人生如戲。某獨于戲場上作苦戲。人生如夢。某獨于夢境中作惡夢。然至鑼鼓歇時。總之一樣戲。罷眼睛睜時。總之一樣夢。醒先達云。窮通苦樂。一霎時事。諒哉。

復荆門和尙

凌銘麟天石

夙仰法座清修。所至當百靈呵護。頑石點頭。茲者卓錫本庵。行且爲螺水慈航。使西來一燈增朗。衆生額手相慶。不問可知。愧某非善知識也。何足爲覺苑金湯。雖然。苟或綿力可效處。希明爲指示。庶便仰承耳。

寄邵漢功

周致泰開文

渭城柳色。幾度青青。祖道河橋。惟送故人作郡耳。日向炎涼世路中。同首碧山。正復不堪自問。故人久客京華。到處逢迎。閱歷多矣。曾亦有韓荆州其人者與。

之論天下士哉

### 上俞夢符師

湯 鈺 麟 不

別逾二載。思繞九迴。予影感懷。殊覺悽然欲絕也。吾師揣摩既成。正如精金百鍊。長價國門。所謂絕塵之駿。必騰足于孫陽。楚璞之珍。猶增輝于卞氏。雖一時困躓。何足過傷襟袂耶。某自童年操几。親炙圭璋。近以庚癸頻呼。久荒文藝。譬之鶩駘泛駕。不有鞭策。其何能前。尚祈不吝指南。瑤篇遠惠。俾某莊誦之餘。宛同立雪。則造就之德。倍于覆育矣。

### 與韓聖秋

余 懷 澹 心

不肖兩致長安書。接教乃云。未見。豈皆在殷洪喬耶。南北阻修。鴻魚杳渺。得故人片紙。勝千佛衣經矣。不孝自喪先君。兼遭水旱。沿門托鉢。百憂中來。夙昔風流。一朝頓盡。又何待有叔度之後。休文把臂時也。足下雖以慈仁一片。松風作挑花源水。而燕步之筑。尚有悲歌而相和者。此調爲不孤也。白門潦倒。滿產健

兒久以棘人未能遇。年少奄然殞絕。辟疆死而後生。淮徐之間。遂無生色。足下想已寄愴應劉耶。

東中翰曹一貫

羅賢二千

久矣寒心仕路。銳志林泉。忽欲得薄祿奉祖母。再來闕下。遨遊縉紳間。藉藉耳先生名。每思一瞻風度。及踵龍門。又值帶露人朝。御李空懷。悒快而返。適及門。賈客公鳳池。初回道。先生雅意拳拳。益令弟思不置。冀得剪燭西窗。話芭蕉夜雨。一爲傾倒。不識北海開樽時。亦許禰生入座否耶。

與蔣水因

潘張仲尹交

去年上策不見收。今年寄食仍淹留。弟實傷之矣。鄉夢日切。魚鴈杳然。惟有扁舟。速下吳會。飽餐鱸膾。差足滌京塵十斛也。浪遊兩載。世事已看破幾許。謀生一道。不在天不在命。惟在當局者。鼻息中我輩。雖一貧無賴。尙有鬚眉。何能向市僧求活耶。但得知己解囊。稍借長風。轉瞬卽抵鄉關。便是快事。吾兄似有同

心。天香初放。弟當停擢以待。倘別有勝籌。未即動尊鱸之興。弟當先吾兄着鞭矣。

### 答朱戩穀

諸長祚 秋崖

曠阻以來。日月如駒。中山甲子。倍覺悠遐。非奉德音。幾同隔世。且聞策驥便入長安。驢鞭瘦影。燕市孤吟。弟雖木石無情。亦神遊此際矣。

### 與陳叅知

錢 溥齋尚

往歲獲侍高壇。如貧子得珠。大自炤映。然刻畫魚目。唐突瓊璠。又自慙也。別後參商。箋繪斷絕。蓋山澤敝民。縱魚狎鷗。頽然自廢。嚮往之私。時覺不能已已耳。

### 與曾弗人

尚觀法 維則

孟冬清霽。美於秋色。快得同人。訪我幽室。漫陳芋栗。嘗以白水。時寓白水庵。竟日忘歸。明蚤又將投風旗矣。惻望依依。

寄查伊璜

陳 傑 扶搖

向與兄比屋而居。談心問字之日少。至饑驅出門。念載浪遊。憶昔。篁嶺吟風。長廊醉月。渺不可得。始悔在家之不時。時請益也。

復王宓草昆仲

姚 璟 石壠

寒夜良會。足快千古。第當歲迫。吾兄反有離鄉之遊。正似弟之。今日頗有別致。同病得無相憐乎。

與茅于純

釋超證 鷲岩

兄翁高才逸韻。不減坡公。乃既不能具燒猪之供。并伊蒲亦大荒涼。荷陶公不為攢眉。獲聆大教。翩然拂衣得無訝其褻尊太甚耶。惜醉髡潦倒。都忘話言。唯台慈諒之。

與潘蒼儀

鄧錫璿 廷珩

前者諸公角試。新舊之間。頗有異同之迹。弟已高臥不出矣。知兄亦懶于應酬。故不先聞也。行期聞在三月。西湖春色。知兄領遍。然後看花洛陽耳。

### 與弟尹交

潘兆珪儼思

登堂判袂。忽爲千里之客。風塵滿目。情事可知。吾弟臯比于前。而琴瑟于後。趣味自佳。不肯於初六涉大河。初九日始入口。驚風怪浪。命同土梗。若非神力。以作慈航。幾將不測矣。今已抵濟寧。僅敵都門之半。得凍河無慮。舟達張灣。始免途窮之嘆。然不知彼蒼之意若何。茲值便鴻。謹以平安寄慰。

### 答西懷三叔父

王仕雲 荃如

捧讀來教。謂某少年是才人。中年是俠客。老年是理學先生。甚是慙悚。得無聲聞過情耶。多難之身。得蒙恩赦。還以故懺悔罪過。檢束身心。今來程鄉。作令盡反生平所爲。靜中用工。動時淘鍊。嘗持是語。爲午夜晨鐘。天下無蒲團。上長吏。却有公堂上語錄。催科提撫字。念頭聽訟提無訟。念頭隨所親所聞。戒慎恐懼。

終身不得調。有何不可。三叔父其何以教之。

寄朱函五

釋丹霞

上山肚餓。下山路黑。可謂丹霞累人矣。然世間但有事。皆有累。皆勞。皆苦。不獨丹霞爲然也。丹霞得高賢登臨。開一番生面。在高賢胸中。於勞異處。見一番脫洒。所恨者。主人老病。不能相陪步履。盡興盤桓。爲闕陷耳。卽事四詩。率錄請教。紀一時之盛。想當見獵而喜也。

寄家曠生

蔣斌 雜賢

憶浣花園裏。三徑幽深。梅花大開。坐臥其下。若置身仙境矣。此際塵中人。觀我輩。不啻雲天。笙鶴飄飄。太虛快也。何如今春間阻。不得共此爲恨。聊裁短札。以敘往懷。

與周青選

范允鑑 士衡

弟欲爲十日談久矣。奈足三及門而僕人辭焉。客有題鳳之意。主無倒屣之迎。何相見若斯之難也。

### 與姪倩詹子祭

莊罔生 詹著

久處山林。頗適野趣。不意復膺清選。侍從之餘。未知誠有補于當宁否。日前公郎見過。不能少盡東道主。種種雅懷。徒增赧色也。茲擬初秋束裝北上。雲山間阻。握別無由。一芹伴東。聊申遠忱。餘情縷切。當於五雲深處。望賢喬梓。遐賁一快企闕耳。

### 復嚴子正

吳相如 右廉

久已杜門。仲蔚徑蓬蒿滿矣。忽聞子陵自江上來。我有斗酒。藏之已久。未審釣得鱸魚。可共傾倒。

### 與同人

陳衍 虞園公

方在左支右吾之際。豚兒花燭迫人。夫室有吳婢。猶可牽犬若爐。無真汞。安能乘鸞免俗。未能勉圖爾爾。無計也。

寄何旦兼

陳衍虞國公

振翻秋霄。南溟再徙。自是年翁血駒事。賤兒輩榆枋。小鳥亦逐雁臣之隊。妄意邀翔雲路。殊可軒渠。况艫泮甫登。資斧盡劫。徒跣到省。麥無鷓鴣。將何以爲歸計。年翁亦諳其不知自量否。秋聲半樹。涼月滿窗。挑燈梁毫。遠懷如結。

答友

王仕雲 荃如

先輩云抽豐者。爲其豐也。余旣不豐。何抽之有。梅江非勾漏比。令又非抱朴子一流人。安能擲米成金。以供游屐。仁祖方饑。無由索米。縱諸公施劉。又攫金手。正苦無諛墓金報答耳。

答何旦兼

陳衍虞

憶去秋將半。橋西草堂中。警妓琵琶。小史清吹。竹肉互奏。明月當筵。弟以病夫。雜坐其間。雖若鸞鵠之聽鐘鼓。然而日攝神搖矣。歸來略無善狀。同視五羊與年翁諸君子。談鋒角勝。風雅唱酬。已屬華胥國裏。令人追念惘然。

### 徵約類

#### 寄七弟鶴問

宗元鼎梅岑

半年以來。無刻不縈惠連之夢。幸素暗賢主君。誼隆道重。以是此心稍安。歲已逼除。想可暫還故里。湖村松竹。稚子柴門。俱預待淵明歸計矣。慎毋賦抱琴歸去。作明年話也。

#### 與李雨崔

李行豸

立馬吳山。最妙在登第一峰看雪。某先揚鞭而上。君其騎驢戴笠以隨之。

#### 啓秦中張孝廉

尙觀法雜則

花滿湖橋。柳滿湖堤。春風待客久矣。忽有過秦關。渡灞水。翩然玉趾。詎尋常事。舊句新題。僕亦深領其意。

與吳虎文

許蛟潛飛

雨別時。忽焉逾旬。溪樓孤坐。時有二三啼鳥。笙簧耳畔。斗酒黃柑。苦未能獨聽。爲樂來得足。下惠過與諸君一觴一咏。此樂何必減蘭亭暮春也。

邀丁藥園湖上小飲

夏基樂尺

前歲在京門。見吾翁脂車出關。弟送之西河之澗。朔風斷指霜威滅。渡殘楊衰柳。四望蕭蕭。翁惟淚洒。冰天弟有魂飛。雪窖耳今歸里矣。親友歡然相聚。關山月能比西湖風光乎。斗酒藏久。欲邀古人一醉梅花之下。看西冷野鶴飛來。其以視陰山獵較何如。

答展成

時避暑山寺坐有琴客

湯傳楹 卿謀

鳴琴古寺。諸天冷然。當令維摩尊者合掌稱善。花雨簌簌。落彈指間矣。肯餘絃上聲贈客乎。如其雲水猶寒。松風故在。幸爲我留一片石。以代清耳。井系以偈曰。我來訪秋興。遶戶桐花落。一聲爲空山。何從覓蘭若。

約徐魯詹遊草庵

呂陽全五

百歲流光。悲來樂往。飛蛾不息。愛火恆燃。而欲頓躡清涼。猶之銀樹花開。鐵舟蟻渡。不可得也。雖然。病鄉作客。回首無家。旣老思休。英雄安寄。雲在天中。水在川中。鳥在林中。僧在谷中。翠機清泉。冰凌石骨。于此參尋。佛不遠矣。夫溝中之木。朱而碧之。可以作伽藍井裏之泥。擲而團之。可以爲香象而况人乎。

招友

張湛界山

吳水班荆。卽蒙傾蓋。至今猶在春風也。弟以鈍材。際茲冷署。兼以滿腹不合時宜。一簾明月之外。更無故人杖履。惠然空谷。登音矣。尙敢餽王不留行。顚望顚望。

花月夜邀飲

彭兆元葆初

有月無花。有花無月。想天上人間。嘉會良難也。疇昔之夜。月因花而生輝。花因月而呈媚。兩相酬答。能不繾綣。今夕月盈。花足。酣月醉花。何容已已。雖無嘉旨。而有良朋。花月亦不啻我冷寂也。倘人不趣花月。而花月不能待人。如此良夜。何。

東王校書

諸長祚秋壘

梨花風雨。疑沾舞袖。歸路停鞭。尙目盼橫塘。少俟良宵三五。當徵卿重。赴米山堂。傾杯歌白苧耳。

與董礪阜明府

潘兆珪儼思

闕違五載。把臂他鄉。草草一揖。則不情甚矣。且弟征輶入閩。口耳清聲者不絕。行路之口實爲吾黨之光。必得暢話移日。胸期始盡。寓中一魚一筍。誓不兼肴。

知廉吏定能共此貧士之餐也。操豚蹄者原無私祝。勿疑弟爲茂陵劉郎來索酒錢可耳。

### 招同學諸子

張孝友齊仲

黃花未老紫蟹初肥。特遣奚童近沽市醞。幸卽惠然肯來。酣餘月上。尙擬授簡各賦秋興一篇也。

### 訂傳培風踏青

金鱗飛龍

四序各有賞心處。而春尤最。朔風稍解。百舌乍鳴。春之萌也。梅花盡吐。芳草半茸。春之初也。紅雨飛香。黃鸝調管。春之中也。綠陰燕子。晴捲楊花。春之盛也。若夫啼殘杜宇。開遍茶蘼。而春事闌矣。清明又在濃淡深淺之間。雨餘翠厚。日暖光融。可無覓勝湖頭。探芳郊外。以澹此衷。鬱鬱柔茵如席。這蕪凝煙。坐臥咸宜。行止皆韻。不然淑景芳辰。等閑拋擲。俾東君視我輩爲何如人。

### 邀周宦書

釋成葵旭臣

太傅雖冥。東山尚在。烟霞延賞。麋鹿待人。願共足下。追攀薜薜。一番免嘆。薔薇幾度。杖頭錢不須君處。登山屐備之久矣。

與陸蓋思

陳治紀石房

治紀楚儉。豈識越機。新錦特以縞衣之好。不能已焉耳。况足下文行古學。不屑爲三代以下人。得有暇過。從稍聆警效。便受益無量。兩兒乳臭。不足以辱模範。使今日知有陸先生其人者。往來署中。亦成後來一段佳話也。

與錢泰觀

陸鴻圖麗符

初霽池頭紅芳競豔。綠樹爭肥。李懷帖到。詩思雲湧。走筆不住。媿弟不能詩。兄來庶幾足當一和客。

與沈子方

馬銓遵素

夜來戰退玉龍。鱗甲紛紛飛墮。偶得山老亦辭青之句。意非兄莫和。特遣齏生

祇候毋謂。瀾橋風雪中。不敵銷金帳。裏滋味也。幸衝寒過我。

### 與胡克生

葉雷生 著仙

岳遊之興甚切。忽以雨阻。當新夏晴好。更訂後期。但恐山寺杜鵑搖落。耳馳情何如。

### 東楊長公

王 暉 丹麓

昔人以雙柑斗酒。聽樹頭黃鸝聲。固屬韻事。未免寂寞。茲者雨後剪蔬。春前釀酒。非邀上客。安能爭勝西園。期撥片刻之閒心。主一時之觴政。坐中當有豪並。劉阮者。奔走于青州平原之間耳。望之。

### 答孫守台

李 漁 笠翁

日者對名花。接良友。開懷一暢。已入醉鄉。豪假陳榻。撫枕欲睡。思得苦茗數甌。以解煩渴。而主人鼾睡。爐中烟燼。碗底塵生矣。舌下苦無甘露。格格不可忍。大

禹之惡旨酒。良以是耶。復承見招。誓當戒貪。并望賢主人。預設酪。奴庶不致文。圍令終愁渴死也。

與凌起堅

戴三甲 被諧

溽暑薰人。雖不能避。飲河朔亦自可閒。敲棋子耳。子瞻云。勝固欣然。敗亦可喜。祈速過我。按六韜三略何如。

與徐氏兄弟

許蛟 齋飛

僕與賢昆弟遊。每念此飲食教誨不忘矣。近復不惜升斗。以活涸漈。夫感無大。小貴當陋耳。明旦幸過我咫尺。間勿便怖。風霜尙有。田舍酒足起寒色。

與陳簡侯

張國泰 履安

山園桂子大放矣。遊人烹羔設醴。覓侶呼朋。朝往暮歸。亦自以爲看花回耳。抑知爲鋪啜使然。我輩寒酸。雖不爾爾。何致株守半椽。一任天香零落。耶儒家風。

味。尚。堪。作。竟。日。主。人。有。興。往。觀。諒。婆。娑。桂。影。定。不。可。無。我。輩。一。種。冷。淡。氣。象。稍。爲。幽。圃。洗。翫。也。

### 與趙永定

洪吉符原明

頃。接。雲。錦。知。北。海。座。上。客。常。滿。然。廉。吏。五。斗。不。能。飽。弟。固。悉。年。翁。情。事。而。客。從。遠。方。來。鮮。不。擬。永。定。有。銅。山。無。足。怪。也。道。臺。蒞。郡。意。驕。從。亦。至。不。知。何。故。杳。然。徒。使。弟。朝。則。東。望。紫。氣。暮。則。驚。疑。梁。月。怒。如。寧。管。調。饑。哉。弟。以。憂。菴。成。疾。不。復。能。飲。昨。見。年。翁。祝。王。無。老。貯。酒。以。待。不。覺。見。獵。心。喜。業。蓄。青。州。從。事。若。把。臂。有。期。當。博。一。噓。

### 友約遊湖

迴文

李穎考叔

日。來。兄。約。濱。湖。設。席。懷。暢。稱。極。颯。颯。風。清。溶。溶。月。朗。依。依。柳。綠。灼。灼。桃。紅。獨。孤。山。一。景。十。分。湖。西。遊。玩。宜。早。

### 湖遊約友

早宜玩遊。西湖分十景。一山孤獨。紅桃灼灼。綠柳依依。朗月溶溶。清風颯颯。極稱暢懷。席設湖濱。約兄來日。

約遊雲峰

羅賢二千

雲峰秋意正佳。色色可人。詰朝蠟屐同登。慎勿令梧葉敲門。徒歎風雨逼人。是望。

東陸蓋思

胡貞開 循蜚

兩日避暑湖上。每午熱。輒同一二方外友。拏小舟入荷花最深處。徐徐領會。而清芬淡如。及歸臥閣上。四更吐月。風動帳開。覺荷氣噴人。百倍于日中。蓋日以諸境紛雜。嗅之權受。侵于視聽。故鼻不得自主耳。老子云。用志不分。乃凝于神。然禱伽神女。非鼻聞香。則圓通更出。猶龍萬萬矣。暇時幸過我。究竟之。

招友

馬銓 遵素

踏處斗隅。了不聞西子消息。今晨奴子自郭外來。傳芙蓉盛放。特遣遲君看。凌波仙子與苧蘿美人爭妍。取憐羊神孰勝也。

### 與友

李枝藻伯舍

連朝霜飛瓦冷。寒氣侵人。靜坐雲山。友朋勿至。祇聞鴈過長空。破我寂寥而已。昨夕陽西照。稍有煖氣。閑步楓林。見枝頭盡紅。風景頓異。唯我愁人視之。不殊眼中血也。望過齋頭。同出一翫。共拾紅葉。以題愁緒。何如。

### 東駱令侯

吳相如右廉

香氣繚人庭。芳已舒萼矣。可恨貪饕蜂蝶。恣爲遊戲之場。欲待白衣人至。想此時已醉臥海棠榻上也。

### 東叢木虛

李漁笠翁

旅人孤寂。樂得知己過談。諸兄既肯惠臨。何却之有。諺云。添客不殺雞。况又無

雞可殺。不過益筋增杯而已。但乞于午刻借來。愈早愈便。高談揮塵。且爲片刻。晉人昏黃卽赴顯者之招。恐不知塵尾爲何物矣。

與蔡友蘇

陳慎容 函公

花朝百花之會。惜花。尋花。可無酒。以澆國色乎。僕覓得新醪數斗。願我友卽過共醉。擊鼓催花。擗奚奴扶君同去。

與張齊仲

趙承烈 統斐

弟向遊魏里。七月望夜。大勝寺看蘭盆。得詩一章。有云水滌素影。天邊月樹出。紅光塔裏燈。謬爲兄翁擊節。今又其時矣。湖字西子。想不減魏里也。時買絳葉秋(舟名)遲見月下。揮毫安知浣沙溪女。不再從六橋訂柳妖梅。叟向兄乞佳句。頓忘節屆中元。冀涅槃之一渡耳。

復汪允湘

馮 璜 瑤席

年來兩湖荷花最盛。懷想如渴。忽聞雅挈。渴津。津欲潤矣。但船中須邀一麗人。泊之紅藕花中。使水面風來。不知其爲荷香耶。妓香耶。氤氳錯雜。則斗筲之器。可乘千鍾矣。周茂叔謝東山欲兼收之。勿以僕爲貪而不知足。

### 與陳簡侯

潘張仲尹交

暑甚矣。驅之無計。日對胡彥老。爲拙劇寫生。涼亭水榭。疎柳高槐。筆踪所至。頃成佳境。且冰雪風霜。化工于腕下。幾不知門外尙有揮汗人矣。吾兄何不暫辭熱客。來作半日臥遊乎。清涼國只在指顧間。毋厄坐揮扇徒憂雲漢爲也。

### 與愚公

鄧錫濬廷珩

麥秋前後。天氣晴和。足下與僕攜杖頭。早出錢塘門。沿蘇堤。步行至孤山梅麓。深處藉草爲樂。命奚僮買湖白烹新鱖。狂飲三杯。清歌一曲。酒酣潦倒倚石。歌眠醒時。青山在目。碧水無波。扶醉而歸。不知日之已暮。山水佳趣。信足樂也。足下亦有意否。願與僕俱。

寄周長人孝廉

釋智珏天一

五雲崔嵬。夜月遲見。坐聽松濤。冷然沁骨。昔長公有謂供耳目所不竭者。唯江上之清風。山間之明月。自今雲塢觀之。卽清風亦不數江上。耶。倘能撥冗惠然。當掃石烹泉以待。

復藍雪硯

汪 岳岳如

龍井之約屢矣。苦爲痔痛。不能追隨。奈何。承論命輿之說。雖愛我。實俗我也。世豈有乘輿看山之理乎。乘輿看山。卽是走馬看花矣。有何領略。處况遊山間散事也。使兩輿人揮汗喘吁。疾忙往還。徒增一番惡態耳。

招友花酌

來道程式如

暄日涉旬。微雨乍挹。似東皇爲花洗粧。前賢肩雨尋菊。只今傳爲佳話。非欲君輩效擊事。有偶符耳。花妙已到十分。主人亦頗不惡。酒薄肴儉。諒雅人所弗計。

也。專奴奉遷。幸毋遷延。作唐突西子事。

### 與吳玉林先生

陳 溪扶搖

雪阻不能懷刺。正與浮白相宜。午後望披裘過我。索醉而去。寒士之廚。實無宿物。勿疑爲節間陋套也。候候。

### 東裘子宗

錢 璜右玉

秋來岑寂。爽氣逼人。僕偶得鱖魚一尾。欲屈足下一斂。亦使厭珍羞者。知窮海有此味耳。惠然肯來。掃徑以待。但恐貧家青苔黃葉。辟除不盡。奈何。

### 與邵元浹

嚴調御印持

睽隔久方。抱歉多良醞之餽。殊愧消受。俟兄過敝廬。開樽同醉。明日有興一來。看月色何如。卽冗晚當聞耳。

### 訂曹靈孕

馬文燦含英

秋霖。浹旬矣。冒雨尋菊。風流未可獨讓洛丞。頃有霽色。吾儕三兩人。偕往探之。歸至小齋。竹色尙佳。敲沈醉陶。勞攘中討半日便宜。卽是羲皇上人也。

與馬遵素

翁與齡 去疾

比聞南湖桃萼初舒。正堪人面相映。而以龐眉短髮之老。婆娑其間。大爲花神減色。非得風流如張緒者。結侶偕遊。吾恐紅雨霏微。將載一車瓦石矣。望之。

與張履安

潘張仲 尹交

滿城風雨竟爾蕩除。參軍有帽。自應落向龍山。昨曾以此意致二兄否。予瞻云。人生唯重九清明。不可虛度。如必挾酒肉登高。遲出早歸。其失與虛度等。唯仁兄拉之速行。弟亦無暇爲兒輩題糕也。

答友

丁光裕 天益

昨角勝楸枰。兄三戰三北。意必驚見。順昌旗幟矣。頃又索戰。得毋坐有高手乎。

抑。驪。山。鏡。舌。耶。少。焉。振。鼓。而。前。幸。毋。却。避。

### 與莫雲石

沈志陞 左臣

酒樓高會耳。雜塵囂。誠鄙事也。但樹頭新綠。谷口殘烟。會心人自有領略。足下讀書青衣洞。越此不數武。幸攜三管來。此寫生。安知非洪谷子董北苑得意筆耶。

### 與馮儼公

嚴調御 印持

前甚費三兄。又主人惜酒不盡。醉爲恨耳。向酒貲留此。待兒子歸。重約三兄共醉。吳山秋色。何如何如。

### 招沈舞襄

馮瑱 瑤席

年來湖上紅葉濯濯如洗。覩此益增悲秋之感。而臨溪丘山一帶。參差遠近。與落照飛霞相掩映。至今典型尙在。遠買舟來。僕當與足下步安隱寺烹安平泉。

飽玩丹楓圖畫。兼聽夾道松濤。奔吼興至聯送秋詩數章。以償多年紅葉相思。并勿致募收笑我輩。煩囂專逐逐。豔陽春色也。

與友

李枝藻伯含

昨宵月色頗清。翫至三漏。尚不忍睡。苦乏青州從事。不能舉盞相邀。見笑于家。青蓮也。今日天色開霽。皓魄必佳。仁兄倘有清興。緩步而來。不亞蘇髯于承天。夜遊時。惟愧我非張懷民耳。

與兄旃來

汪岳岳如

西湖半面皆荷花。一望紅綠交錯。頗爲暢觀。再得二三知己。撐小艇。放蕩其間。香風撩人。浮以大白。不知身在何處。有興同來。相期偕往。

約簡侯甥看雪

戴二甲 汝諧

臥聽淅颯聲。宛似鐵甲軍。啣杖夜渡曉。起視之。見玉樹橫堦。滿眼遞尋梅消息。

矣。期過山樓。飲團茶。烹雪水。賦曹風一章。縱使党姬笑人。亦自清興勃勃也。

### 與杜賡韶

徐菊知澹止

人生三萬六千計。芳春止九千日耳。吾輩僕僕。已去其半。宜東風年年笑人也。杜康自可解憂。淮南聊以佐酒。願過棠軒。相與痛飲。謝春光也。

### 與李半邨

釋善巒翼茶

山間五月。富有松風。不輕易賣與人世。珍而貯。以吹解先生之帶。不識能踐天台之約否。邑侯王公。傾慕之。私踰于饑渴。得先生起。弊扶衰。不惟王公灼有生機。而執帚松門者。不致孤掌難鳴矣。將來于赤城之下。僦屋數楹。煨紫芋。炙黃精。日坐白雲堆裏。焚香著書。以開千百世人眼。使彼沾沾于蝸角。蠅頭。輩仰視高風。如蓬萊仙山。可望而不可即。先生素有天台之志。曾囑留心。鄭思山中薪米。甚易而造屋置田。亦不難。如得百金。則尋常取用。源源無竭。唯裁之。

### 寄強鹿莊

王 擘 樽 菴

邇來放浪山水間。詩情筆格當益道逸清遠。恨不得如曩時相賞于竹間草堂也。僕拙迂漸與世疎。明春當理楫南下。幸遲我于金焦之上。山雲水月爲我掃鵝溪百幅以作佳觀。

與丁熙臣

余 懷齋心

長千分袂。倏忽經年。南北飄蓬。可勝惛愒。不孝近構先人之變。終天慘酷。幾不欲生。客有傳道履在天目。鴈宕之間。知赤城霞氣瀑布。流泉收拾瓢衲中。視草蟲餘生塵埃。朽骨真不啻蟻蝨之與鸞鵠也。前至鴛水。未審足下踪跡所在。信宿言旋。盈盈一水。如海外神山。可望而不可卽。然興盡而返。何必見戴。古人有行之者我。兩人雲霞之氣。正不必以相見爲親疎耳。何時復至鍾山之下。掃門以候。

寄張履安

馮之圻子京

浪跡金陵。不過爲棲霞牛首。一番登眺耳。值火雲如蓋。寸步不能行。庭幃倚闥。

望矣。何苦久滯異鄉。作天涯游子耶。揚帆果卜何日。渴欲負笈相從。相與乘長風。破巨浪。歌歸去來辭。順流而下。能不令江頭父老訝爲同舟仙侶哉。

### 與盧德夫

徐菊知詹止

洛陽事了。花雨繽紛。欲攜斗酒爲春作祖。公有意聽黃鸝乎。長干一片綠。是我兩人醉錦裯矣。

### 與彙公和尚

羅賢二千

赭雲覆野。大地皆苦煩熱。適聞蒸航入郡。定帶消暑寶珠。拔羣生于火坑中。亟欲整冠相晤。何期凡熱蒸心。未入清涼世界。此中怛怛。不果所請。俟來日集郡中。諸子攜茗菓就窺座前。聽說無生妙法。定使頑石點頭。斷不令酷吏作咄咄逼人。

### 與何舒莊

沈賦相如

辰伯箋素書就已久。第恐鍾魏在前。叢山之扇。未能增價耳。天色晴霽。馬公絳帳。前當聽沈生履聲矣。

與陳扶搖

吳國縉玉林

陰雨斷送燈宵也。兀兀荒齋。傲着昨皆北渡。孤宵冷榻。竟與老兄同。况便中將門戶付蒼頭騎一蹇來談。兩日未爲不可。

與曹石臣

方域青崖

不欲以酒卮誤乃公事。故任其突爾歸去也。倘一歸即可了却。則今日之酒。又不當不飲。請候至晡時。果不復顧。然後及諸君子舉盞。

東六在四兄

諸長祚秋峯

湖樓冷寂。况值三秋。黃蓍雖存。梧桐半落。客懷對此。知何以堪。小齋如斗。已刻燭若臂。遲兄作聯床之話。蟋蟀庭砌。差可比枝上鶺鴒也。

與任元臣

徐菊知簪止

雙丸如飛。百年猶寄。若以身外得失。自取纏綿。佛鬘無止期矣。業邀歡伯。破此愁城。元臣惠然肯來乎。豆花棚下。與子偕飲。

與石臣曹坦

方域青厓

不羨江河有龍。寶喜堂皇無虎。第轟轟壤壤。不堪過時人廁足。此間耳石臣能無聽鼓聲心漾漾耶。前約見過。午後望如約。

與楊雲潔

汪岳岳如

連日酒恙未瘳。聞人道一酒字。便生厭惡。不意友人適以惠泉三白見貽。急欲驅遣。不容少待。已覓得鰕魚一尾。稍佐盤餐。藍氏昆季先在座矣。吾兄速至同罄我瓶。

與陸與偕

張元帖欠仲

茶酒淋漓。風雨洒落。百年臭味。一夕而暢。北行未定。山居尙遙。圖再晤也。

與閩中翁孝廉

尙觀法維則

把臂未深。君何歸速。瞻雲聽雨。俄驚兩地。烏靜啼烟。江晴分綠。亦將促我征衣。從此長汀溯歸。當遲君子西陵之上。共醉花間也。

與友

馬文燦含英

人生墮地。卽有岳瀆之責。凡天壤名勝。一處不到。卽屬缺陷。而誦讀束我。賞力窘我。荏苒歲月。坐老至今。曩辱期我出遊。優優未果。今向平之願稍遂。思鼓弩未萬里縱橫。每遇往蹟。流連題咏。然後歸來。覓一間所。傍郭依村。種花栽竹。與二三知己。醉吟其際。亦可謂暢然于天地間矣。走筆相商。幸毋曰子之家法。據鞍雄盼。固不如聊騎款段。優游鄉里之適也。

與潘蒼儀

鄧錫璿廷珩

同人間闊。良會無多。昨于香老處。得知已成集。抵掌縱談。欣然忘日之夕。薄暮。浮白不覺酩酊。聞兄宿醒未解。幼闇亦移疾臥內。此數年來。第一日樂境。非苦境也。我輩素負豪氣。坐困潦倒。非藉青州從事。何以自快生平。若有後香老此舉者。願如前醉萬勿自斲。

### 招張履安陳簡侯繆次典觀梅

馮之圻子京

庭梅不幸。大半摧枯。猶幸寥落殘枝。及時開放。連朝風雨。尙未侵壞。此梅不幸中之幸也。敢訂同人共集花下。以吾輩寥落情。鑒彼寥落狀。俾梅得知己。則又幸中之幸矣。倘擯棄不前。使彼寂寞寒窗。終不獲幽人一盼。則仍幸中之不幸矣。欲覘梅之幸不幸。唯在諸兄之聚不聚爾。祈諸兄勿以盛衰負梅花。庶不爲梅花所笑也。

### 與于文階

潘張仲尹交

履端方五日。而屨已穿底矣。昨于燈下解去。雖脫甲。破弓其樂。不是過也。今蚤

無事晏起。忽見小雨如酥。梅英欲綻。不覺遽動。浮白之興。亟詢細君。居然有斗酒在。已訂上伊子發。諸子共飲此清味。吾兄寧薄此不來乎。着屐雖勞。弟當攜極熱酒。立門外以候。駕駕一至。卽奉三大觥。先爲洗塵。後與諸君共舉觴。政何如。倘晚間雨大。或醉不能歸。弟當讓榻以留。兄毋慮也。

復茅于純

柯 聳岸初

握別以來。星霜屢易。雖山川修阻。雁斷衡門。而春樹暮雲。時深夢想。接教稔知。近履榮問。休暢可勝欣慰。弟逐隊梧垣。一無建白。卽日請假南旋。當于碧浪湖頭。圖親色笑也。

與弟蒼儀

潘兆珪 儼思

風雪不能出門。天假之也。不可不痛飲以酬之。且吉行近矣。以此兼折柳之役。亦大便宜事也。一魚之外。更無兼味。少刻當走邀。何如。

與表姪茅于純

申 穉梅紅

屢承雅愛。感不去懷。但一官冷署。三載聚首。毫無善况。爲足下旅次。生色。抱歉實深。今聞南旋。伊邇欲遷寓外城。雖車騎所貴。咸願投轄。而戚誼殷渥。敢不掃榻以俟。專此走訂。鵠候車音。

### 與潘尹交

鄧錫璿 廷珩

雨中滌硯。當醮筆作新詞一闋。何取塵腐一試筆墨。此非吾儕行徑。聊以塞白。應當官貨耳。十六日宣翁之招家間。小奴病臥。未及相聞。落東想因同之。至期當過雲亭同往。但數日來脾氣大壞。不堪大嚼。如何如何。

### 東茅迂人

鈕 琇 書城

時接徽音。如同把臂。想北來珠玉之富。幾于等身。特未能策蹇帷下。快讀帝京篇。則有懷若結耳。西山聞多名勝。前已束裝而竟不果往。真令猿鶴笑人。俟來歲惠風初扇。問道于杏花芳草間也。

### 與表弟潘蒼儀

蔣 鑑 水因

欲典無衣計窮乞米萍遊半載赤手依然縱尊鱸興濃亦何辭以覆老母乎幸二舅父決計南歸期以中秋前後日來方力爲布置然尙多疑陣未懷好音倘至期猶無意出城有碎首而去耳吾弟身心閒放爲伯仲間第一人卽停權數日想亦無誤乃公事也客路淒其我輩結伴同航亦頗不惡何必扁舟競渡之爲快耶將發之前數日當命一介馳聞可無相左之慮也

致表兄茅于純

錢有煒 弈體

昨駕抵菰城未遑促膝嗣會兩訪尊寓而棹已鼓益增悵惘風口晴和梅花未殘柳芽復發夾山道峰之間落紅糝路新綠迎人表兄扁舟過我弟當覓青州從事至彼作旬日盤桓一快事也

與茅于純

唐彥歎 扶搖

荒涼里閉辱君子至斯遂覺巷有居人之跡敢不門迎長者之車特三徑久已荒蕪山廚唯有杞菊懼以輶褻獲戾恃愛厚汪度包荒不我遐棄耳

邀友湖泛

汪光被幼安

廣陵瓊花。非復人間所有。足下載之徑歸。不畏蛟龍繚船。耶朝雨初晴。層巒如拭。遲君青驄於段家橋畔。未知浣紗人眉黛。足當吳郎鏡裏春山否。

與毛稚黃

李式玉東琪

昨山行。歸至定香橋已暮。堤上悄無人行。望城頭月初起。圓而赤。色如燒燈然。殊難摹似。會當與足下共登岱。觀日出。一證此奇也。

東黃擲山

釋成葵旭臣

夏日蒸人如住扶桑國裏。兼之食時蒼蠅集飯。睡時蚊蚋繞肌。雖當不得受苦。其實苦也。昨日大雨滌暑。今日草木仍涼。方命童子去市鮮果。欲以慰熱腸耳。特遲足下共餉此味。

與友

馮瑱璠席

足下浪遊禾中。與鴛鴦湖日親。與西子湖日遠。會記昔年中秋月夜。舟泊湖心亭畔。輕嵐掩嶂。薄靄蒸波。宿鷺驚翔。沉鱗乍躍。四面水光。與月光競耀。隣舫遊人。醉後妒月。掩窗靜臥。悄然獨我。輩移樽軒。敞飛觴。豪飲達旦。光景至今。歷歷如此。快遊可得再續否。

與北山師

釋成葵 旭臣

本無煩惱。爲求歡樂。故反生憂惱。世間人。往往皆然。吾師當觀夢中身。起世外想。不應亦如是。耶。秋來無事。可買片帆。掛目吳山峰頂。一覽西湖。使人生襟懷。亦得少舒。何故探頭簷外。而不敢出門也。

與劉出子

洪吉臣 戴之

江上揚颿。更十年不得一握手。憶昔劇飲高歌。幾同隔世。月露花陰。懷思何已。戊辰兩過信州。訊仁兄在永豐。無由一見顏色。邸舍怏怏。近聞吾兄將重理西湖之權。快不可言。發春釀一尊。遲吾兄。勿忘雞黍之期。湖上桃花亦弄色。以待

前。度。劉。郎。矣。

約兄訪友

陳炳生

近得一曠世冷友。居南麓之陽。地不方幅而紆。樹不位置而古。藥欄竹塢。松逕  
桂林碧沼。芳塘紅橋翠幕。主人念載不入城市矣。偶一過訪。聲氣甚合。進我以  
野蔬溪飯。供我以奇茗異香。倚孤亭而坐。黃石遠眺。籬落之外。江檣亂飛。田塍  
如織。賓主如在輞川。樂甚也。弟不敢私爲己友。約兄共訪之。

與王安節

錢陸燦湘靈

忽忽一別。便已過夏。都在火鑪中烹鍊一番。老大不易。今又伊人秋水時矣。暑  
中枉駕過訪。在祇林數武。便煩題鳳。至今猶念。趫然足音也。目下將暫還故鄉。  
思出城一別。趙盾可畏。青州七斤衫。不啻千重鉄鎧。又須垓中秋明月時。得奉  
笑言。惟有清詩妙染。時時馳神。莫愁湖上耳。

答陳芝仙

袁宏道中郎

余最怕入城。吳山在城內。以是不得遍觀。僅匆匆一過紫陽宮耳。紫陽山石玲瓏窈窕。變態橫出。湖石不足方比。梅花道人一幅活水墨也。奈何辱之郡郭之內。使山林僻野人親近不得。承招飲。便可再瞻野鶴仙踪也。

與友

徐菊知 瞻止

落花片片。固已傷春。風雨淒淒。又當悲秋矣。杏村帘子招人。足下想能引我着勝地也。

餽遺類

奉繆霜崖銓部

李 璉

黃鳥未來時。命小子輩。往看故山童竹。雪浪香椒。歸報云。竹已生。孫椒乃吐舌。必得雷後所發。雨前所產者為嘉。近覓二種。聊充濕壺佐箸之具。不敢即謂齒牙間永作蓮花氣也。

與友

姚是龍叔烟

彈。鈇。經。年。魚。生。于。釜。卽。故。園。聚。首。亦。屬。人。生。快。事。他。可。不。論。也。片。土。遠。闊。別。之。忱。亦。以。見。浪。遊。之。苦。如。是。如。是。

東巖存菴

潘兆珪儼思

梅。雨。無。賴。破。屋。而。飛。草。舍。數。楹。何。幸。粧。點。如。懸。崖。狂。瀑。日。夕。但。聞。水。響。居。人。竟。在。潺。湲。中。臥。視。危。牆。搖。搖。欲。下。蓋。晨。夕。若。是。矣。弟。近。况。如。此。是。豈。玉。堂。中。人。所。能。夢。見。乎。微。物。數。種。并。不。可。以。言。芹。要。爲。窮。地。主。寫。照。不。過。如。斯。然。在。年。兄。則。爲。草。具。而。在。弟。竟。等。瓊。瑤。矣。

與孟雨池

釋成葵旭臣

菜。二。瓶。蘭。數。本。唯。是。山。林。野。味。並。足。下。所。愛。所。無。獻。之。良。遲。前。未。有。也。菜。經。風。蘭。經。日。恐。不。佳。

復王安節

周亮工櫟園

才匪長卿。時同渴疾。忽辱分甘。寧無剖璞。甜如萍實。潤出金莖。安老以此寄高士之心。賤子因之深青門之想矣。言謝何諠。

送友新曆

羅賢二千

足下久隱泉石。嘯傲歌吟。坐對嶺雲。臥臨松月。真極樂矣。第恐洞口花開。誤認甲子。敢進新曆。欲足下知。漢後又有魏也。

與王烟客

錢謙益牧齋

荒村殘膳。風雪拒戶。紙窗竹屋。佛火青燐。瑤華遠存。重以魄歲。佳肴珍果。盈筐溢筥。春風滿座。椒盤郁然。淵明省叩門乞食之詞。少陵無稚子恆饑之感。古人老不得志。輒退思東阡西陌。雞豚同社之樂。殘生頽景。百里相望。不意得之于門下。不能不慨然太息也。

東繆湘芷

張廷泰雜翰

蘅蘭一莖攜伴湘芷品號名花兩相匹也中有並蒂一花尤稱奇好敬徵佳什爲名葩增重弟閒而無事且當遍索名章奉酬珠玉兄翁立就八韻作騷壇首唱亦一快事也

謝汪愴漪惠紙

夏 基樂只

督太守膏潤天下究染汗各管城子橫掃千軍終成老秃玉版祇真高潔各流也承惠真白過松花堅脊魚繭弟可不向蕉林乞殘葉矣媿乏三都將何以報

與蕭長源

林雲銘西仲

承論徵松使者特爲勸駕以充記室此君向在葦門不過游戲于烟霞泉石間効雕蟲之一臂今忽追隨左右預聞國計民生爲億萬生靈請命不龜手之藥裂地而封所用異也得又不爲此君賀乎

中秋上某當事

黃敏生 頤膚

銀漢秋高。玉輪光滿。仰懷逸興。應逾庾老。登樓遙阻。清輝莫效。王琪投句。敢將  
忱于芥子。聊佐飲于桂樽。輶馭是慚。鑒涵爲感。

簡茅德詩

張允祥 吉士

世人論墨多取其黑。不取其光。古語云。光而不黑。固爲棄物。若黑而不光。便索  
然無神采矣。第使其光清湛如小兒目睛。乃爲佳也。弟向有藏墨數笏。旣黑而  
光。久處囊中。幾似秦官粉黛。空鎖長門。謹陳案側。爲梁翰之助。正欲元香太守  
速赴臺任。不使好事者又加過限判詞也。呵呵。

與陸蓋思

吳山濤 岱觀

尾生守信。千古愚人。弟踏是轍。擇十有二日。鼓棹行矣。客邸囊空。不能沽酒。與  
諸公痛飲。斯爲恨事。畫冊繳上。

與陸瑜凡

洪吉符原明

屏文徽惠如椽。寧第一時光重。天球弘璧。世世奉之矣。銘刻何涖。不腆非敢以當雀環上。褻尊巖。惟是選毫和墨。服勞于左右者。無以稍展其區區。實不能即安也。唯鑒而置之。

復楊又生

汪之琦奇玉

未當非肉不飽之年。蒙以豚蹄見惠。且拜受之。不效。劉仲叔以口腹累人。故去也。謝謝。

與李懷站

潘兆珪儼思

天下人誰能貧者。而先生能之。鬚眉幾化鐵矣。僕亦善餓人也。每至炊烟將絕。鼓掌愈豪。今踟躕一官。將破褐斷齏之事。從頭更起矣。快也。非愁也。昨聞小奚偶述近狀。私念歌聲尙能出金石耶。豚肩白粲。俱向市兒辦之。爲閉戶先生一

笑。僕囊無穢物一絲。一粟皆可仰質夷。齊想不在吐棄之列也。

復繆次典

潘張仲尹交

隆中佳卉分植河陽。感可知矣。菊種尙未分苗。俟天霽當選強幹者以報命。

與陳簡侯

王輔左車

旅窗咫尺。數日來又阻着屐。今春木失其性。厥罰恆雨。不意竟至于此。吾兄坐臥百尺樓。早指郭外爲沼矣。白鷺洲頭。投書渚畔。如許井竈。十八夜盡爲陸沈。殊苦也。昨聽雨挑鐙。督兩兒各塗一簣。博雨窗一笑。幸教之。

與倪闇公

周亮工櫟園

李君實曰。書家得一好筆。如壯士拾一寶刀。得一良墨。如統軍者受千艘之餉。得數行古蹟。如行師佩玄女兵符。今贈君自製筆一床。小華墨一錠。憾無古蹟可贈耳。君當含毫吮墨。自作數行古蹟贈我。

寄王丹麓

牛 奩潛子

高齋塵屑霏霏。若從元禮座間來者。至今低徊風度。猶奔奔炙我眉宇也。曾幾何時而歲序遽云杪矣。江城苦無他種。偶採山得柏子數斛。命治跋飾。藉分餉四十觔。爲徒膏餘助物。雖韜褻然以夕。繼晷又益公三萬六千場詩酒歲月也。寧無一噓。

與姚亮公

陳 枚簡侯

笠翁以惠泉見貽。不敢私享。願與足下分甘。特攜少許。以佐清談。水功德知不獨在弟一人也。當以雨前新茗試之。

與同學諸子

曹玉珂陸海

奇荒虐人。聞唐含章先生不食三日矣。弟傾瓶儲奉之。然力不可繼也。約同志十人人米三升一月而周。則不饑可繼。此外有聞風而至者。爲置絮以禦冬。邑

有先生學邃行高卓儷古人使之饑餓不能出門戶吾輩之責也

與藍謝青

汪 岳岳如

海棠分上今歲較往時倍盛索之者多反不及往年矣聞一友處有白色者何日往乞得有亦當獻上不獨享也畫扇甚佳不減古人以花酬之勿更想浮大白也

與邵元浹

嚴調御印持

山居清寂頗覺自適承垂念餉及蓮實先供佛後與僧衆共之仁兄清福無量矣

與王安節

方亨咸邵村

太嘗多齋猶有醉日未若我安老之性同摩詰也椒盤花近頌矣無物以佐七著蘭糖少許分供爲來年同入蔗境兆也

復表姪茅于純

金世濂跋宋

相違日久。每深月梁之思。時于伊奇處。訊知動履。休暢殊慰。跂予正懷念間。忽承珍頌。遽使膳增佳味。粲炤寶光。屢屢見存。得無益我相澀乎。

柬王仲舉

李 珊字藍

承惠梅花三白。愧弟非青蓮。有辱知己之餽。適得靚靚之肉。非得之兄戴者。敢答右軍仲兄。勿作仲子是禱。

與茅于純

唐彥敷扶搖

清秋壯游。一攬匡廬彭蠡之勝。帆飽風輕。揮毫于滕王閣上。千載落霞秋水。不令子安獨擅矣。羨之羨之。鹿鹿多不切己事。遂稽卮酒之敘。家釀南棗。聊以見意。非敢曰折柳也。唯莞茹之。

啓許于王御史

茅 熙于純

茲。值。繡。斧。北。發。在。京。洛。暫。違。日。星。之。依。而。馳。馬。南。前。異。鄉。關。永。藉。悵。之。覆。敬。  
賡。俚。吟。以。伸。折。柳。

與弟子純

茆薦馨楚宛

亟。欲。擷。茗。觀。談。而。伴。至。果。見。僕。夫。催。治。行。裝。矣。幸。得。相。遇。又。以。容。易。別。離。此。懷。  
如。何。燈。下。書。小。詩。一。箋。侑。以。京。香。唯。莞。存。之。

與茅迂人

李贊元堇石

適。友。人。以。點。額。見。貽。來。自。庾。嶺。其。種。甚。佳。昨。宵。貯。之。小。齋。滿。室。芳。馥。受。用。不。淺。  
敢。迓。同。心。共。作。清。供。幸。卽。整。轡。過。我。俟。之。俟。之。

謝鮑泥美人

余 溶情菴

寂。寞。書。齋。苦。無。可。人。相。對。蒙。惠。美。人。眉。間。柳。葉。未。捉。筆。而。成。臉。上。桃。花。不。逢。春。  
而。放。呼。之。欲。出。真。不。減。西。子。淡。粧。濃。抹。時。也。在。足。下。雖。有。玉。人。之。貽。愧。弟。無。金。

屋以貯也。奈何奈何。

### 龔周繪先銀杏

蔣 斌維賢

奉來銀杏。可堪佐茗。置之食品中。以見秋林霜色。知山家風味不淺也。

### 與姪瓚符

吳相如右廉

足下燃藜長夜。光侵目矣。適楚友贈僕貝葉二莖。朗若明紗。光潔如織。知足下。紗籠中物。用以伴青燈。資君夜誦。

### 與朱函五

釋丹霞

出家人。只知自家急。不知他家忙。真個是沒緊沒要。然亂裏化緣。大有閒趣。吾兄乃能於亂裏應緣。尤有閒心。惟格外人於此。開一隻眼。共相鑒賞也。淨檀如數。領入侍僧歸途。甚危險。故落膽不敢卽行。茲專遣奉候。并附致茶筍。此本獻新幾于陳矣。

雪中東戴汝諧業師

沈士鈐元翬

庭陳玉樹。路蓋銀沙。正黨家淺斟低唱時也。使無佳醞。何以助詩興。特奉青蚨。白粲。聊供獻韻之需。異日新篇滿案。應當擲地作金聲也。

送友方竹杖

吳相如右廉

年翁當杖國。猶然步履。口終身之疲矣。天台杖。堅實方正。足以輔翁。况此中多神仙。願翁亦備其數。若規而圓之。知必不然。倘化龍飛去。翁須防之。

與夏中軒

釋成葵旭臣

蒙示丸丹。少示服法。藥尙貯之瓶中。但聞香氣。已覺頭腦一清。對症無疑。今候足下書復。即服之矣。

與丁藥園

龔鼎莘芝麓

遠別知己。意極不可堪。胸次間已數日作惡。不待慢亭柳色始魂斷。征驪矣。芹將菲陋。姑代一卮。迺蒙磨斥。是重弟罪媿也。萬祈俯納。足仞至愛。

### 東友

程鑑漆園

謬附同舟。時荷教益。深切愉快。台旌榮發。拔援無從。誦維駒之詩。祇有戀戀。津澗而已。不展微芹。媿不成贖。統惟鑑徹。憑楮黯然。

### 與門人詹柱臣

張登選

睽別又閱月餘矣。王孫歸去。芳草未生。賦我停雲。祇深懷想。耳不佞馬齒加長。方滋老大之悲。而足下遠惠瓊瑤。真足增光衰拙也。

### 山居餽友新筍

朱敬衡山

齋頭。燒笋。竹根。盡在。然眉。內無。托籜。老人。應難。解圍。數個。海若。生縱。橫。大嚼。瀝盡。而火性。尙熾。此皆。無明。眼人。引入。清涼。地耳。弟不。識清。涼地。果有。否。勉力。負。

鋤。開出數枝。遺我知己。曷試小參。寧無捧喝。

與詹子粲

曹 溶 秋岳

抱病歸來。百事蠲冗。湖山清興。欲往未能。每思長對塵談。當俟春風徐動也。教及郵筒。亦因傷痛之餘。無心及此。衰頹灰懶。甚負拳拳。他時面商。圖其長便耳。剪絨牙筋各一。表遠人之敬。乞筦而存之。

與友

蔣 斌 維賢

奉上義禽鮮鱗。一遊冥沒。一潛淵深。雖薄物不堪下箸。然非擅弋捕者。豈易得耳。幸致廚中。弗虛鄙意。

送王安節鸚鵡

何延年

鸚鵡能學人言。數旬懸病夫榻傍。不若依名士廡下。此樂天贈鶴詩。所謂應勝在白家時也。

寄程樞部

陳衍虞 園公

弟丁未歸韓江。三徑盡荒。拾橡不飽。自揣少猶遜人。老愈迂拙。不知何計可以療饑腹。度殘年。追憶石琴堂中。與會廳舉。不啻隔世因緣也。縮身蘭窩。世緣都斷。南鴻不來。雙魚失候。歉也何如。年來偶弄柔翰。仍是兒童塗鴉。時伎倆簡帙雖多。不敢扣門布鼓。敬呈一種。用博士衡舞掌。望惠車指。開此蓬心。毋謂老特蹄角已爛。無處受鞭。便舍之。荒坡斷壟。翹切翹切。

復王安節昆季

何延年

人人以尋秋踏月驕。病夫弟則以一身入二仲圖中。傲俗人矣。素紈十握。松茗一盞。少致菲忱。惟故人叱存勿哂也。

與王安節

周 銘

前承佳鑄。文案增光。照耀何啻十二乘也。謝謝。有友人貽我水壺一執。時墨一

方弟以此敬獻大手筆。爲興發時。潑墨走雲烟于腕下。或亦可以助水窮雲起之勢。想知己亦未必吐而棄之。

與友

何延年

陰雨蕭蕭。几窗似漆。氣秋而人亦秋矣。佛手一枝。北葡萄一盒。又秋。香秋味也。敬奉清供。

感憤類

致潘麋唐

汪之琦 奇玉

弟自分不諧於世者。心太熱。眼太空。節太疎。口太直。性太躁。機鋒太迅。投機則頭顱可贈。不得贈頭顱之人。拂意則投劍欲斬。又不得可拔之劍。徒使北海之威。自斂。正平之鼓。空懸耳。唯兄然之。

答友

毛先舒 稚黃

年過四十不得意。猶欲把毛錐向鄉里兒。何但鄧禹笑。人蔡綱成。且齒冷矣。西方柱下有兩老子。吾將從之遊耳。

### 東程雨三

夏 基業只

令弟程子周。快人也。逢花惜花。遇酒縱酒。見端人則欲拜。欲下。遭惡客則欲殺。欲割。豈非快人哉。吾觀近日穢流。逢寒便寒。逢熱便熱。安得子周坐憲。幢秉鐵鉞。斬此寒熱頸。剜此寒熱心。使天下盡被陽春也。呵呵。

### 與兄福持

陸 進 蓋思

人有一定之冠裳。不可相假。惟戲旦則以男子而爲婦人之飾。尼姑則以婦人而爲男子之飾。陰陽反覆。莫此爲甚。昨過兩友人。一以夫比頑童。而致反目。一以妻信女僧。而致化儻。可發一笑。此兩種人。原爲圖利起見。而兩家之吝財。直從無始以來。便有此病根。不知何以到此輩身上。反肯撒漫也。

### 與黃須彌

陳洪綬 章侯

人世好傳人死。此殺心盛故也。虎林書畫。惟竹癡一人。小病而以死聞。哀哉。傳人不可况孫老乎。

與友

朱 贊二不

新貴氣。饑目中無人。宜也。但施之同譜弟兄。則進步可知矣。况副車又爾同門。豈有隔里許。傍晚投刺之理乎。楚人失弓。秦人逐鹿。應敗得失。電光泡影。皆夢。夢未定之天也。其緩須叟志得意滿可乎。

上柯兵諫夫子

熊光裕 雪巖

海塘大工已竣。忽被海嘯潮衝。一年心血。委之波臣。徒有望洋灑淚耳。蒙夫子垂問。不勝感荷。今正在慘澹經營之始。又不知結局何日也。

與英玉大兄

汪之琦 奇玉

孝之一字。自古爲難。然世之頑。囂其父母。而不大舜其本身者。比比。何處父母

若是其嚴而自待若是其恕哉。可爲痛哭流涕者此也。

### 與繆德深

于元凱賓之

昨往湖上看雪。酒樓聞其無人。貴省文人墨客都在家向火而點綴。此景屬之。南直一武人西子能不短氣。

### 致友

朱絃退齋

弟不能爲管。安敢望兄爲鮑。但以兄當豪邁軒舉時。而忍棄病廢之人如異類。豈昔年投合意氣。竟浮雲哉。

### 與汪然明

楊嗣昌

去冬承既問。沒存均感高誼。草木餘生。及身難贖。幸先廬一片地。饒山水深情。欲架茅屋。穿野航于九十九灣。滌洄終日。與先人相枕臥。依魂魄而不可得。呼牛呼馬。纔出門庭。擔却天壤間第一禍事。不知死所。亦殊可悲。憫傷憐之。至矣。

簡陳推府

尚觀法維則

名山地主。疎懶過從。得聽神明之頌。兼聆風雅之宗。鄙懷愜矣。謬承仙郎問字。同經之好。如續往夢。第近日吾學不明。都被一輩淺人。鉤括數傳。竊闡成篇。得青雲而去。可笑我輩。亦爲若箇徒作嫁衣耳。

與楊雲升

汪岳岳如

鎮日不雨。望雨苦不可得。及雨數日。又生煩悶。無謂爲人。難爲天。亦難耳。爲人難處。在難于迎合人意。爲天亦然。弟所如不合。今偶觸于此。而言之。以資一噓。

與友

莫是龍雲卿

日苦閒忙。而毫髮不關己事。大可笑也。尊簞及紙。當以清暇圖奉命。不敢後待。公臨發。尙欲以杯酒勞行色耳。雅山兄。半生多病。而子息杳然。之官兩月。卽去。雖有家事。未嘗享富貴之樂。天道宜補。以年。迺生死未可知。奈何奈何。

與駱令侯

吳相如右廉

時花數莖。嬌媚逼人。指摘所加。顏面頓易。足下得此。未嘗見其含羞。挹露之初。而僕失此。却有感于別恨。離愁之後。

與楊可參

黃湛須彌

蔡石文傲僻自放。不喜向人逢迎。一言投契。肝膽披瀝。故其神情。多在世情之外。以是宇宙間。曾無知己。

與吳觀止及門

汪之琦奇玉

俗士聯姻。必擇紗帽頭。以爲榮藉。愚甚鄙之。以爲此事。宜于市井。不宜于秀才。市井可以借光。誇耀秀才。則相形削色。豈不反增老面皮。一番羞惡。而揚揚焉。老親翁之乎。且月老又係窮措大。愚更憐其說合時。無數靦覷獻笑之狀。

與同學

張國泰履安

西湖爲武林巨觀。舞榭歌臺。弟孩提時曾一見之。轉眼已淪衰草。兩湖澄碧。何處問西子。淡粧濃抹。耶然而一派烟波。幾行山影。儘自可人。正須及時領略。恐白髮催人。見前景。又不知作何許滄桑矣。

東趙梓木太岳

陳趙鶴天序

世俗婚嫁。日趨奢侈。金玉錦繡而外。音樂騶從。以迨賓筵。已竭中人之產。貧家惑于流俗。稱貸誇張。日積月累。剝牀及膚矣。抑思父母喪事。尙云稱家有無廼。爲兒女虛文。身家俱殉。爲世姍笑。寧不痛哉。太翁爲士民之望。首先以古道自處。挽回風化。端有賴耳。

答友

戴三甲 汝諧

觀維摩傳。知捫心靜坐。不爲世務牽纏。卽是菩提中人。台論所言交情。何必今日生感慨哉。尙能于貧友留意。則孝標公叔。反爲多事矣。取其論而讀之。應罪任西華不達時宜也。

與宋比玉

陳繼儒仲武

游客切勿寄書。彼方作飄蓬斷梗。且浮且沉。何暇作書郵也。若兄念我如骨肉。此真實不誑語。感可知也。十旬伏枕。一具骷髏。今已強起。吼飯。且猶鼓勇于禿毫破硯之旁。所以者何。寧死于病。無死于藥。藥去則生來矣。俗人以醫治病。達人以病代醫。道心滋長。從孤燈冷鐺中。得力甚多。自此以往。度去死尙遙。卽死生原與白骨了不相關。一向被入皮袋。瞞過耳。

致友

汪岳岳如

連雨乍晴。方晴又雨。昨日衣綿。今朝袒裼。人受水火煉度。不足深惜。天亦有世態。炎涼易于變面。乃欲人情之不冷煖。何可得哉。

柬朱皇叔

吳相如右廉

僕自北歸。一二知己皆星散。而褐衣徒步之吳子。猶時叩其閭。不獲晉見。道途

所值反作套語寒溫欲爲昔日交不可得也回想吳子昔日何幸竟得有此

與友

繆樹儻德傑

承惠畫眉音能娛耳足爲岑寂之伴一友嘲曰愛之耶余曰友之也友曰抑知鳥獸不可與同羣乎余曰以今之與同羣者皆鳥獸不若故耳

與具京浣修

陸敏樹蕙暉

今日至猥者社至鄙者盟余見前輩有讀書社嗣後有登樓攬雲皆社也朋類不雜德業相資尙實而不矜虛聲社所以足重也茲乃徵歌釀飲雜沓滿堂語聲氣則賓主之情尙未通論文章則筆硯之工何嘗集開爭競之端分朋黨之路長此不變但見禍而不見益矣言之慨然

與孫秋水

吳相如右廉

不意金洞橋作古淮陰道浮侈少年輕薄稚子猶紛紛以爲得志倘其人不及

韓。王。孫。安。能。榮。及。都。尉。耶。可。笑。可。笑。

### 示及門

陳 枚簡侯

鸚。鵡。能。言。獼。猴。善。戲。皆。教。習。之。功。也。人。則。耳。提。面。命。朝。訓。夕。規。而。昏。迷。如。故。甘。讓。靈。於。鳥。獸。哀。哉。

### 與葉子蔭

徐菊知 簪止

人。生。少。年。如。春。榮。壯。歲。如。夏。實。過。壯。如。清。秋。衰。老。如。殘。冬。某。已。屆。清。秋。之。年。追。憶。春。華。夏。實。不。免。虛。度。以。此。知。枉。却。好。光。陰。不。止。某。一。人。也。逐。利。如。蠅。走。名。如。鷺。者。思。之。不。更。可。惜。耶。

### 致友

尙觀法 雜則

良。朋。嘉。客。上。年。雲。霧。集。鳥。啼。花。落。而。今。車。馬。稀。何。也。曰。尙。子。貧。也。然。則。何。必。一。貴。一。賤。交。情。乃。見。哉。

與林琪生

徐菊知詹止

方寸幾許大。堪容此萬斛愁哉。花能更紅。髻不再綠。勞勞茲生。一戲劇耳。可爲嘆絕。

與翼菴和尚

李岷源懷帖

癸丑一別。屈指無幾。葉落花開。春秋兩度。大悲願力。想已拜完。此時正可向六橋三竺。遙指晴峰。笑看山月。使二三僧俗。知三千世界。徒自茫茫也。可惜問公示寂。未免冷落西湖。曉月暮烟。誰復戀戀。問公真再來人也。內不履而外不衫。近乎濟顛之續。而捏根種樹之輩。猶以不得令終爲譏。此俗所見也。噫。山河大地。果亦與王侯將相之衣冠同不朽耶。

致潘賡唐

汪之琦奇玉

君子淡交若水。所以可久。兒女姻緣。入俗易致齟齬。我輩因友聯婚。反落套阱。

若非。兩。人。聲。氣。堅。定。幾。于。覆。雨。翻。雲。將。古。道。投。之。大。荒。之。野。矣。

### 東白雲上人

周致泰開文

聞。宰。官。作。佛。事。者。徵。索。百。貨。遍。檄。市。廛。疾。痛。載。道。未。知。慧。光。慈。眼。中。亦。一。照。及。否。昔。人。于。溪。頭。片。葉。猶。復。惜。之。此。其。用。意。口。等。顧。乃。聚。百。億。萬。號。呼。怨。怒。之。氣。以。作。香。花。供。養。而。欲。以。是。修。持。善。事。召。致。福。祥。曾。有。當。乎。上。人。人。天。領。袖。將。令。愁。城。火。宅。普。化。清。涼。似。此。擊。案。重。重。恐。正。無。勞。諸。佛。證。明。也。

### 與李玉采

羅賢二千

前。園。坐。榴。下。喜。皆。知。己。或。酒。或。弈。日。夕。不。倦。吾。儕。真。不。讓。西。園。雅。集。哉。別。來。途。次。中。山。痛。想。亡。兒。幾。登。鬼。錄。病。少。起。卽。勉。抵。都。門。幸。遇。趙。孝。錫。聯。床。夜。話。語。及。蓮。井。華。峰。諸。景。恍。惚。在。目。不。覺。一。片。痛。腸。化。作。野。雲。飛。去。

### 與郎卜臣

吳相如右廉

杭郡歲歉。人事大異。疇昔諸物之價。與粟俱增。過一日。較前兩日。而居官者不  
急難有餘者。不恤貧。抱火厝薪。聊不自悟。未審何以安枕而臥也。僕一門四口。  
遑遑謀食。比下農夫而不足。安知不與溝壑爲隣。寧敢搖首張舌。一二陳其利  
病乎。

復石公題

徐菊知繕止

陶家佳處。不在花酒。而嗜酒愛菊。特興之寄耳。今紛紛朝市子。綾刺隨身。牙簪  
在握。亦欲進步陶公。恐不免爲黃花笑耳。

與程羽三昆仲

關 漢波民

曩遲羣從車騎。爲卜晝飲。期得把臂唱酬。博一泥醉。不意爲俗子敗。乃與一時  
元龍之氣不平。幾同灌夫罵座。深自悔之。如不爾。則吾家阿瞻。竟有曹沫之辱  
矣。惟高明諒之。

與曹石臣

程 邑翼蒼

不讀。盡。古。人。書。不。敢。議。天。下。事。唯。讀。盡。古。人。書。愈。不。敢。議。天。下。事。此。語。可。爲。石。臣。道。難。與。俗。人。言。也。竊。見。今。人。稍。稍。記。憶。便。大。言。不。慚。搖。曳。街。市。上。以。欺。孺。子。兒。噫。可。嘆。也。已。

### 寄朱熙績

諸長祚秋宦

斗酒未寒。兄忽逸去。次日有人來。見栖水孤篷。兄在其際。廣陵片月。遂足戀戀。若此耶。但輕擲知己。有若秋雲。北山移文。弟將三復于斯矣。

### 與弟蒼儀

潘見龍雲從

去歲天竺之遊。適當營建。因有二金之助。其疏列二十金者。蓋以張法門之體面。非實際也。在當時亦曾露意矣。且微示名教中人。曉然于佛之不足佞。而圭角亦不必存也。彼上人者。竟欲執券取償。亦太貪矣。亦太妄矣。吾輩讀書懷古。縱不能有功。于名教。獨何至佞佛。以圖僥倖耶。佛法以利濟爲重。使果有餘金。惟當普施貧困。徒肥上人。何爲乎。雖然。皈依佛者僧也。皈依僧者抑豈不佞哉。

呵呵。

答李懷帖

周致泰開文

豪傑生平。何嘗有利祿妻子之計。在其意中。所不能一日忘者。此友朋氣誼耳。故力能去貧。而復不辭貧。惟豪傑可以貧。惟豪傑必不可以貧。是非爲利祿妻子計也。今赤臣薄効一官。何足以盡赤臣。顧差免于貧矣。其不能一日忘者。以兄之猶未能不貧也。噫嘻。世豈有李子而長貧者乎。

與友

金 鱗飛池

世風不古。以天資刻薄爲聰明。以言語尖酸爲活潑。以作用詭詐爲長才。是以賦性淳龐。目爲無用。辭令謹飭。鄙爲迂疎。行事循理。名爲拘泥。真有江河日下之慨。始知撮空粉飾。乃處世之箴規。讀古窮今。是困人之張本。任爾百千手眼。總難打破此圈。何況孱弱書生。能不受其籠絡。然隨波逐流。旣不可好。高立異又不能。惟有學得本事在身。且至前途在處。造化間有睡着時。或可一脚跳出。

也。爾我俱在個中。不憂無伴耳。且勿性急。

### 與何次德

周亮工櫟園

弟幼時見傀儡戲。二尺許長。線索纍纍。任人提弄。近則變爲數寸許。以木板推之。全是用聰明者。嗟夫。傀儡亦且漸小。何況于人。傀儡亦不由人線索。而欲自運聰明。可畏亦可悲矣。

### 復于密庵

王弘撰山史

昔與足下種菊碧雲溪畔。朝夕同力灌溉。剪剔不厭其勞。而意則甚適也。別後僕亦孤寥自廢。衰病日增。然相羊山水。以度餘年。所謂自以爲無患。與人無爭者。不意復入弋者之羅。視冥冥飛鴻。唯有顧六翮而自傷耳。數年學易。方欲有所述作。纔得端緒。乃以此奪。頗自惋嘆。兩遣小兒。具呈吏部。迄不見允。然自分愚拙。終圖西歸。不失作華山老圃。看黃花晚節香也。

### 與王丹麓

陸進蓋思

湖歸泥雪。意不能佳。脫帽同樵子。過酒樓。竟爲當壚者所識。豈我輩蹻蹻涼涼之態。不能取容于士大夫。而反見賞於婦人女子乎。足下捉刀雄概。自難掩抑。僕也何人。乃得有此。

與季白眉

傅巖野備

大千以去年五月還。竟不知尊耗。臘月小兒報中言。及仁兄受誣。恨無太白之力。脫汾陽於厄。已會便中。向敝座師懇之。然已遲遲矣。聞近日邀未減。然否。弟日日有仁兄之危。乃知縣令。故是賤物耳。

寄朱函五

魏際瑞善伯

弟於九月至雄。滿謂可以把握言心。兼陳閱歷之况。乃忽聞有誣許由而謗公冶者。令人咄咄。恚憤無已。每一念及。轍復慨然奮臂。然窮途之人。無力可助。每誦蒸也。無戎之詩。未嘗不嘆息惆悵也。台旌行止。想未有定。弟則決意入山。保此餘喘。或者得與先生相逢。剪西牕之燭。而話巴山之雨。未可知也。

與鄧大錫璿

汪光被幼安

自冬徂夏。歷時幾何。而事之不平者。往往出於意外。僕床頭鮮堪贈之金。匣底無可磨之劍。念此耿耿。未釋於懷。遲足下過韜光。作昔人高山頂上七日哭。遠近聞之。未必不美於鸞鳳之鳴也。

與統上人

李式玉東琪

久依鹿苑。時接鵬書。不謂在公遽逝。令人慨然。昨聞樓際鐘鳴。有似山陽笛響。江文通擬至惠休詩。亦擲筆矣。

與丁藥園

宋 琬荔裳

年翁以曠代異才。遭斯無妄。亭伯流離。啣冤千古。凡在同聲。莫不吁嗟喪氣。矧弟趨陪壇坫。誼若墳箎。握手相看。魂銷心折。不禁涕泗之闌干也。弟于詩文一道。尙爾茫茫。邇來奉教宗工。稍知妍媸。不意嚴師遠去。我心悠悠。此恨如何。悵

結而已。

與柴雲倩

程鑑漆園

先嚴暴露二十餘年。去冬不得已覓杯土。盡子職。吾鄉庶帝橫加凌侮。將典守者訟之官。弟婦抱忿顛仆。至今不能起。平生迂闊視顯貴人如腐鼠。當此橫逆。何可不奮身科目也。

與友論氣習

朱傲衡山

昔有人讀詩。將打起黃鶯兒作七言讀。旁一人謂之曰。教字住。當作叫。今人擁絳幃談易。誠不如刮金板叫街矣。叫字之解甚戲。近今之擬甚確。吾道凌彝諸人。夢夢安得挽頽風。救波靡者出而振之乎。足下念及氣習。大約止可隨時無巨靈神之手。取而變易之也。空言乎空言乎。誰其明之。

寄詹子粲親翁

張國泰履安

承翰慰。且以後勁爲勉。弟非木石。寧不知奮。第恨年幾半百。才短而疎。譬之臨老佳人。學十六七蛾眉女。即塗朱畫綠。與之爭妍。始于昭陽長秋之間。此不待入宮見妬。方知顏謝色衰。媿而却步也。即三千粉黛。實實稱讓。以爲風韻猶存。亦不覺自顧而掩泣矣。矧所倚之人。又一劉景升。時令王生登樓。長嘯彼不問也。

### 與兄

陳 渾陶菴

人生在世。身外一切皆非己有。卽此身亦何嘗爲己有。明明白白地。爲何見不到此。記兄與弟十餘年前。投壺賭酒。悔車奪馬之趣。何等親愛。何等坦率。我兩人都不似少年况味矣。去日之日不可留。來日之日知幾何。煩惱歡娛。須人自致。紫荆花萼。本固枝榮。當毋令草木笑人也。

### 寄王程鄉

成 性我存

年翁以經世之才。問心之學。弟於十七載前。卽冀掀揭於當時。慰同人之期望也。

矣。乃變態雲出。惡夢浸尋。以至今日。始洗得一副肝腸。鍊得一副氣骨。使桐鄉畏壘之民共懷一善乳。老嫗而悃悃無華。實心實政之人不能見達於天子。是可嘆也。

答詹竹也

陳衍虞國公

別日。以久思。日以深。潮事至今日。難言矣。九陌之衢。紛如屠沽。客輶接踵。疾呼售貨。且多沒舊穀。以償新升。先馳下駟。而待整頓。郭况之孫。子裘馬翩翩。原憲之姻。媼攢眉感額。氣運若此。誰爲厲階。某翁回省。想能悉之。弟蟬腹忍饑。採藥看雲之餘。猶作袁字生計。恐伏生笑人于千載也。做郡石米百錢。在史可書大。有年。然粟生金。死士農愁。嘆追呼吏。至恐田舍兒。皆滿桁楊。弟拙乃真拙。如道翁文章。則陳思避毫治生。則計然讓筭。拙樸之稱。願留與弟道翁。萬萬不當越俎。攘此佳名也。

與王安節

錢陸燦湘靈

自嶽山爲道山之遊。出門落落無所向。所朝夕相念者。唯仁兄喬梓耳。未免以城門爲銀漢。別來又許久矣。櫟翁又掛彈射覺。宦海比吾輩硯池更可畏也。

### 報同年諸子

沈謙去矜

無德可羞。有形必壞。孔子五十而知天命。今欲禮佛飯僧。以求未延。可謂不知命矣。一言之嘉。一行之善。常留天地間。不朽者止此耳。苟其祿。生百年何益乎。彭祖妻四十九。子五十四。便當哭泣。過日可知。人生不幸。乃有期頤。不必如范文子之祈死。亦何至學秦王漢武之欣慕長生也。

### 薦引類

#### 與汪然明

董其昌文宰

每有書郵致武林。皆紛紛求薦不韻者。不敢溷仁兄酬應。茲有縛筆當行錢國。振欲爲穎君吐氣。向六橋遊大人。非參兄翁安賞結緣。要得舌端蓮氣吹噓之。

則夢裏江淹復現散花手耳。

與某當事

洪吉符原明

廬生某弟夙知爲永之名士頃得相晤。氣度深沉。譚言雋雅。足規其所積與所養。洵名下無虛矣。想年翁具波斯胡妙眼。夜光鼯采。應久在物色之中。不待豐干饒舌。然身歷治境。而見美不揚。必且嗤其迷目。專爲布瀆。唯父師恩斯勤斯。國士遇之。今日河陽桃李。他年權公鸞鳳。弟實無溢稱也。

答潘儼思進士

王 暉丹麓

承教馬君館事。非不力圖。奈近日凡爲薦館至者。非托以某大老書難辭。卽某名公情難却。不曰明諫謀。則曰他日卜筮驕氣傲色。殆不可堪。且爲人薦一師。必欲辭一師。所薦之師成否未定。而欲辭之師已恨薦館者如仇敵矣。欲避怨全體。庶返而求諸己乎。又恨僕無力。有子常令負笈從師。而僕頗好讀書。復以年長大不能執贄。無以應命。奈何。僕常戲謂人曰。有人欲委僕薦館者。不如先

祝我多財。多子。使我多財。或延數師教一子。使我多子。或爲一子延一師。皆所樂從。其他則非智謀所能及也。附博一笑。

### 與吳園次

嚴 沆 頤 亭

弟抱病月餘矣。方垂顧時。正呻吟床席。不得延候。歎罪不可言。合肥夫子之待亡友。胡彥遠也。生死之情。久而彌切。每與同人言及。未嘗不爲涕零。老祖臺領風教之宗。篤古人之誼。當必以龔夫子之心爲心。今彥遠尊公。寄寓玉湖。瞻望高雲。有日矣。秋風漸肅。老骨難支。伏望分公政之暇。賜破格之恩。俾能早沾餘潤。彥遠死且不朽矣。

### 寄吳聲來

潘兆珪 儼 思

入春草草把臂。蒙訂後期。草堂索醉。弟日坐甕頭相待。乃車騎未至。而瓶先罄矣。比聞佳况。駢臻杖頭日富。山林經濟。固止此乎。某生于五行最熟。蓋神鬼于星者。彼姑妄言之。而年兄姑妄聽之。未必非夜行之一炬耳。

復朱司理

洪吉符原明

某以漏瀦短材。當民社重任。正慚紊負。謬辱獎題。自知隻字莫當。然荷台臺進教厚情。敢不日夕書紳。以識明德也。承論羅生諱某者。經伯樂之顧。定當千里所媿。身非元禮。牙頰不芬。恐佳士望門而返也。

與劉宜興

金鎮長真

五雲覆畫。花竹參差。得老年翁。蔽翮其間。此時塞帷所至。坐聽春雉秋鳴。不知多少野人歌樂只矣。貴治故紳周文老。起家翰苑。旋轉台班。歷官清白。後裔孤苦。敝年姪某。窮困守經。誠不愧其先世也。伏念大廈萬間。能庇天下寒士。若在甘棠之下。如弱子之依父母者。又不獨敝年姪一人矣。統望加意愛護。感德與邀榮均之。

與諸永齡

范驥文白

襄病杜門。會城如在天上。知己笑言。常勤夢寐。別來頗有弄璋之喜否。天上石鱗。此德門所應有也。向約天目之緣。近聞老人已到。大雄峰。老道翁欲鼓棹。飯依弟鵠立龍淵。以俟老友也。禾中徐稚。孫兄篆學出入李陽冰。吾子行之間。必得宗工許。可價增百倍。擔簦湖上。欲弟廣其聲好。老友疎星。唯推愛。遍爲嘯拂。不敢望之他人者也。

### 寄吳次園太守

龍鼎孳芝麓

彥遠尊公胡先生。相訪里門。津津頌美新猷。真古之良二千石。并述雅誼優渥。聞之欣感。彥遠身後凋落。入口皆仰。芘于七十老人。此亦弟輩朋友之責。綿力稍爲區畫。恐難周洽。或望分助。將伯諸凡。可爲照拂。幸一留神及之。弟有同感也。

### 爲林子。上當事

周致泰

朝榮夕落。有生大不幸。無若斯者。木猶如此。人何以堪。此桓大司馬所以嘆也。

今林生之遇。毋乃似之。台臺惠風膏雨。一經披拂。且使幽巖寒谷。遍地陽春。當不惜露澤之餘。起此漢南枯樹也。

答吳來之

李式玉 玉書

何日天使歸雲霄。地下吏當饑河梁。武水茲錄遺。僅可念人。而好秀才之見擯。數且倍之。令雖愛士。奈有限何。爭冠軍如市。薦牘山積。想當一一不省。任憑文字分付也。

與趙介山

李 漁 笠翁

太守已經面別。念四日果于行矣。姑臧幸爲急售。今日之價可謂極賤。自此以往。不復有此賤物。幸語諸公。得尺玉之尺。得寸玉之寸也。皮襖尙在。若有受者。亦肯抑而就之。但售輕裘。必于肥馬之門。而貴鄉之馬。多蓄瘦者。恐其以蓄馬之法。蓄裘則難乎。其爲售矣。一笑。

與友

丁景鵬 弋雲

別來每對清風。輒思玄度。想江都著作。已成定有蛟龍繞舍也。弟風塵鹿鹿。蓬生于心。不可斷絕。所恨年遜黃門。二毛已見。是足悲耳。知己何以教我。宋玉書。開元作畫。王維曹霸之才。鄴下爲書。阮瑀陳琳之選。邇遊獄里。夙仰龍門。祈不吝掄揚。廣爲獎引。何日駕貴湖上。移文相餉。西園之樂。引領望之。

### 與魏公錫

丁盛世熙臣

吳江牽別。遂隔關河。夢寐徬徨。少依玄度。疇昔之辰。風雨同舟。寒江共濟。臨風按劍。相歌也已。而相泣。弟雖落魄風塵。幸對叔寶。稍忘喜慍。朋友之懷。真踰骨肉。辛苦流連。嘗爲淪涕耳。吾兄下帷撰著。想繁露書成。定有蛟龍繞舍。何不傳布梁宮。開我茅塞。穎客蔣生。器稱神利。敢藉江生。賞拔不致沉淪。庶玉人荆山。無恨耳。停雲東企。不盡縑依。

### 與張樞侯輿部

陳 枚簡侯

張履安。做鄉佳士也。人品才華。各擅其美。求之今世。實罕其儔。辟若祥麟。威鳳。

卽三尺孺子無不知爲瑞物。台翁素具物色賢豪之識。若張子者。豈非意所欲見而不可得者耶。晤時幸拂拭之。

致史筆公

丁 澎飛鱗

長安握別。日切停雲。近奉新綸。特重專城之寄。知祖臺政聲洋溢。繼軌龔黃。鹿車甘雨。實爲禾郡一方慶也。舍弟某。鑲羽歸里。向在幘幘之下。竭誠摠謁。敢附元禮龍門。舍弟閉戶著書。詩文翰墨。頗藉人口。唯臨政之餘。玄暉朝雨。子建函京。得侍唱和之末。弟與有榮施矣。但子雲寂寞。塵甑爲虞。得邀推解之誼。渥以春風。不至傲裘淪落。尤深屋烏之感耳。

與陸子玄

林子由小眉

足下道履如何。僕忽忽多愁。文字半廢。卽有涉筆。粗見意氣而已。欲向江左諸君子。問其神宇路遠。莫致我勞。如何。然仰浮雲。亦未嘗河漢也。舍姪衡者。欲盡識吳中名賢。以了壯志。文心曠蕩。僕甚快之。足下風雅所宗。聲氣歸往。知必有

發其藻思。謝朓入睦。當得奇儔。太初遊南。盡交名輩。才華英分。相合可知。不盡區區。臨楮神往。

### 與某令

丁景鴻弋雲

父臺以九方神鑒。比試童子。錄其優長。玉筍一班。雲蒸霞燦。譬之蘇王。並列續美。春官張寇。聯名譽歸。程羽會稽。竹箭南國。蛟龍並收。門廡矣。懼忤何如。茲有做門人某某。初識之無以優詞賦。或爲謝氏封胡之秀。或爲扶風絳帳之門。前並以草率成章。未蒙見採。敢祈恤一日之短。憫遺逸之才。庶使委灰耀靈。梧桐發響。但諸子羽翮未豐。雖非良造。固亦泛駕。若使之福衡。便可一日千里。采風者幸留意焉。

### 與蔣水因

林嗣環鐵厓

久不見水因。誠恐簿領全集。所捉之刀。刀刃生銹。不能爲破山之劍也。誰知五摺紅單。皆春葩浮湧。編珠貫玉乎。弟方自笑其輕料英雄。未免過慮耳。三兄北

上候將脂車之日。自有片紙爲紹。不敢以言羽自解。何日握晤示之。

與周元亮

孫洽守台

有僧于南者。方受靈谷之請。此上坐年雖少。實當今龍象。非尋常善知識也。做及門張玉藻。一日千里。願出大賢之門下。宣城折簡先生。其無意乎。

與友人

陸敏樹蕙膝

昔朱紫陽常道風水。亦是此中未脫然處。然實理有之。不可略也。每見得者多在。不意雖得在。不意定有一明眼人指授之。豐城歐君術頗精。卽非郭景純。亦是雷煥一流人。兄試叩之。

與友

傅禧熊公芾

自昔有昭鈴之刻。桐邑之銘。皆未易數數見也。適有一友。刀名金錯。筆架珊瑚。旣擅四妙之長。復精柏寢之體。敢以片言爲介紹。叙頭屈玉。盍試驗之。

與俞殷書

丁景鴻弋雲

歲華三易。念切知交。年兄榮任南州。聲名藉甚。王苑清風。自桐水來者。人爭道之。如弟枯坐食貧。愁痛交集。視年兄治平報最。紫禁知名。又何止蒼壤之異也。做友陳孩赤。與監司孫平老同寅。至好。今赴約過梅谿。道經貴治。素願識韓索弟。介訪諒聲。援臭味。自訂相知。巢雲流玉之間。定有酒賦琴歌之樂。臨風懷想。

與何闇公

張國泰履安

足下甫弱冠耳。遂能悟河洛之奇。爲當代領袖。其穎悟固不讓象山先生也。做友張駕部。奔中射鵬手。聞足下名。急欲一當旗鼓。圍場九級。未知鹿死誰手。足下其能躍馬揮戈。拔其樹幟乎。然此公虛聲藉藉。足下握中不妨多挾數子。以避其銳也。

東宋荔裳觀察

沈士鈐元轄

某嘗讀李太白劉子謂生不欲封萬戶侯。但願一識韓荆州。其人爲天下欽仰。如是以其能品題多士也。茲有崑山陳玉符筆走雕龍才同倚馬。晉謁門牆自能鑒別。詎使青萍結綵不得長價于薛卞之門耶。

與某友

洪景融潤孫

承論往候某公。屢爲典謁所阻。劉魯風名紙生毛矣。昔鄭司農愛客。戒無留門。今關如九重。其人輕士。可知自分無所求。而因鬼見帝。何自苦乃爾。從此裹足不前矣。足下幸毋以我爲傲也。

致何司李

丁 彭飛濤

壬辰春。幸得聯袂燕雲。奉觀塵誨。握別以來。瞻依日切。每念年翁以匡時碩望。振節天中。平反之譽。喧騰闕下。披玉尺而映冰壺。不日首登啓事。使賤子得昕夕左右。有餘榮矣。南宮之役。仰藉雲庇。幸廁譜末。未得叨奉侍之班。徒有栖遲京洛之苦。爲望梁園藻采。濂洛家風。卽欲奮飛。何能策屐。想故人垂注。自殷徒

深耿仄耳。敝友某浙西僑盼。與弟縞帶至交。茲赴其令親張蘧老之訂。便間晉叩台堦。相遇時。定有水乳之合。卽弟亦得託以申情愫于研北。爲甚幸也。

### 與余右吉

余懷簪心

春間正擬東游。再續鴛湖之會。而先君見背。草土餘生。未敢遠出。山樓明月。存之夢想。茲以同鄉林衡者之便。附此奉候。衡者石齋先生之弟子也。其所著述。交游。與石齋平分魯國。今挾其才。上會稽。探禹穴。泝錢唐。覽吳會。觀舊京之宮闕。交海內之俊英。蓋欲渡黃河。臨碣石。拜曲阜之廟。以歸。而中道乏裹糧之資。遂廢然而返。返必經構李。經構李必訪奇士。則我右吉其首也。試索其詩文讀之。庶以證予言之不謬。然其人非有求於平原者也。而一介行李。倘有爲潤色亦地主之光也。

### 與友

胡應麟子振

秋雨淋漓。桂花搖落。每深夜懷良友。年兄羈旅。有佳興乎。愁霖之作。不獨子建。

擅美于前也。茲有舍親某古處士也。向在敝署任操筆札。且肝膽洞雪。每臨事不遺餘力。欲執轡門牆。特令晉謁。幸收之廡下。感不獨舍親已也。

與劉帶湖

程鑑 係園

湖上奉玄提。忽復數年。孔叢子所以有麋鹿之嘆也。頃附黃宗尼候台翁。知宗尼尊人與兄爲縞帶交。吟壇酒社無日不歡。弟想舊游。安得重客淮南。扳援桂樹耶。舍親沈桃源。以戴記魁瀾。闡竹香小築諸社。皆推爲桓文。倘入郡城。勿悵過從。桃源令貧如萊蕪。然舍親篤于緇衣之好。實能日朝相如也。

寄興化王雨石總戎

詹廷棟 柱臣

秋色平分。柳螢月午。遙想老年伯雅歌。投壺別具一番樽俎。折衝也。雲樹依依。徒望武夷紫氣。時作天際真人想耳。茲有風鑑蔣某者。夙負揣骨神術。名言精識。風動一時。凡在貴遊。無不傾倒。偶慕晉江名勝。策仗來遊。時令上謁臺端。預卜封侯奇兆。談言微中。固知名下無虛也。幸進而試之。

與張樞侯駕部

張國泰履安

王子月隣。吳士也。遨遊齊魯燕趙間。以吳道子筆墨自雄。求其寸縑尺幅者。屢幾滿戶外。又得伯樂神術布之楮上。頗擅曹韓之長。趙吳興不足道耳。道兄素有支道人奇癖。已爲先容。當令晉謁也。但其人蹢蹢涼涼。不入時俗。幸勿以丹青家目之。斯得矣。

與吳慶伯

陸敏樹蕙庵

弟少年從先妻學。齊阿難。不向釋迦。問道終成。魔外邇來。竟不敢對方罍矣。隱鷗來自雲間。對局時。神靜氣閒。蕭然如不徑意。而着着先手。品格當在第二第三之間。吾兄試與一談。然尤善繪事。前埒北苑。後韻文敏矣。幸推知己。矚矚及之。何如。

薦謝臯羽先生後嗣

陳衍虞

貴洽謝臯羽先生。當宋元間。奮臂狂走。九死不同。弟遊晉安時。曾讀其晞髮集。後又見其西臺痛哭記。爲之髮張魄動。濛濛汗出。信千古俠男子。倘後嗣有人。望道翁物色而興起之。亦見吾輩原具肝腸。不同俗吏之逐羶附火耳。

砥礪類

與子姪

毛先舒雅貴

年富力強。却換散精神。肆應於外。多事無益。妨有益。將歲月虛過。才情浪擲。及至曉得收拾精神。近裏着已時。而年力向衰。途長日暮。已不堪發憤有爲矣。迴而思之。真可痛哭。汝等雖在少年。日月易逝。斯言常當猛省。

與繆霜崖

錢朝彥殷求

近繙左傳。見僖公之事。而經不書。因更及公穀。使人嘆經傳之何據。昨偶談及。遂以請教。然五經中。恐如此者尙多也。倘得明識正見。博通如年兄者。晤時一

一參訂。雖西封之。景爲景。幾何然。實勝無益之。談博奕。遣日也。

### 致袁惠子

吳相如右廉

數客到門。四方布列。卽呼宋江輩出。敲臺拍案。喝賞呼冲。勝負雖不相懸。光陰各輪寸許。甚至覺起席間。詐生顏上。使真誠之交。懷機變之慮。古道時趨。惟君子審之而已。

### 與漢雯姪

吳相如右廉

書來。勸僕急於進取。意甚高厚。昔仲子舍三公而爲灌園。陳涉執耒耜而思富貴。士各有志。不可強也。僕生平無半頃之田。一廛之室。足以繼饗。飡娛朝夕者。而高堂白首。不免饑寒。人子何心。猶且口吟無味之書。手劈難烹之字乎。功名事業。乘時而爲。是在爾也。勉以圖之。僕從此謝矣。

### 與錢照五

沈心友因伯

拙句呈教。乞大爲改削。勿以好好二字塞責。夫世俗見人詩文。輒曰好好者。其故有二。才人鄙之。不屑讀。庸夫忌之。不肯讀。惟不屑不肯之見。橫于衷。遂以好好文。其矜陋。吾儕相知。以心相勗。以道期。千砥礪有成。萬弗蹈二字之轍。幸甚。

與友勉學

彭兆元 葆初

人有三遇而成。三可惜。爲一陳之。命運儘可上達。是根器已具。不讀書而坐失機會。一可惜。春秋正值方富。則智慧日生。不讀書而優游虛耗。二可惜。祖父蔭庇在前。衣食如意。世故不櫻。不讀書而廢時暴棄。三可惜。三遇全而踏三可惜。奈何。

示及門

曹玉珂 陸海

人之所需。謂之儒。需于千秋。需于一代。其事邈矣。一職一事之需。所當自勉。苟爲人棄。饑寒隨焉。需有用。與任之。二意有可用而不足任者。復與無用同。君子不可不交。最。

與九牧姪

陸進蓋思

古人云。問途子已經。而余過來人也。樂任意氣。務泛覽。近已頭顱半白。兼有婚嫁累。何可復得少年。如謝家兒。佩紫羅囊耶。吾姪雋才異度。先要立念真誠。斷此病根。蓋任意氣。德性便不能沉着。務泛覽。舉業便不能專工。惟虛心以擇友。深心以讀書。矻矻窮年。守茲二戒。出而科名。則爲純臣。處而銜泌。則爲名儒。千里相思。書此以勗。

與天一上人

江嘉梅

讀佳詞嘆服。但此事自學禪定人出之。卽唱出。曉風殘月。不免墮綺語戒矣。善知識亦爲之耶。吾師以爲何如。

與陳簡侯

胡宗鐸天爲

兄多才人也。然不無小癖。曰緩甚。弟辱過愛。敢忘切儆誼乎。但兄耳風甚疾。恐

非口舌間所能譬也。茲特進一頑石。望一琢磨。看此番緩急。何如。便知以鄙言爲茲佩否。

與徐徽之

李 標育九

昔子瞻謂李公擇云。道理貫心肝。信義填骨髓。弟今于李懷帖復見之。觀其所著。皆侃侃而談。不加藻飾。而光銜畢露。讀其文。如見其人。此真今日之公擇也。第憤時疾俗之意。過甚。是亦處世所大不宜者。兄翁與交最深。晤時幸不吝苦口爲囑。

與旭臣

釋智曙 震白

高堂雖是所親。當以法門爲重。定省後。卽宜拂衣。倘留鄉里化導。亦須善譏嫌。會稽山水固佳。不應爲此而生貪着。

答張齊仲

陳祚明 鶴倩

見新詩佳甚。稍有一二語。不似古人耳。此等處略爲矜慎便佳。愚向勸足下且勿作詩。謂作未必工也。今旣能若此。亦復何傷。翻宜多作。以期有成。才苟高。謂吟咏足分心。未然也。借以陶放思。亦善耳。

### 與友

李枝藻伯含

昨幸見兄射。矢矢中的。再見養由基哉。第古人三箭會定天山。若有志四方。當操弧矢以作大丈夫事。勿因觀者如堵。自爲絕技。遂以畢其志願。

### 與許潛飛

袁 株丹六

別後逾夏涉秋。緬懷佳勝。撰著之盛。動盈篋笥。未審何日得一快讀也。數月來閉戶讀易。偶有所得。便思少有發明。爲先賢增滄海之一滴。然尙未成書。未可卽出。請正讀易。纔畢。便讀尙書。深恨向來涉獵。未窺古人閫奧。漫云六經注我。將何以廣其識。而淑其身。今操燭續晝。不免遲暮之嘆。適足爲吾兄前車之鑒耳。

示子鼐

王 暉 丹 麓

臧獲之徒。咸服貂帽。屠沽之子。盡被羔裘。是何異。冒麒麟之皮于牛背。望之。非不斐然。及去其皮。依然一羸牛耳。吾家向有素風。韋布正土人本等服色。若欲飾觀。惟文章可以悅目。道德足以榮身。區區紈袴小子。不足羨也。

與朱令吉

汪之琦 奇玉

老姪慈侍。下當竭力孝養萱堂。中庸云。事死如事生。事亡如事存。非事生如事死。事存如事亡也。勉之。

與喬時伯

曹玉珂 陸海

君子處世。不異則無己。不同則無人。無己則不可爲人。無人則終于無己。二者交譏。古之人有行之者。道二品三。或爲碩果。或爲朋來。此道二也。碩果如武侯。朋來如文淵。二公邈哉。次焉爲梅福。爲東方生。爲梁荆臺。此品三也。擇近者而

效之。求無媿于古人。斯已矣。若矯與隘。涉世之大戒也。

### 與汪懔漪

高士爾達

承惠食物本草。不啻藥食之貺。說者謂有形之食物。其救濟於人者淺。無形之食物。其救濟於人者深。有形如米穀蔬菓。禽獸蟲魚諸物。味之可以養身。無形如孝弟忠信。仁義禮智諸德。知之可以養心。養身之方。先生既幸而教我。固欲劑而服之。養心之方。先生尤幸而教我。更當劑而服之也。

### 答文敏師

釋成葵旭臣

不讀書是愚癡障。讀書是文字障。此義不難。當以讀書不求甚解而折衷之。

### 與錢爾斐

李成玉玉書

伐毛洗髓。仙家至要。舉業亦然。手下最忌。熟境須時。時轉換。然後出得。古人圈套。今人卑卑。又無足論矣。段善本。念年琵琶不彈。正此意也。門下天才。駿發終

當放出一頭地。僕相愛甚切。不覺以規爲諷耳。

致程敦可

張國泰履安

懸壺家操岐黃之術。起沉疴。回痼疾。無施濟天下之權。而有施濟天下之術。豈徒以茶後一揖。揖後一函。已耶。昔人云。學書者紙費。學醫者人費。雖老生長談。而冰鑑寓焉矣。以此存心。自令盧扁避席。慎勿使二豎笑人不識膏肓處也。

寄張式甫

李岷源懷帖

不得接色笑者五年。學問想必大精進矣。故人念兄。兄亦念故人。否。親老家貧。祿養須急。惟其祿養須急。則應世之文章。爲重。傳世之文章。爲輕。圓秀輕鬆。平滿亮熟八字。望吾兄急爲二老留懷。不然。年長一年。筆高一筆。悔無及矣。因風修譚。殊愧芻蕘。

與天一師

釋明源

睽。違。兩。月。懸。知。道。候。清。安。起。居。輕。利。然。塵。勞。擾。得。托。足。空。門。者。已。若。優。曇。希。有。况。更。設。關。深。隱。一。切。無。干。者。乎。此。種。機。緣。誠。未。易。得。望。高。明。惟。道。是。進。意。外。抵。牾。槩。為。夢。幻。泡。影。待。之。幸。毋。介。懷。將。現。前。清。泰。國。為。魔。軍。可。動。搖。也。吾。師。勉。乎。哉。

### 啓道生上人

李國任 觀侯

今。人。論。修。行。之。法。動。徹。曰。死。工。夫。不。知。工。夫。有。何。死。處。乃。此。心。不。可。不。死。耳。吾。師。獨。坐。枯。禪。許。久。不。出。真。可。謂。心。死。如。冷。灰。矣。但。灰。冷。亦。要。冷。到。極。處。纔。妙。不。然。恐。冷。灰。亦。要。復。燃。昔。玉。通。下。了。一。世。死。工。夫。臨。了。一。着。反。落。紅。蓮。圈。套。雖。是。那。撥。灰。尋。火。的。不。好。也。畢。竟。是。滅。火。寒。灰。的。不。十。分。乾。淨。耳。

### 與嗣孔

曹玉珂 陸海

西。銘。云。富。貴。福。澤。厚。吾。之。主。也。人。不。善。承。厚。生。則。享。富。貴。福。澤。可。危。貧。賤。憂。戚。玉。汝。于。成。也。人。不。實。體。玉。成。則。受。貧。賤。憂。戚。可。惜。與。我。兄。並。勉。玉。成。是。區。區。愚。

蓋也。

與子旣御

江思令子久

禽翻竹葉霜初下。人立梅花月正高。此神仙瑤島清絕之境。然惟夜讀清苦者知之。若夫瓊筵醉花。當面成魔國士矣。

與潘雲從

李岷源懷帖

去秋言別。時日無多。而春又過半矣。旣入仕途。事業爲重。文章爲輕。捏管丹青。在未釋褐之寒士。恨不得爲海內師。在已致身之真儒。當謹避域中之忌。白門闈墨之役。未免舍重就輕。太翁升遐。業是終天之恨。北堂祿養。豈容再緩。須與望道兄。石火電光。片颿北指。毋復對故園雲樹。戀戀依依。自知交淺言深之過。長者決無按劍掩耳之懷。臨書但有勸駕。

復周邵延

徐菊知簪如

晉人之所謂高者皆有道之所謂狂也。如此世界庸懼難免。况于狂乎。某嘗言詩不妨作不必苦酒不妨飲不必縱雲山可樂不必隱之名城府可捐不必詭于跡不欲作狂卽是高處足下桃源中人又何沾沾竹林爲也。

### 戒弟

李定昂若干

凡人矜氣飾名日紛逐于是非場中無了期亦無益處惟平心以待掃除人我之見自然荆棘不生。

### 致自問

洪吉符原明

疎奉風旛之教。頗深饑渴之懷。邇聞精進彌加。不覺起舞。皓禪興理之事。圓公誼難卸肩而執耳。主盟非上人任將誰與歸。在上人樂靜辭勞之意。圓公已道之詳。小忤亦言之悉。但補理故寺人天欣仰。每見絕無依傍。而煥琳宮于瓦礫之中。闢南畝千蓬蒿之內。伊何人哉。伊何心哉。今棟宇田疇。不煩改闢。略一整飭。卽是祇園鹿苑。而奈何其却顧也。况人之惡勞。誰不如我。上一辭。後來皆

阻坐令莊嚴之宇淪爲荒蕪之區梵音絕響白馬悲鳴福此長夜之心其忍之乎蕭啓敦趨祈慨俞以慰顯切

東潘儼思

張 墉西鳴

聞足下有稽山之役。倘過若耶浣紗石上。應憑弔移時。然而馬足車塵。不宜着以色相。行雲流水。庶不爲情字牽腸矣。

示門人

徐菊知 澹止

六丁下視。太乙夜燃。人有苦心。天且鑒之。矧于人耶。試問麤糞不輟。有終不逢年者乎。若夫遲疾早暮。宜塞而通。幾得而失。此又造化小兒顛倒豪傑處。讀書時。却不可以是涸入清思。所謂立定方能立得命也。

東李迪園

周致泰 開文

客從維揚來。稱使君座客常滿。余謂使君非好客也。客自好使君耳。近聞先生

買舟過此。僕竊疑之。先生議可却秦師。節可踏東海。天下之大。豈無知己。而顧向此中。問荊州物色。非僕所望于先生也。試問夜月蛙聲。誰非有求于公子者。縱有平原。又安從辨先生玉貌耶。

### 與弟石臣

曹挺

義馭無停。韶光瞬息。一回相見。一回老。人生能經幾度別也。吾弟如太阿出匣。咄咄逼人。終當遇張雷。爲尙方鄭重。願及時努力。與愚同鼓棹長安。舟車之費。至易易事。若仍屈首此邦。窮年阨阨。吾恐積棘之木。終非所以屈梧鳳耳。

### 與幼華

曹玉珂陸海

蓼莪之章。前後皆比。其中實敍。止願復一節。至令讀者洒淚。柏爲之枯。悲親詩。未免稍實。且當註明禫後。比於鼓琴成聲之禮何如。

### 與甥沈雷臣

孫洽字台

賢甥承事二母。當發憤攻苦。悠悠忽忽。無益也。人之功名。猛則得之。無謂自己年小。卽如愚舅。不過轉盼間。遂成老翁。可不寒心。

與友

陳 溟 扶搖

衰了凡先生立命篇。真覺世金針也。人每忽不自省。遂使怨尤之念。交戰于中。我能立得命定。則驕奢淫佚。無自而生。凡處逆境。要當歡喜承受。我有夙業。如日消冰。我無疚心。如水澆石。不但情恕理遣。須知塵去鏡明。如此則怨尤悲憤。不尅自化。此卽聖賢之兢業。豪傑之動忍。持此以取順逆二境。則無入不自得。而命亦可自我立矣。

與程公彝

張國泰 履安

世事如棋局耳。數黑論白。紛爭不已。瞬息更局。又別具一番機巧矣。吾兄從爛柯山來。此中先着已臻微妙。弟子此爲游戲神通。則可。倘必寢食性命于此。則一雙手眼定爲此數子束縛矣。雖遠駕奔秋。近壓過謝。亦不過岸上高三着耳。

究何益耶。我兄解人。幸勿向柯枰上。點點滴心血也。

### 與際明姪

吳相如右廉

遭時不偶。舉動皆在困躓中。竊恐英雄自誤。未免作委蛇狗人態耳。爾於詩大具慷慨之致。但古人讀書多識。下筆自有和平渾厚之氣。至于詬詆時事。譏刺流俗。祇可偶一爲之。久則反爾者多矣。僕向于紙上不肯輕易放人。今漸落落寡合。因想至察無徒之語。在昔所云。良亦未爲過也。

### 勸友息爭

陳 溟扶搖

兄翁一往之氣。何必施于無用之地。卞玉與瓦礫相抵。金輅與柴車爭逐。吾輩與牧豎角勝。非惟不可勝。兼亦不足勝。不惟不足勝。雖勝亦不武也。請以近日時事證之。何爭之有。

### 寄潘蒼儀

李岷源懷姑

帝德廣大。美政日新。不次之榮。自應蚤受。然時文必須努力以讀。不必多篇。但求爛熟。使其臭味。渾忘精神。浹洽無爾。無我不經思索。而自來。湊我筆端。所用者得二三十篇。儘足以當千當萬。故以爛熟爲主。至于努力二字。更有愚意。吾兄天分高深。工夫廣厚。平常時藝。視若弁髦。鄙之賤之。何肯誦讀。誰知惟鄙。惟賤。乃第乃科。所以努力二字。更求咀嚼。書亦須熟看。文亦須多做。文不多做。則機不圓。書不熟看。則理不晰。恃在覆幘。敢以披瀝。幸無置工瞽之言于膜外也。

與甥沈勝茲

茅 熙于菴

別後適浪遊括蒼。未暇再晤。頃歸。詢知尊體尙在調攝。深以爲念。大凡身子微有不快。卽宜盡情擺脫。俾胸中毫無所滯。便可勿藥。若仍逐事精詳。用心太過。定當愈增煩劇。此聰明才智者尤所最忌。鄙見如此。唯深思之。

諭兒輩治喪莫用浮屠

王仕雪 壑如

浮屠三代所未有。故禮經皆不載。自五代佛事興。而冥薦遂成牢不可破之習。

余取程伯子許魯齋之說。不能以其道變化鄉里。請從吾兒。始使吾果造有擊得罪于天。無所禱也。豈藉平庸僧道誦經修懺。便可升天若立心不愧忠孝。吾兒便逆料其親坐地獄中。薄褻白頭人。莫此爲甚。務恪遵之。生旣以此相白。死勿以此相遺。

### 示子弟

鄭日奎次公

凡人謂治生事。最妨讀書事。故讀書人不可理家務。若然。則讀書人必皆不喫飯。不着衣。屏棄妻子而後可。不然。此中豈復有名士乎。余謂讀書只是要心。無所累耳。理家治生。雖煩瑣猥雜。但當隨分因順。事至則應。事過則已。不以一毫留滯胸中。與讀書何妨之有。若此心不能空洞。則章句文義亦足爲害。妨讀書事者。卽在書之中矣。昔人有不離酒肉妻子而能證仙成佛者。是其一證。

### 寄孫男憲會

王仕雲荃如

余目所熟覽。掩卷輒迷。心所經營。隔日頓失。慧業銷忘。竟成聾瞶老僮矣。然其

興會所至。猶與垂髻舞象者。日呶唔不絕。真同丈二將軍。持獨絲短簫。唱曉風殘月。不自知其鬚髻之若戟也。爾等不當乘時讀書耶。

與友

李岷源懷姑

別後闔宅各各稱慶。離家不比在家。定極自能生慧。故鄉雲樹萬勿縈懷。親老家貧。妻寒子幼。急急博得一科一第。庶幾可以砥柱中流。况吾兄意中多有不平之事。苟不揚眉吐氣。此塊何以頓消。故斷不得以兒女情深。亂征途劍戟之志。臨書但有顛望。

勸族叔息訟

袁名世翰仙

姪性喜恬逸。絕足不一至公庭。蒙召知爲訟事也。敢以臆見。上瀆尊聽。夫訟非不得已也。有之尙須解釋。而况健乎且傷己之財。結人之怨。尤爲不可。卽謀多算。勝利已損人。以逞一時之快。恐冥冥之中。未必許一人獨占便宜也。敢以寬厚之情。望諸長者。

與友

王弘撰山史

今人相稱字。輒曰某翁某老。近日市井屠沽。莫不然可笑也。吾輩當戒之。子貢之徒。字其師。子思字其祖。未聞有罪其肆者。

答吳專公諸茂才

曹鼎望詹齋

寄來去思碑文五十道。領到。僕何人斯。亦堪去後思哉。諸兄益古道。僕亦增顏甲矣。此記爲去者寫炤。更爲留者存體。大費愚山先生苦心。讀斗城謠池魚嘆。淚溼溼不可收。嗟哉。徼民何至此極也。浩嘆而已。前代諸儒以文字致禍者。往往而有。惟口啓羞。容身以默。諸兄豈未之聞耶。誤言文字之間。不可不慎。切囑切囑。

示大兒

汪光被幼安

昨書箋偶譌。命汝弟滌之。痕跡隱隱尙在。昔人晚蓋之說。當不其然。汝曹慎旃。

與吳小曼

王弘撰 山安

少時爲舉業。獨好讀成弘以來之文。萬曆以來柔靡之調。固不屑爲。卽丁丑諸公才學非不優。而馳聘法外。亦嫌其近于策論也。拙選非不間收一二。然往往不敢忘此義。

示鑿兒

汪光被 幼安

汝病貧乎。吾有經驗良方授汝。可療斯疾。讀書細研。方須真正益州者。飲酒以醇爲度。三味等分。共和蜜爲丸。不拘時候服之。立效。

與破壑上人

釋成葵 旭臣

古人初心向道。後來尙自不覺染習名利。今人初心卽向名利。後來染習。不知何地止也。上人道未著名。將成噫。可不慎也。

與鄭長樂

程鑑

來教字字醍醐。喚人醉夢。等待二字。埋沒多少豪傑。弟病中靜坐。觀空頗有所會。比與家弟不負耳。提得獲寸進。宦途互勉。絕勝燈窗共規也。仁兄廉俸幾何。這辱分貶。鮑子知我不敢例辭。感刻感刻。

### 東王康宇

張 贛

江南北會不容刀。未獲溯游以慰伊人之想。這辱芳訊。重以豐儀。弟何緣獲此于台臺。而殷摯乃爾耶。台臺勞著漕輪。功高軍國。異數洊膺。內涉非遠。弟三載勞薪經秋。善病季鷹。尊美元亮。菊荒急請。初衣未遂也。今天下一切責成。監司江淮間。鞅掌倍苦。台臺惠念。迷津何以登之彼岸哉。

### 復拙工師

釋成葵 旭臣

鸞鼠飽腹。鶴鷄一枝。此古人以寓知分之言也。然飽腹不可不登。大河一枝不可不登。大樹守一枝不知有大樹。飽一腹不知有大河。此僅小知自滿。非謂知分也。倘謂不然。再書示我。

復友

朱 啟衡山

學者經史文章。專心一路。便易于拾青紫。成名家。雜藝分心。深以爲戒。不肯如僕。攻舉子業。而于琴書繪篆。俱一管窺。然究無一可名。猶所謂舍己田芸人田。常爲人役。不能役人。至。今。想。鮑。參。軍。崔。肅。文。山。陸。平。原。龍。翔。學。海。未。免。惡。顏。有。志。學。人。幸。懲。僕。之。雜。營。守。君。家。之。專。藝。此。弟。吐。露。肝。膈。至。語。也。敢。私。佈。之。

寄張履安

詹 英子榮

都會之區。有天廡焉。凡備驅策之用者。無不思昂首長鳴。一當孫陽拂拭之賞。况親翁以騏驥雄姿。何難振鬣騰驤耶。乃天不急。以福報君子。致令孫山之外。尙躡名才。時讀晝就蛾眉。出嫁遲之句。徒增浩歎。冬烘之誚。弟實不能爲司衡者解也。寸函修慰。幸一意揣摩。中祕奇書。終留一席。以俟搜討。萬無挫此朝氣。徒學元亮先生。作歸去來詞。蕭然而返。是誠弟所禱切者耳。

與門人詹柱臣

徐 銓 爾崖

公車北上。既有定期。此時治裝。匆迫。何煩注念。這將耶。附使璧還。留爲長安客舍。往還交際之需。或一助也。不佞素性。真樸。親朋相與。原在尋常。勢利之外。况屬通家。何嫌何疑。而過爲辨白耶。惟事秋風。努力一發。飲羽則遙。聆泥金所賦。多多矣。

### 與家倩詹柱臣

張國泰履安

僕浪遊神都。頗作凌雲之想。而羽翰未豐。乃爲北溟魚所笑。咄咄怪事。奈何所遭之不偶也。淹留旅次。南望興悲。切意者惟足下。虎闌一捷。慰我寂寞耳。昨閱邸抄。知九方臯神鑒。多在皮相之外。青雲偉業。從茲始矣。門楣之光。不幾令樂彥輔心醉耶。但少年獲雋。謙恭二字。更宜十倍乎。昔不比做窮措大。時可以落拓自如也。想足下定能檢點。不致河漢斯言耳。

### 與弟姪

鄭日奎次公

爲蠶養桑。非爲桑也。以桑飯蠶。非爲蠶也。逮蠶吐繭而絲成。不特無桑。蠶亦亡。

矣。取其精。棄其粗。取其神。去其形。所謂羅萬卷于胸中而不留一字者乎。

寄王安節

曹溶歌岳

匆匆惜別。未盡傾倒之懷。相望江山間。合併自有日也。披示新編。僭用丹墨。吳體輕豔。常爲海內所不取。有心者欲以純質救之。可謂經營獨苦。循此而上。視到古人不難。特不可闕入長慶法中。使巨棟傷于小斲耳。

示婿鄭冠五

林雲銘晉仲

人動言自少至老。苦樂得喪。只算得一部梨園。自不佞看來。此語又不可囫圇說過。蓋戲場中生旦丑末淨。明明是假。却要真做。如上場打起鑼鼓。扮蘇秦的。定唱不得伯喈。扮西廂的。定唱不得水滸。都要從頭到尾。還他一部關目。若單說是個假。既扮這一本。又去唱那一本。却又不成戲也。吾輩立身行己。件件認真。但能于苦樂得喪。關頭曉得是戲場中。悲歡離合。便占了許多便宜去矣。此亦須到鑼鼓收歇時。方能打算也。

答潘雲赤

沈謙去幹

士以博學爲飽。蜚聲爲溫。豐此畜彼。天所衡量。既富于德。焉辭飢凍乎。忘累世之清華。戀一朝之赫奕。想知者必不以彼易此。

賸金賞貝類

簡袁籜菴

杜濬于皇

人之文章。務工巧。天之文章。貴章法。工巧無當。猶冬葛夏裘。章法之妙。時至事起。理數極。而作者不得已。乃造絕境焉。古今有落花以待先生。古今有先生之才。情以觀落花。而又必于落花無賴之時。于先生閱歷之年。此其詩之妙。所以非從來工巧者。可及固天之章法爲之也。

答杜于皇

袁于令 命照

僕不能爲鞏悅之詞。禿筆不花也。漢陽歸途。偶咏落花。拈三十平韻。君獨以章法見賞。亦以罕徐庾之鮮麗耶。

與陸蓋思

釋道白雪厂

捧讀來作。有長吉之誕。而意過之。肌膚冰雪。自非塵埃中物。更能刊落。蓋花自見。察香觸鼻。弟謹遵佳句。立五問。足下能于身裏出門。卽此數詩。便足美流方外也。

與陳仲醇

董其昌 玄宰

雲友畫冊。得仁丈表章。非俠腸男子。何能使閨閣中物。有身後名。不佞雖不見其一面。亦有荒田野草之感。漫題數語。弁之。願何當損諸佳惠。過爲鄭重也。

與李懷站

潘兆珪 儼思

大集久供案頭。每一披閱。未有不爲之叫絕者。此真千古快書。天生異人筆墨。

其手腕心肝。當不知作何狀。擬再留數日。恐其爲龍爲螭。作妖作祟。且奈何。敬什襲以還之。然心折于兄翁也。至矣。

### 寄汪然明

劉同升

湖上風光。日勞夢想。別來三年。每憶舟航。香茗備諸佳趣。仁兄徵歌選妓。使蘇白遺風。不致落寞。旅人至者。得盡遊興。湖上何可使韵人無主。花鳥寂寂。耶仁兄真西子湖上一功臣耳。

### 與繆霜崖

張 壟石

名賢畢集。昨會不減西園。鴻章見投。駸駸駕仲宣公幹之上。諷誦再三。與飽德醉心者同感矣。尙容倚和。先此聲謝。

### 與諸君簡

江思令子九

豐樂二諸曦庵之法。與可君簡之法。大癡俱落筆。俱妙。豈以其人妙。故筆妙。耶。

與朱子玄

陳子龍鼠子

承惠大著。時一披覽。心氣開朗。掩江爍鮑。何多讓焉。至讀荀令神傷之語。遂覺西陵松柏颯颯欲動。不勝阮生無端之悲矣。台駕何日至峰泖間。出爲平原留也。

與顧碩甫

李漁笠翁

硯無美惡。發墨者佳。所貴乎端溪者。以其能受墨也。若徒有端溪之名。而無發墨之實。是西子而石女。潘安而寺人矣。名號雖美。將安用之。弟筆耕爲業。擬搆佳硯。代南畝頃得石田。而不可耕。是真石田矣。煩易佳者。果有實際。卽不必端溪。亦可價之低昂。自可勿論。弟雖無白鏹。猶有青編。持書易硯。猶之抱布貿絲。非以無用易有用也。卽令發來。當出藏烟以待試。

與潘尹交

汪光被幼闇

小窗桂發。微聞薺澤。乃荷惠我瑤音。烹茗讀之。香氣復從卷中出也。何快如之。

### 與馬含英

柴爲樾天目

凡詩清者未必豔。豔者未必清。獨吾兄詩清而且豔。秋水出芙蓉。天然去瑣飾。可以方之。至于綱常名義之什。又多慷慨激烈之音。其天性然也。昔宋廣平鐵石肝腸作梅花賦。復自風流婉約。可槩吾兄之詩與品矣。

### 與陳簡侯

周亮工襟園

讀留青妙選。衆美畢陳。不啻饑歲之糧。渴時之飲。凡具波斯胡妙眼者。如入多羅寶藏。真足衣被無窮。承惠僕一轉盼間。不獨留于目。且留于心矣。敬謝。

### 答王本臯

杜濬于皇

士忌俗氣。不必言矣。有相因而近俗者。曰能。曰忙。有相反而近俗者。曰禪。相因而近者。反不過率。真相反而近者。更多一作假。老夫是以終日閉戶畏此。

面目且防其入我夢也。此圖中何人乃獨得此面目。率真而不忙。不能不作假。而若詩若禪。正老夫所願從游者。決不紙上錯過。

過友人齋頭觀詩畫

丁 灤素函

昨信步詣高齋。見綠池春晚。遊魚呷波。令人作濠濮間想。復取泉烹茗。出梅花詩十七首。并所畫蟲鳥山水冊各數頁。筆法蒼老。不落時蹊。詩則林處士蟲鳥則沈青門。邊景昭。山水則董北苑。趙文成。披圖縱觀。何恨古今人。不相及。昔人謂王摩詰詩中有畫。畫中有詩。此語非虛。惠子知我。又不僅如裴迪之過。輞川也。

東繆霜崖

張遂辰 卿子

昔楊升菴冷然蕭寺。有千樹梅花。作上元之句。眉公賞其別有致。昨風雨聲中。懽然談對。覺九衢燈火。終屬俗韻。然總之妙等。一時遁跡。共生涯耳。詩中無限。宛委出之自然。悽感之情。隱約言外。洵高長慶風調。一唱三嘆。而有餘情矣。不

敢不裁謝。若言追和。寧免自愧乎。

### 寄周櫟園先生

宗元鼎梅岑

禪菴侍坐。俄頃一歲矣。秋風匏落。又屬空咏昇平。命也如何。懸思政府之餘。必有慰江南落第詩矣。烏衣一椽已復賣去。近者退樓東原。每遇貧愁之極。唯日與賴古堂詩相爲晨夕。此中霜月乞酒歌尤所深嗜也。

### 與沈去矜

林子由小眉

吾道陸沉。賴有文心不死。既可自怡。兼堪持贈。然壽陵學步。婢作夫人。未免見譏。大雅兄翁。拘綺麗之妍姿。振琳瑯之逸響。上遡古人。下開來秀。玳瑁裝書。才同逸少。珊瑚架筆。學勝徐陵。弟生平不妄許人。亦不肯浪作諛詞。文推際叔。詩讓去矜。不得不五體投地也。雲華館一帙。字甘句豔。奪人魂識。醉酣耳熱。每歌一闋。何異逢漢臯神女。新詩俱欲錄爲枕秘。弟歸當盡傳毛穎耳。

### 東友

龔鼎孳芝麓

別後止得詩五首。便爲酒人促去。盡情一醉。此刻尙雲霧中也。前債未完。悉成壓欠。誦佳篇。與寄蒼筵。格力壯老。江聲秋色。並極孤清。願作珊瑚。爲徐陵閣筆。不獨焚君苗之硯矣。新亭一集。有淚有聲。烏衣諸郎。文詞亦不概見。不意今日遂見合併。雨花荒台。何減旗亭。壚畔也。

與丁飛濤

顧宸修 建

天下衣冠。想見貴郡同人風采。猶山川朝嶽海。鱗介宗龜龍矣。諸公奇姿異才。峻峙其間。浙水明珠。首映湖海。弟夢遊彌年。接塵今日。直若隴西李生。一識韓荆州也。經國大業。不朽盛事。非兄誰屬。四海人士。一經平子。題目自定。弟輩見景興子布。唯當氣盡耳。歸毗陵。卽與做同盟。開擇臭味。以奉旗鼓。唯大國用之。冀爾何敢。季坎書大選。望卽見教。忍饑十日。以待大宰。

與柴虎臣

關漢波 民

比得張仲嘉齊家寶要。冠婚喪祭之禮。繁簡曲當。兼集諸先正居家訓約。而緒

論詳明。頰使逆子咋舌。傲弟拊心。謹慎終之不愆。恐力行而未逮。其曲禮檀弓之鼓吹乎。讀者如餓十日而得大牢。味之不勝甘也。足下所著柴氏家訓。想亦類之。倘剴劂告成。幸惠以教我。申楮發函。定當北面。

### 與黃使君

沈謙去芬

倪瓚山水。並不畫人。或問之。瞠目大言曰。世上安得有人也。今足下之所染寫。盡屬粉黛裙笄。亦謂十四萬人。皆非男子耶。

### 與蔣水因

林嗣環鐵崖

僕出入于穢。是中門者。垂四年矣。猶未知有水因。異人在幕內也。古人纔看人籬柵。便曰。此中有人。弟真懵懵憤憤之士哉。二古詩一鬢耳。然雜刻之漢魏樂府。無辨何啻昌黎昌谷。合爲一身耶。快服快服。百花餅名已韻。甘苦有層次之語。又極佳。向喜做詩時。輒苦無好詩題。今拜兄言。留爲後什也。

### 與靈谷於南

孫治守台

聞有靈谷之請。不勝踴躍。濟上兒孫。遍江南北。比比皆是。要如師者。踏殺天下。龍駒非虛語也。靈谷爲舊京首剎。七星松。八功德水。尙在否。僕甚念之。

致王安節

方亨咸邵郵

斷句駕乎青藤。古體直追鮑謝。書法競爽北海。捧誦之如啖哀梨。把翫之如觀雲錦。惜爲障間物。敢同壓地花。一視耶。拙筆謬承獎許。媿何敢當。若得長誦。可榮沒世矣。

與潘尹交

鄧錫璿廷珩

不相見者又半月矣。正思良朋契闊。欲走山館一圖把臂。忽爾飛賜新詞。一展便已光華奪目。陽春白雪。自應絕調。自慚無周郎之識。敢有顧誤之事。哉容細讀奉趙。

復表姪茅于純

金世濂鼓棊

別後知靜攝白華。夜續青藜。轉瞬丹桂飄香。元燈炳耀。爲足下稱賀。何快如之。當事首拔。已爲第一人預兆。至大章瓌璋宏通。卓犖不羣。洵文壇穀滿之技。健翻鵬飛。又奚煩著卜也。

### 復施愚山少參

王弘撰山史

讀佳稿。氣恬而詞潔。儼然有道之度。此大雅之宗也。河南侯氏之文。非不備縱橫變化之致。然米氏作字。祇知險絕爲功。而趨趨自雄。去鍾王態遠矣。古人有作以後世誰相質定爲嘆。弟不揣妄有損益。知先生必有取爾。此中語不堪爲外人道也。

### 東兄岷左

朱佳瑋璧人

慨聲調數變。見賞者爲白雪。見斥者爲巴人而已。今所傳白雪何等也。恐兄與弟秉燭揣摩之物。希世之響。不諧于耳歟。見金奏反走。聞古樂偃臥。調高絕唱。良可懼也。吾兄龍文劍氣。久射斗間。一躍延津。世以爲瑞。驟爾奏技。鋒自莫當。

可毋作調高絕唱耳。然否然否。

寄內

汪光被幼安

會心處初不在遠。澹園雖小有平池。修竹亦復蒼翠。可人如錦繡纂組。不盈尺幅。而文采爛然。

答吳右廉

洪景融爾蘇

讀所示武穆碑文。誠傑構也。傳其忠壯。則河嶽震搖。寫其憤哀。則風雲慘淡。勒之貞珉。固當與盧元輔胥山一銘頡頏千古矣。

答李笠翁

李式玉東琪

尊劇未脫稿。卽以屬僕。將以僕爲賞音耶。今吳伶誰不歌足下曲。又何俟僕之頌美哉。但當以玻璃盞。滿貯葡萄酒。聽雙鬟之發聲。無不擊節者矣。

寄友

黃湛須彌

近余舟過三衢。澄流蕩漾。見林橋三十里許。萬綠蒼蔭。轉憶初夏。花開霏微。香雪秋清。果熟磊落。金丸直是曠然。遠覽一往莫禦。世境中所少。試看六橋桃李。爭逞豔陽。卽西溪梅滿家。銜桂非不標仙韻。而靄天香。占虎林大勝場。若令與之魚技中原。還應避去三舍。

### 與張覺庵

李式玉東琪

足下所藏吳仲圭倪元鎮沈石田畫。及仇十洲上林卷子。皆希世之珍。于今鮮觀。然世人多愛仇畫。不知吳倪沈三公飄飄數筆。正不減于乘萬騎。惟僕能爲此語。惟足下能賞此語也。

### 與馬含英

喬楚子荆

承示諸體新什花魂鳥夢蝶語題愈難妙咏愈出愈奇。鑿混沌詩竅開法界眼光。靈奇變幻以幽雅出之。使後來者難爲步。湖山三十味無幽不表無奇不彰。湖山隱顯皆現矣。直可補白蘇所未備。宜急懸國門。使人人可臥遊也。

與柳靖公

馮 瑱 瑤 席

前造尊齋。曲房方沼。敞室幽窗。芍藥翻堦。薔薇媚架。素月伴我。孤影嬌烏。贈之好音。柳郎才分。過人舌耕。似爲羈絆。然藉此讀書論道。自覺胸懷開宕。此身雖是借境。而此心要非借境也。

謝唐令封惠鏡

詹廷棟 柱臣

紫水之錫。可以爲鑑。然非秦漢舊物。則質濁而光茫。以其猶有火候也。所惠雖未逼古。而清光燦燦。朗如霽月。能使人心性胥澄。不獨鬚眉盡露也。

與詹柱臣

程 錦 彥 生

下榻高齋。頓消十年契闊。更得領略珠璣。真如鷄羣。孤鶴別具。矯矯出塵之表。廟堂雅望。拭目俟之。俚言十絕。奉和范撫憲原唱也。大約野人頌政之意。故不羞見者捧腹耳。錄呈郵政。望不吝點鉄爲祝。

答王安節鑄壬子紀年章

周亮工襟園

如此方妥。乃知天下事不妥。必不能奇也。古尊宿不爲明日事。僕乃爲隔歲圖章。尙不知壬子歲有此壬子人否。一笑復一嘆也。師留作已見之。自是好手。大抵胸中有書卷氣。奏刀自無俗氣耳。

答王安節

宋 琬荔裳

午日之集。差足滌秦淮簫鼓之俗。僕正欲寫此意于詩。而大作先得驪珠。不覺爲之閣筆。扇頭繪事。佳篇妙楷。可稱三絕。歸裝有此。勝載明珠一斛。但恐蛟龍見奪。不能無戒心耳。

與王安節

倪 燦闇公

昨在燈市。買得二碑刻。一爲歐陽詢昭仁寺碑。一爲易州鐵像頌。乃唐蘇靈芝書。靈芝在唐不甚著名。而字甚壯偉。有顏李遺法。乃知唐人卽不善書者。其字

向勝于後世以書名者也。

寄王望如

張所抱再聞

重梓五才子書。大快我心。武夫學淺。畏讀深義之文。而鑑簡諸書。又苦多難字。惟五才子書。能讀而莫辯。是非優劣。蘇老泉史論。謂不可以文曉。而可以意達。有四曰隱而章。直而寬。簡而明。微而切。乃發前人所未發之論。今台臺之批水滸。諸人深惜其有才。技不用于朝。而用于野。使岩穴懷才抱技者。見之不勝拊心扼腕也。某雖未泥首堦墀。執鞭左右。然日讀手評之書。風雨無間。豈非日夕望見顏色乎。

答友人求改壽文

林雲銘 西仲

文章本樂事。一涉應酬。便落苦海。僕之文成矣。又以字數無多。買葦求益。不思文以氣爲主。一篇中或多至數千言。少僅三四十言。氣則一也。譬人之一身。有長爲防風氏者。有短爲僂僂氏者。其耳目口鼻手足。靡不長短相稱。若合數十。

僬。僥。之。體。作。一。防。風。氏。豈。復。成。得。人。身。乎。文。之。湊。泊。補。綴。何。以。異。是。幸。諒。之。

### 答黃素心

沈謙去拜

反側十年。佳人難得。珊珊自西方來者。是耶非耶。但問之不言。招之不下。反恨。虎頭不井以棘針見遺。

### 乞假類

#### 東繆霜崖

宋琬荔裳

茗。椀。花。香。奇。書。業。几。聆。樂。廣。之。清。言。觀。虎。頭。之。妙。筆。夜。來。之。集。樂。過。西。園。矣。宿。醒。纔。解。正。擬。賦。數。言。請。正。不。謂。瓊。玖。先。投。小。巫。奪。氣。飲。食。教。誨。何。以。得。此。于。長。者。哉。昨。見。上。林。赤。壁。二。圖。可。稱。神。品。惜。乎。向。晦。未。得。暢。觀。乞。再。賜。一。展。並。苑。崗。齋。帖。同。璧。鄴。笥。也。暫。此。謝。教。主。臣。主。臣。

#### 答陳簡侯

潘兆珪儼思

弟于天下事物。性不喜留。而筆墨尤甚。間一揮毫。卽隨手棄去。屢見索。將何以塞責耶。贈答數函。皆在此旬日內者。尙不落烟灰一劫。祇堪爲北窗齒冷也。幸進而教之。

與胡循蜚先生

陸進蓋思

先生紀遊一集。大似柳子厚。愈短愈妙。愈出愈奇。原是天地間不可少之書。諸公以僕與先生善。來索如負逋。殊以爲苦。勢不得不轉索之。先生而先生。又以紙貴爲苦。先生之失計。不在今日。而在當時。當時不紀遊。不刻集。不交進。安得有此。

別吳瑤如太守

丁濼素函

北樓高宴。不減龍山。某與飛濤家兄各成拙句奉教。得污韓陵片石于此樓中。亦千秋佳事也。某卽束裝行矣。希撥一葉小舟渡維揚。觀隋堤柳色。未知猶有當時錦帆歌吹否。

與當事支俸

張建績 樞侯

經年寒暑。入口累人。惟竚薄糈。以給薪水。專望查給俸一。朝梁肉踏破菜園。家人歡然相對感當何如。

上宋荔裳廉憲

李穎 考叔

穎向事咕嗶。意不識推敲爲何物。蒙先生交切忘形。遠招至幕。深幸樽櫟。生匠石之園。騫駘長孫陽之廐矣。隨承昕夕耳提。稍知平仄。積詠成卷。圖災棗梨。但不獲郢人運斤。薰蕕終難自別。殆青蓮所謂龍蟠鳳逸之士。皆願收名定價于君侯者也。魚目靈蛇。幸賜片言。以光前頁。

與貢若

章玉琳 羣如

日來中書君。門下殊無給事者。供不穀指揮。大不便。聞足下蓄此甚夥。幸假數輩。毋令違索之。江淹夢中異時。當書毛穎傳以報。

與康侯俞甥

來道程式如

歲初曾諾我元白集。不意別後竟成子虛。邇來心閒目敏。做篋經閱之書。如武陸源不堪再訪。此集思之若渴。夢言百里。雖未目接。縹緗而拂拂。書香已先通鼻觀矣。

與姚亮公

胡廷麟子振

前過尊齋。見葡萄磊磊。架幾傾矣。弟性素喜啖之。諒足下杯飲未弘。千斛酒似不藉此釀之也。幸多寡貽我。勿致如好李之鑽核何如。

與趙雛客

毛先舒稚黃

過寓相訪。聞駕已歸禹航矣。求徑山一扎。竟不得也。太白一生好入名山遊。僕亦小有此癖。松源梅林微足下。恐遂無所問津。且求竿牘以爲山靈之導。此事似差不俗。足下當必許我。

與王安節宓草兩昆季

陳 枚簡侯

二兄筆底烟雲。爲朝爲暮。胸中丘壑。或淡或濃。三寸枯毫。何乃作幻如是。弟嚮慕久之。而未敢請。恐梁翰亭勞勞未暇也。今日諒少閒。特上數箋。求一潑墨。幸加意點染。庶寶君翰墨。不與山俱高。水俱深乎。

與繆霜崖

錢朝彥殷求

大書不能辱尊命。不敢辭。但金牋之墨。須極黑始亮。弟所用不黑而白。絕無其實。談之發笑。年兄定有佳者。乞命使磨汁。半山鱗見付。

與胡仲衍

陳 渠扶搖

僕案頭中書。君老而禿。彼一謝事。我亦袖手。其如楮先生無侶。何丈夫有志四方。長鎗大劍。似爲所尙。何藉此三寸管。爲惟窮愁無事。閉戶著書。又難學虎頭。筆竟投而不用也。昨過書幃。見管城子林立。乞分惠一二。幸毋曰昨夜作生花。

夢江郎祇可自怡悅耳。

與陳簡侯

潘張仲尹交

詩非弟所長也。而友人日索我于枯魚之肆。因想曾子固當時何以過活。恨不能向此翁詢其良法。適有數牋已倩他友捉刀。而有詩復無篆矣。貧兒拮据如此。奈何頑石一方。欲求鐵筆。使弟得集衆腋爲裘。亦拙人應有之。癡福也。勿吝。

與朱木民

黃大呂 雋石

元宵燈火竟以一天大雪抵之。別有風致。而士女反傳爲恨事。可笑也。弟行期在即矣。向有圖章一面。原係經年不結之案。臨行求結理。尤爲切當。勿以觸寒捉筆。責我不情。幸甚。

與龍井一泓上人

姚宗亮 亮公

蒙齋斑竹。但慮根太少。不易得活。且皆幹老葉衰。無青翠之色。若得活。便等龍

孫時亦可。只恐不久。作衣桁耳。得雨後更賜數竿爲妙。

東友

李枝藻伯舍

滄桑後。不獲目接瑤章。此中久爲雲霧障矣。仁兄三年蘊抱。昨戰方舒。落筆自搖五岳。渴慕之懷。不親灸佳篇。思何已也。而赤鳳凰亦肯飛鳴過我乎。特囑中書君以爲求文使。

與繆湘芷

宋 琬荔裳

溽暑困人。行坐俱苦。公如白雪。亟欲一近。而不可得。俗已甚矣。鄴架唐類函。乞借一閱。卽當珍璧。

與友

釋成葵 旭臣

日臨大壑。輒憶秋水。一篇啓檢。塵籍昔未之藏。君家牙籤中。應不乏此。望付山童攜來。與君拂蠹。

與黃次辰表兄

胡宗鐸天爲

春將老。案頭無好花。瑤草破我寂寥。曾不如夾蝶遊蜂。日在香中度世矣。倘花神有知。亦調此生不韻。特遣蒼頭向名園乞一枝。以療俗并以解嘲。

復馮子京

陳枚簡侯

昨聞起舞聲。頃成几上俎矣。夾之筋中。殊覺片片欲啼。何不留其餘生。送之雲棲道上。縱不能應接小窗。安知不默祐其學益進也。

與同學

李陳筠雨翰

鹽官陸宗老擬建一育嬰堂。以收遺棄嬰兒。但此舉非一人力。敢乞大手筆。作一疏。以開衆緣。能捨文字。亦是功德。勿吝勿吝。

復曹顧菴太史

李漁笠翁

客中贖客。前此未聞。老先生破例行之。亦是一篇開創文字。卻之非止不恭。且失作者命意所在。受之可也。尺牘新稿。立候見頌。稍緩則不及候。若俟郵筒緘寄。必落洪喬之手。操弧者不得藉光。反爲波臣。所有則奈何。

### 寄孫沂水夫子

潘兆珪 儼思

過辱高情。釜甑間從茲有起色矣。謝謝。日來間居旅次。卷帙一空。腹餒猶屬易醫。目餒最爲難療。思夫子擁書萬卷。退舍卽歌嘯。其中宰官具。此福緣更爲不易。其能使饑虛之子飽飫數瓣否也。

### 與友

李 穎 考叔

銀鹿投翰。知兄近遭陳厄。有瓢飲而無簞食。恐顏子亦不免慍見也。脫粟數斗。聊供一飧。毋謂不及五秉。友誼秋雲。標使者出諸大門之外。

### 與潘酉黃

章玉琳 羣如

前過元亭。見窗下幽蘭。疊疊如畝。便思坐臥其間。作十日平原飲。惜多事縈懷。忽然別去。十日之興。以片刻消之。殊覺我心未降也。今欲分惠一二莖。以飽香澤。君能慨然貽贈否。不然。僕當使鸚鵡奏聲。令窗下羣芳一時俱歇。毋謂章子大妬也。

與謝文侯

湯 鈺 磷 不

涇紙一幅。乞爲鍾進士寫生。向五日懸供耳。雖無鬼可嚇。無邪可驅。聊以從俗而已。幸卽濡毫。得昂然勇猛之概。爲妙。遲則不及裝潢。端午蝦蟆。端午用矣。一笑。

與繆次典

陳 枚 簡 侯

春和矣。握手之歡。杳不可得。何潛修之至也。昨見鄴架。有經書論題一帙。久爲枕秘。弟方遵新令。無從問津。吾兄夙有共賞之雅。不識肯卽授我。俾窺全豹否。倘蒙慨俞。弟當并日拈出。雖勒限索還。止有戴德誓無怨心也。可否惟命。

與友

李枝藻伯含

僕性喜務農。但顏子雖貧。尚有郊外數畝。足給一簞。我所種者。心田也。雨露勿加。日月勿照。土壤勿肥。是以秋成不易。吾兄處。飲蜡息物。慶有年矣。分雁鶩之餘。足活寒廬數口。俟我口田熟時。載簞車以償。冀無學監河侯。汲西江水以救涸。餽幸甚。

與楊又生

汪之琦奇玉

承惠佳釀。有今朝有酒。今朝醉。明日愁。來明日愁之語。奈今已瓶罄矣。因思今朝不醉。今朝便愁。明日有愁。何妨再醉。不卜仁兄何以解我。

復朱建三

李漁笠翁

閔茶佳絕。自用贈人。無所不可。弟欲賞彼數觔。俟歸來償值。但恐主人籌事太熟。不肯以兩腋清風。易我滿船明月。則奈何求緩頰之。

與詹柱臣

馮之圻子京

秋菊。霏。香。不。知。元。亮。籬。邊。布。幾。萬。黃。金。甲。矣。弟。素。切。彭。澤。之。好。倘。不。吝。名。株。惠。我。數。本。俾。弟。夕。餐。落。英。吸。幽。人。之。佳。味。增。重。几。席。多。多。矣。

與陳簡侯

潘張仲尹交

伍。祠。握。手。殊。恨。倉。皇。然。飲。周。郎。醇。迄。今。猶。覺。醉。心。也。嚮。聞。椽。筆。無。不。入。妙。至。隸。書。尤。屬。上。乘。敢。以。片。牋。求。賜。數。字。床。下。捉。刀。更。見。英。雄。本。色。得。卽。臨。池。勿。以。代。作。嫁。衣。爲。嫌。則。幸。甚。矣。

與友

李定昂若干

年。與。意。馳。窮。廬。悲。嘆。思。欲。尋。一。僻。境。種。竹。栽。花。竊。附。灌。園。之。末。菜。根。從。此。定。牛。馬。任。他。呼。想。老。農。亦。不。我。忌。也。望。指。桑。間。隙。武。以。代。力。田。

與柴以忱

陸敏樹蕙庵

陳太丘將車持杖。便是二方不覩此風久矣。有客顧我。須持刺報謁。兒子不任。使令從君。乞一僮君畜之。我使之彼。蒼事事困僕。獨此段俾陸生落便宜矣。

### 答沈去矜

徐士俊野居

湖上春來。始拜隔年書信。知道兄愛弟甚篤。投以新詞二闋。讀之婉轉纏綿。不使人復作秦周想矣。但所贈慶春宮一箋。實未曾領。不知寄自何方。殷洪喬石頭城下。浮沈後得。竟達空函之報。弟雖不欲作茲妄語。然使弟思同饑渴。爲之奈何。幸有以慰之。郭伯翼先生詞譜。得巨手增輯成書。此大快事。若有可流傳處。當不靳推轂也。

### 寄汪然明

祁彪佳虎子

每念盈盈衣帶。而睽違晤言。動經隔歲。豈山水妒人。亦病疴相尋。自爲間闊耳。年來小築如拳之山。略效蕘裘。而洗石濬泉。栽荷種柳。便覺僕僕多事。然雖小致。亦不可使山靈夢夢。且辱遊覽諸賢。輒有篇什。遂于一泓一楹之間。少加題

品謬輯爲寓山志。成則當持以求名筆作元晏。敢預訂之。

與陸業師索筆

繆樹訓次典

硯田荒矣。豈盡塗鴉無績筆陣雄乎。尙屬雕龍有待。特解奚口之值。相求脫穎之資。小子有造。得邀惠乎。中書君夫子情深。當再上夫毛穎傳。正所謂管城有種。不愁捉筆無刀也。

致張次先

丁 彭飛騰

客冬握別。荏苒經時。自星旆榮行。旅懷寥寂。靡日不深瞻戀之私。遙企年翁披繡衣而開絳帳。中州士習儀型天下。不特譽髦欣就提撕。抑亦遐邇傾心風教。宸綸特召。槐棘崇躋。自當與孟津大司馬。媲美以贊休明矣。弟匏落十年。幸博一第。而補選尙羈炊桂食玉。長安風月。徒供供臣僕之煩。河洛文章。莫發屋烏之夢。瞻邇雖殷。無由假翼。茲以瑣事仰瀆台聰。在疇昔之誼。有加斯豚蹄之祝。無厭伏乞。慨俞俾得沾旅次日。給銘戴曷有旣耶。

與丁飛濤

余懷簾心

遠接手翰。申紙神歡。天上故人。不遺仄陋。果何修得此。不孝自遭大故。裹足屋廬。貧與懶合。不惟無遠遊之興。卽雨花天。厥之間亦未嘗蹶一屐也。又以數畝薄田。連年水旱。半粒無收。終日經營珠桂。以慰啼號。瀾橋風雪。驢背梅花。遂忽忽如隔世事矣。知己如先生。又遠限南北。不能攬袖捧袂。一吐胸懷。人生不得意事。十常八九。豈不信耶。頃家居。偶有詩人定論之刻。已鳩工繕稿。凡金昆令阮之作。望輯錄緘寄。以爲一集之冠。何如。

寄蔡九霞

錢璜右玉

久慕清微。冀得會晤。正欲暢聆大教。殊慰鄧林瓊樹之思。奈離旌迅發。倏忽言旋。徒令人心。中悵咽。不覺萬木俱髡。四山減色。又是一番冬景。想先生處風落吳江冷。正此時也。前項木公時藝數首。懇求批校。就如東市娼。求青樓價。微傳粉澤。欲工顰笑。得妙手一加粧飾。便一斛明珠。買不去矣。彼虛懷之士。幸附來

以慰錢渴。

東陳太士

朱世濬且巵

炎夏家居。已屬悶事。况當軒無泉石。四壁盡圍垣。卽有清風。亦無從來薰蒸如醉。更半步不能出門。鬱極之際。偶憶友人惠一素箋。乞書西園雅集記。示我倚窗拂之。卽可當松風竹露也。

與丁飛濤

尤侗展成

役旋獲捧台函。曠若復面。諷咏大刻。含吐漢魏。出入三唐。鈞天廣樂。奇偉之觀。使人洞心駭目。兄于此時。自當獨步長安。尤恨不得紅藥寸地。爲兄簪花視草。耳。茲弟有雜俎一書。雕蟲少作雞肋棄餘。偶做門人徐公肅攜歸。付梓。欲乞如椽一爲玄晏。想兄不惜齒牙。

與錢介社

丁澎飛濤

苦塊餘生。忽罹大難。文章之禍烈矣。棘牆蹇折。中夜捫心。生爲絕塞之魂。歿作沙場之骨。人生至此。豈忍言耶。兄翁向屬屢世通門。必重念此寃慘。投荒萬里。心膽俱裂。轉盼春王。脂車戒路。永從此訣矣。回首故鄉。寸腸如割。老母孤兒。尙依舊里。吾兄他日錦旋。時垂眷撫。弟雖死之日。猶生之年也。

### 與友索紙

繆樹訓次典

文成刺鳳。徒嗟鸞簡之。虧字號雕龍。還恨魚書之。絕欲易河南片楮。不惜杖頭數文。匪云價奪縹緗。定爾珍同瓊玖。君子當爲寶劍之贈。騷人聊作染翰之需。

### 與柴浣修

陸敏樹蕙瞻

素不事修飾。而拜親之日。人謂須華。從足下借一袍。併襯袍之服。幸卽畀我。明晨須此也。嘗思敝之無憾。語何等慷慨。而敝者亦大。不情足下固無憾者也。僕亦服之無敝。

### 復丁飛濤

陸圻麗京

潦倒秦淮。每有停雲落月之感。讀來函。纏綿情緒。如近芳華。張敏夢中。何能迷路。獨委徵易文。則南國衣冠。秣陵車馬。絕無一人。知河洛之學者。豈籬桶還賣漿老人。還須入成都。問玉壘耶。弟近作倉卒所成。疾行無善步。惟芟改使不遺笑四方。然第五作尙少。或同人佳篇多者。更分一二。以壯聲形。亦買菜求益也。

與宋荔裳

丁 彭飛鱗

龍山竭石。孤竹故墟。年翁定多雲章。爲山川增勝也。謫下如弟。遭遇屯。行且投畀窮荒。羈身絕域。遙望知己。雲霄悵焉。永隔不止。黃公酒壚之慕也。明春便當東發。道出廬龍。近瞻檠戟。未審得拜台顏。一賦河梁否也。茲啓吳君文兄。向以投筆爲藩。署勳伐。今謝事高蹈。卜居永平。自甘閒退。其識量過人。得年翁爲表其廬。賜之扁額。以光閭里。俾東陵故侯。得安耕鑿。不至爲亭長所訶。此是亦德政中佳話也。

與曹石臣

方 域青崖

四夢詞意清妙。固非兒女子所能得其意味者。老夫正欲留此。乃更有賞心人。因亟索得之。以璧二小女屬意。再求擇一二種。賜覽爲快。秋林如醉。黃花滿砌。有心人能負此好光景乎。若能與偕遊。老夫興復不淺。

### 與友

李穎考叔

今歲倉箱致祝。人樂有年。唯我硯田。偏遭舞魃。酒轍微鱗。立就枯魚肆矣。倘兄不吝。冉子之釜。弟敢惜陶令之腰乎。百指嗷嗷。相需舉火。專俾走盪南畝。萬勿應以西江。

### 與陸賢考乞柳

許昌麟星彩

夜來明月欺人。入我床頭。欲藉柳陰。驅之足下。幸毋以染衣祕九烈。君使彭澤。擅佳名也。

### 與徐武令

閻鉉爾爲

弟北鄙樗質。渥蒙不棄。教以文字之益。何其愛且至也。披戴清風。喝擻迷性。此段訓澤。直沒齒增感矣。易說一書。未必恰當。然却弟數年工力。集成翹望士安。鴻文以顏其首。何啻華袞之錫耶。病足未能。籃輿面別。客簾中拾得古法帖一冊。敬奉玉案。數百年來。重加品題。今更幸有袁昂乎。

與同學

曹復祖石臣

木上人一葉西來。起視瓶鉢中。俱生苔蘚。着破衲。如閒雲野鶴。聆其旨言。絕不似目前禪和子。裝點肉菩薩狀。一味托之空寂。吾儕日談三乘。安忍寶山空回。涓流肯助。何須東海之波。寸壤能分。卽是南山之脈。

與蔣水因

李唐倬西

積雪未消。想謝屐定不當空過。抑僅作袁安高臥耶。張九老不能仰體。重望欲以襄陽賣字。概視右軍。然不敢唐突西施。託弟轉懇。弟初覽不覺訝然。既而思之三。杯草聖亦韻事也。頗不甚惡。如以爲可。乞將歐王兩體。各書一小箋付來。

未審高明不過督否。

柬沈元雪

諸長祚歌篇

從故紙得讀文章。從亂離得識經濟。鬚眉未接。魂夢先通。相去雖遙。念懷甚邇。緣或相逅。會自有期。湘浦征帆。寧與浮雲俱逝乎。故人有心。正不必就。長房問縮地也。二眉迢遞。聞鶴駕時往來其間。守雌之學。竊所願聞。笈中祿字。幸披而教我。

寄陳扶搖

龔在升開園

拙稿災木。重勞爲謝。唯冀多方說項。力爲遊揚。雖不敢望洛陽紙貴。亦庶藉寵光。得以不脛而走。則榮施無旣矣。弟媿非季布。專望兄作曹丘耳。

上顧西巘侍御

林鍾豪公箋

春初拜荷玉函。言提其耳。深感文義。知交情踰骨肉。某濫廁門牆。最爲譴劣。然

魯陽一注。猶期後勁。以仰副吾師屬望。盛心。外有遺懷。雜咏集。成卷帙。敢祈不  
容齒頰。餘芬序文弁首。以誌不忘。豈敢謂弟子能傳其師。然因師以傳。亦弟子  
之幸也。

寄王安節

潘 江蜀藁

徐克舊刊。乃羈旅。一時放言。未免元輕白俗。顧辱雅宗。嗜痂獎借。鄙人何修而  
臻此耶。庚辛前後稿散佚強半。今已排纂成集。知我如先生。不求一字之褒。弁  
冕拙刻。弟則無以自解矣。

寄陳扶搖

汪肇衍子嗣

別後不意家遭祝融之慘。令我悽然。長途又多掛念矣。拙稿搬出。聞梓人促費  
甚急。雖彼賴此支給。然弟舍如此之變。百無所存。未免擇其急者而圖之。自然  
無暇。及此乞道兄暫移數金與之。俟舍間大定之後。當即補償。必不累及也。

與兄雲從

潘張仲 尹交

行費京費百未辦一。鬚眉面目不俟風塵奔走而憔悴已過半矣。雨雪留人攢眉無益。床頭剩有醇酒。且與吾兄消之。聞十八日有吳門之役。弟爲吾兄先唱陽關。京中相識不可不爲弟先容。幸卽呵凍作書。少頃過我。卽以此當寒谷一吹。更快更快。

### 與潘蒼儀

王豸來古直

攜來新本而不見惠。豈以弟爲不知音乎。適從繩老處攘之矣。吾兄須另有以送繩老。此後長安客舍。淡月孤燈之下。含商嚙徵。緩歌長拍。皆道兄之情韻。益我也。

### 與友

鄧錫璿廷珩

情郵還魂二種。雖久存案頭。實未飽飲。唯于月夜孤燈私相吟咏。不忍卽趙。旣主人見索。暫寄外府。卽索覽也。

### 致茅于純

韓 葵元少

客中得相見。殊慰羈愁。而不獲時時過從。同心而離。居可勝兩地之思。耶。拙稿刷印未畢。先有一二冊尋已散去。俟取來即請正耳。評語乃敝座主總評。未得邀一字之褒。如有所失。近已寄歸吳門。倘別付梓。尚欲乞老年翁一二評語。以當華袞也。承屬佳紙。弟素拙書。捉筆甚爲羞澀。如何。

答顧修來吏部

王弘撰 山史

孤陋之人。兼以衰病日侵。自分丘壑老矣。乃逐時賢之隊。溷跡京華。不特夜慚枕衾。抑亦晝媿天日。而翰教遠來。遽以激昂相期。豈所望于先生乎。唯道阻且長。久疎音問。先生儼然衰經之中。而弟未能稍申鷄絮之儀。中心是疚。如何可言。誅辭見屬。不敢以幼賤辭。願以異日。

與王丹麓

馮昶世 東籬

比讀文津。如遇海市蜃樓。陸離光怪。駭目怵心。可稱觀止。聞二集又居上。儉腹之夫。思天廚珍饌。不勝朵頤。倘已成書。先祈飽我調饑者。

復了宗和尙求語錄序

曹鼎望 詹齋

擲起筆幹。必須徹頭徹尾。當下了了。落紙方無障礙。卒讀語錄一過。他還是他。我還是我。作箇圖語。不得作了。當語不得。此筆好難落也。俟面壁靜參。討得些子悟頭。方敢饒舌。止恐悟得及時。便向無言一路尋活計。舌又不肯饒也。上人以為何如。

東巖顛亭

朱佳瑋 璧人

秋時接讀琅函。極荷噓枯雅誼。社中白魚。方困豫且。而藉千里尺一。得以揚波振響。感何如也。闌中鼓刀。奏技頗多矜勝。而終以鉛刀。鮮割秋風。隕翻有負。知己矣。頃閱青齊多士。盡出歐陽。郎君鳳舉。縱出天池。既桃李之成蹊。又芝蘭之秀室。賀賀家姪。方菴計偕。盤桓濟上。徐子蘭臯。為吾社先鞭。聊附數行。以布悃謝。次兒在京。屢蒙青盼。歲試在即。抑翼之鳥。尙冀刷羽。而憐振之臨風。耿耿。

與門人王友陶

汪光被 幼安

僕無他嗜。只解讀書。遇目所未見必購。得之而後快。假閱于人。輒爲整飾以返之。亦一病也。頃見杜詩論文歸檢奚囊。竟不得名一錢。舊疾陡作矣。足下素愛僕。定能療此奇癖。祈遣阿堵速楮。先生過我。

索李雨鶴醫方

李式玉 東琪

俞跗之術。苦未研究。近聞方書已成。便寄惠教。葫蘆中鏡。經非秘。毋靳不示人也。

上陸璣書夫子

張國泰 履安

先人枕藉荒丘。忽更五稔。每當風雨。輒西望長悲。淒其欲絕。未知何日一安旅魄也。昨晤吳愚老。慨然以覓地爲己任。敢屈鳩杖。同入南山。諸麓按脈。求之當必有佳者。但某于此中。從未探討。必得夫子一爲印證。倘玉局可圖。則先人舍歿九原矣。夫子奚惜一履之勞。爲存殁生無量冥福耶。

答王望如

余 懷齋心

屢接手教。情辭諄切。得荷注存。足徵古道。前已聞報清華之選。正與老伯握手稱慶。已而寂然。方知別有其人也。不孝自遭大故。病苦相兼。中懷最惡。回思曩時登壇意氣。今獨以讓足下也。一貴一賤。交情乃見古人之言。詎不信耶。袁安高臥。豈非本懷。但臥以待斃。又勢有所不可。遊客又不可爲。足下雲霄火盡。何以處我計耶。不有出者。何以救處者念之念之。

### 東王敬哉

丁景鴻弋雲

某雕蟲末學。荷先生不棄菲葑。加以青睞。時開北海之樽。得與南皮之列。昔人御李攀嵇。不是過也。某獨何人。得邀月旦。家兄辱在門牆。稍展榆枋之翅。但某落魄歸里。三年膏火。四壁無依。趙壹之貧。望羊公爲之援手。聞禾中新。司李係扶風門下。敢懇不吝數行爲之。先容俾某以文章就正。絲綉平原。還圖結草。唯先生慨然爲禱。

### 與嚴穎亭

丁 澎飛簾

舍姪傳致台命。肝膈之語。死生以之。然沙漠。卽是泉臺。良會。知于何日。從今以往。多與鬼隣。身後之事。悉以相託。弟之諸兄弟。僅能自顧。我兄異姓。更勝同根。老母孤兒。卽兄之母。若子也。幸垂念及之。頻加盼睇。庶萬里孤蹤。得以潔然。長往。盡台庇也。

答張鑒遠同學

詹延棟 柱臣

晚香欲吐。蓉面垂紅。對此佳辰。知道兄丘壑林泉之樂。較塵俗遠矣。不意徵書遠惠。下及巴人。深恐佳篇滿前。非秋蟲微響。所能雜沓。鳳音也。然台命殷注。何敢藏拙。一編呈政。大似夢中嚶語。未免唐突。南極翁耳。惟郢削是望。

與唐儷京

張國泰 履安

別去道。值風雨。見雲氣。輭蜓。知有神物。困頓餘生。對之快絕。恍欲振而上之。愧不能也。敢乞虎頭妙筆。爲弟繪成一圖。四面陡壁。狂瀾縱橫。怒激。務有奇勢。佐以林樹蒼茫。從風蕩折。固不妨以多爲勝也。其上作濃淡飛翔之雲。隱躍間一

鱗而介者。騰躍高舉。當稍露頭角。以壯其夭矯之狀。如他位置。吾兄定有遠想。不煩疣贅也。但恐點睛後。復爾破紙飛去。使人心怖耳。

### 與李雲田

詹英子蔡

昨力疾過晤。蛺蝶從風。萬花深處。無由一望見顏色。聞徐孳風韻。近在西隣。何不攜老夫一筴耶。望之。

### 與慕鶴鳴

丁澎飛鱗

苦塊餘生。跟蹤赴逮。視息苟延。俯仰踟躕。每當輾轉之餘。輒憶老父母周全。患難情義。殷篤就道之後。再垂清問。抑何古道之敦切也。惜弟投畀窮荒。永遠棠蔭。不得隨扮榆父老。咏歌盛德。彌切疚心。然家間老母孤兒。仰荷霽蔭。不爲外侮所欺。庶流竄遺氓。得安耕鑿。萬里之外。頌戴亦未有極也。

### 與蔡天度索墨

蔣斌維賢

案頭有硯無墨。而揮洒之興頓覺索然。向聞足下有十二龍賓。如得其一。臨池時雲烟飛繞。斷不忘見錫人也。

寄母舅陸敬峰太史

詹廷棟 柱臣

杏煖春風。別開曉色。惟老母舅玉驄馳驟。領袖羣英。爲上林增麗也。及接京籙。果符所祝。而且中秘搜奇。承明視草。一旦作鳳皇池。上揮毫客矣。欣賀欣賀。某俟省文一給。卽擬治裝就道。北地主人。辱在涓陽。知不煩另作假館計耳。先此修候。統容九頓。尊前以聆掄元妙諦也。

與友

蔣 斌 維賢

苦無候門之童。欲乞一乳畜之。待風動荆扉。躍然而吠。不特破我寂寥。暴客亦當屏跡。受惠不淺。

寄羅杓受

陳衍 虞園公

十載聚星。弟類螢火。幸分耀東隣。得照紉組。愧無千鐻。奇文而粗。象亂絲。亦稱職。婦蕤榮已多。道翁白首辭壇。久推祭酒。楚國雖有呂申。穆生正喜如醴。吾道終窮。無是理也。近日霏屑。乞傾篋。賜教以救枵腹。弟墨汗雖枯。猶如老僧閉眼。尙不忘釵釧聲之在隔垣耳。

### 與王安節

張怡

深山索處。時時有一安節在胸臆間。而無如相見之疎。何也。白雲晴漢。黃花紅樹。獨無惠然之思乎。舍甥久慕鐵篆。欲以二小石奉懇。馳使四十里外。索介紹于弟。弟無以辭也。既屢勤清神。愧無以報。而復爲人作說客。面厚三寸矣。恃道兄愛我。當不拒我。

### 寄王農山侍御

王仕雲 荃如

選老因兩尊人缺膳。一子未婚。言旋之思甚切。但弟目下既不媿范萊蕪。選老又愛我深。留之以俟他日。雖曰花洲明月。梅嶺清風。爲高人所賞。然而苦矣。因

嘆古交道中。如子敬之于公瑾。指困相贈。傳爲美談。然此在困約時。爲難耳。若兩人俱富貴。雖歌鐘一肆。女樂二八。又奚足爲子敬多弟。生平謬負氣誼。敢以此言聞之。兄者料遐老意氣殊絕。而兄又今之古人。決不令其鼓吳市之篋。丐木蘭之飯也。

寄王過客

胥廷清 永公

名士做官。自與他人不同。然名士之氣。做秀才用着十分。做官用着三分。而况區區一令。自粵東至者。皆能悉王程鄉之政體。王程鄉之心。聞老兄近日學問大進。斂氣歸養。斂才歸德。全是第一人局面。胸中絕無名士氣。則不次之擢。在指日間矣。江東在都。竟謂無人中流砥柱。非王子而何。弟疏狂野性。囊山猿水臥石眠花。頗有萬里問奇之想。但老母在堂。不敢遠遊。今因從化令弟授業于已。專俾趨索。奉親教子之資。命過花封。泥首吉履。雖先生清俸無幾。或亦不爲小子作德色乎。呵呵。

寄王望如

汪家珍 叔向

伏讀論史異同。異哉李溫陵。鍾退谷。合爲一人。可作千百年眼。此實實一片婆心。爲世人說法。但作讀史觀。猶冤却盛心耳。往以南唐屬唐。今以劉宋續漢。均爲異代。忠沈。此可爲知者道。難爲俗人言也。使我有身後名。不如眼前得過。且過以悅。此有涯之生。向十字街頭。紅塵堆裏。作老婦舞柘枝。乞食乎歌姬之院。花開一紅。人生一世。如斯而已。復奚憾哉。但恐一旦風火相逼。臘月三十日到來。手忙脚亂。作虛生浪死漢。如何則可。幸高明爲我策之。興言及此。恨不插翅梅州。一上下其論也。

寄姚宥青國學

陳衍虞圃公

判袂以還。沈泥飛漢。位置懸殊。乃知鼓是麟。皮方可郊。天縱瓦缶。可扣。終是籬壁。間物耳。道翁以間世異才。橫臯比于人文淵藪。使盧次樞得挹河海。當不向申攷工。洒淚漣如矣。成均之俊髦。援例與拔擢。益多國子先生。行生四座。其樂陶陶。倘進學解成。希賜老人展讀。以當餅飴。何幸如之。弟黃髮倪齒。寄迹鷄窠。有時伸頸舒舌。聲如秋蛩之吟。金華殿中人聞之。度必狂叫反走。

東何仲久

徐菊知詹止

家人賦無衣。輒蒙惋嘆聲。况聞秋風歌。乎宜更交肘。念絺袍也。所懇數事。望卽檢發。令寒號虫。作有翼鳥。不功足下者。非夫矣。

辭謝類

與陳均溥太守吳雨蒼郡丞

潘兆珪儼思

橐損桃花之米。客沾公瑾之醇。餐德醉心。無以復過。謝謝渴欲細聆名箴。何敢敬辭雅召。但弟烹宰之緣。十年謝却。卽芳薌滿案。唯以二簋供觴。苟少累于刀砧。卽負芒於几席。况年兄現宰官身。而爲海濱說法。以慈眼視一切。知不煩弟之饒舌也。倘能鑒此微忱。蔬羹茗椀。自當奉塵。移日深佩君子之愛。如以世法相繩。特戕生命。弟則不敢接教於五馬之前矣。

與胡循蜚

陸進蓋思

昨承佳召。爲龍山之飲。丹楓連袂。紫菊飛觴。某雖非孟嘉。已奪參軍席矣。睇湖濱之遙波。弄沙際之明月。洞簫亮笛。颯颯中流。露英可餐。蒹葭堪采。清興至此。何異攜仙人九節杖。道遙玉女峰頭耶。

與潘賡唐

關 鍵 蕉 鹿

持鉢向人。不堪爲知己。道重心佳惠。益令人慙感無地矣。謹拜醇醪。春江蓬底。當醉明德咏高風也。

與繆霜崖

方大猷 歐餘

和章勦極。總之柴柵之胸。苦無佳句。何年兄見賞之過也。媿矣。媿矣。

謝吳左廷

汪 岳 岳 如

寒家禁屠已久。蒙頒文禽。欲不受。則必置此畜於死地。受之。則無故。不若養老蓮居。爲兄造福。猶之拜登佳惠耳。

與潘新彈

沈 駟舞裏

蒙惠芥片。葉清香。瘦噲噲。動人。僕此行。棹經惠山之第二泉。迺纜繫綠楊。擁石鼎。撥火煮之。殊不減陸鴻漸杖擊林木。手弄流泉。亦在試茶時也。謹謝。

復友

聶 璜 恆佩

承賜能言鳥。本欲作對。長鳴鷄談想。然觀其凌霄之意。躍躍何肯久爲人作耳目。近玩鴻飛冥冥。弋者何慕。與其辜惠於後。無寧却謝於前。

謝惠榴

蕭 京 長源

復拜安石名菓。與羣孫剖而噉之。紺珠映目。玉露濡喉。恍攜仙雛入蓬。島飲瓊漿。絳雪也。幸享清福。

答友索詩

潘張仲 尹交

面論諄切。敢不卽爲具稿。但櫟園係幽燕老將。遽以吳兒絃管。與之對壘。恐囁  
嚅之態。不堪令旁人見也。臣期期不敢奉詔。還望銅將軍自操鐵繹板。庶幾旗  
鼓相當。妨命之愆。惟冀宥之法外。

### 答繆湘芷

袁于令 令昭

老社翁之書籍器御。無不精整。總見文人細心。手爐用法。已入瞿曇。竟成骨董。  
割愛遺我。非愛弟之真摯。不可得。但社翁卽尋新者。大費摩挲。弟心安乎。

### 謝緒之弟

汪之琦 奇玉

頃惠如椽。將進我。以柳公書法。乎抑攜鉏耨。蒿蓬以抄種。樹書耶。殆惟佩吾弟  
之分我生花耳。

### 答口口半隱

陸 進 蓋思

蒙賜寒林積雪圖。真在筆墨恆境之外。先生胸中。可謂自有剡溪矣。值此炎威。

道人懸之室中。覺寒色霏霏。便欲借桐江老釣。叟羊裘衣。一禦凜冽之氣。

復黃象九

洪吉符原明

憶把臂湖濱。玄論粲花。春風發覆。曾幾何時。而斗柄又再旋矣。雖夢想依依。時  
邊左右。而未勤青鳥之函。徒積丹衷之歉。晤秦太老。悉興居佳勝。味道腴于董  
帷。披春花于慧嶺。且也。填篋競爽。蘭玉爭標。真申佑自天。而靈秀所獨萃者也。  
快羨快羨。銀鹿至杭。猥承垂注。瑤函瓊賜。熠燿几案。仰念隆情。倍悚疎節。銘在  
心。汗在頰矣。

與邵元浹

嚴武順忍公

賤體承垂念。日已健啖。但羸劣如故。未能出門。及酬對賓客耳。雞子蜜橘。正意  
中所思。及知己所惠。似照見肺腑也。

與朱木民

馬銓道素

得佳筵新裁。披揚之際。不獨可得涼風。兼得晉魏盛唐風矣。白龍之扇雖佳。奚敵明賜。冷然善哉。銘謝。

### 東丁旆侯

沈志陞左臣

浪跡吳門。深恐應酬之擾。維舟高柳。日聽橫塘。清吹樂此。不疲。詎昨爲鄰舟張西鳴。昆季招飲。不覺酩酊。月墜星橫。方爾就枕。此時猶在醉鄉。良召實不能揮赴矣。且午餘准詣秣陵。訪莫愁村。并聽秦淮簫鼓也。敬謝。

### 復張吉士

胡宗鐸天爲

聞召便欣然欲來。已救五臟神。俟我于席次。不謂雨師妬客。風伯尤人。家無仲容之展。輒裹足不得前。遙憶郁廚。不勝頤朵。他日風清月白時。當爲不速賓。以博花間一醉。能不拒之門外否。

### 答友

姜逢元歲聖

方在呻吟床廁間。忽承雲朵兼辱寵頰。不但詩情動摩詰。抑亦秋思感季鷹矣。謝何可言。

與某公

李漁笠翁

此劇上半已完。可先付之優孟。自今日始。又爲下場頭矣。月抄必竣。竣後卽行。觀場盛舉。恐不得與。演西廂琵琶。不必實甫。漢卿在座。譬之杜康造酒。未必自諳。酒味孰清孰濁。某聖某賢。反不如劉伶阮籍輩之能阻而善辨也。且慮周郎滿座。十目相顧。咎有所歸。不若匿形藏拙之爲愈耳。

謝友惠劍

秦餘

君有飛景。不自佩而贈人。知不以凡人待我矣。奈世上不平甚多。恐神物時時躍出。與虬髯一試。但不知肯多隨幾時。游行天下否也。知我知彼。還向君一決。

與陳芝仙

王維城

弟從文字中。神交久矣。意謂逸羣之士。自有出塵之調。然雲山飄渺寤寐而已。不意一官萍寄。遂結心知。古今快事。何幸龍鐘乃能如此。昨者錄呈拙句。不羞無鹽。用引西子。乃獎譽非倫。引援過分。令人汗愧。交集領受不安。雖龐士元藻鑑品流。不妨過加美號。而逾情之取。寧不惡然。又玉版賁臨。淋漓白雪。真得昔人作者之蘊。運斤獨至。誨我不逮。十朋之益。何足云喻。稍閒猶有鄙作數篇。薄具蔬觴。求郢政于梅石之下。諒亦高明所不棄也。

### 謝李雨雀送二鶴

蔡詒穀

某夜半聞雀唳。便飄然有凌雲想。不意君竟惠我以二道士也。弟今有伴矣。明月夜君其獨立空庭。當有飛鳴而過。一顧舊主。云新交亦不惡。

### 謝沈春徵惠玉芙蓉

孟肇元 貢萬

辱惠佳卉。植之砌間。枝葉不甚可觀。俟花開香氣襲衣。始信此花原自可愛。不謂小僮竊贈鄰家。而朝露未晞。其青衣踉蹌而前者。須臾摘盡。予其爲看花人。

耶。惜。花。人。耶。頗。似。爲。賣。花。人。矣。雖。然。一。片。芙。蓉。涉。江。可。采。足。下。未。必。非。覺。子。也。  
因。博。大。噓。

復王子超

汪 岳岳如

蒙。惠。金。魚。數。十。尾。無。一。體。直。尾。正。者。各。各。皆。有。殘。疾。望。之。如。螭。蚪。然。置。之。盆。中。  
頗。不。適。趣。仍。壁。上。得。賜。一。二。佳。種。足。矣。豈。徒。多。多。益。善。哉。

復陳簡侯

盧元培 鯤屬

昔。人。云。酒。渴。思。吞。海。弟。始。以。其。言。之。迂。而。笑。之。昨。宵。與。二。三。知。己。傾。榼。倒。樽。狂。  
飲。大。醉。夜。來。渴。甚。雖。寒。家。七。椀。何。足。以。濟。方。信。吞。海。之。不。誣。也。至。今。猶。眼。如。迷。  
霧。足。似。乘。船。反。而。思。之。恨。不。囚。酒。星。于。天。獄。荷。蒙。招。飲。何。處。借。量。而。來。况。座。多。  
劉。阮。寧。不。笑。人。謹。避。席。不。敢。前。

復董礪阜

潘兆珪 儼思

我輩意氣相期。原非世路儀文可比。不謂古處如礪老。亦修此周旋之習。未能免俗耶。此非所以待弟也。廉吏橐中辦此。亦殊不易。敬藉使壁上。或可留贈他人。亦足免窮官一次眉攢也。弟之冰心入世。鐵骨支貧。想礪老亦知之熟矣。

### 謝友

胡宗鐸天爲

弟冷面俠腸。不喜作婦人狀。見長安諸貴人。卽避席相左。欲其伺顏色。奉笑言。則斷斷不可。故寧遂麋鹿之性。翩然而歸。主人得毋謂此生無狀耶。鐘鼓而享。爰居遇則隆矣。其如性之未愜何。

### 與陳簡侯

李穎考叔

八十年來。瀚海長江。五湖三鄒。縱志遨遊。從未載濡及溺。不意里閭間。偶爾失足。幾與汨羅之靈均。采石之太白。把臂九原。肉眼凡夫。能無笑自經。溝瀆乎。幸而彼臣不吞。臨難苟免。嗣是上躋期頤。未必不邀天之幸也。承慰謝謝。

### 與張履安

陳枚簡侯

弟性不喜弈。既無坐隱之僻。復少制勝之具。蒙假柯枰。卽欲乞隣應命。想知己如吾兄。自能曲諒。多此文飾。是媚友也。弟所不敢。

與友

李定昂若千

技醜志卑。向見束于井底。乃以螳臂當車。輪得無胡盧形穢乎。尙冀藥籠濫收。使得隨風逐浪。則中原旗鼓。窺見一斑。碌碌者幸矣。

復陳簡侯

潘張仲尹交

蒙委已欲勉爲塞責之計。而小僕隨報蓋臣。乃弟病勢危篤。刻下已將屬纊。不覺神情震動。百念俱灰。雖百萬軍容迫我于金鼓之下。亦不能強舉毛錐矣。唯蚤自圖之。

謝周翁

陸敏樹蕙庵

世風衰矣。人多口惠。僕亦素作耳領。別後過小隱。談片刻歸來。尊酒在庭。米尙

未貯。香稻素所嗜。雪酒亦鄙人所欲。然何須多耶。感戰高懷。始知長者無虛口也。謝謝。

### 與陳簡侯

王輔左車

昨二兒自城中出。云履塵至矣。且云幾誤認作季方弟。大笑。二難原各臻其勝。正不必以肉眼分別。無着天親。兩家纓絡耳。正擬率兩兒過候行次。奈爲一二友解維之別。不得不于江上祖之。歸時知累道駕出郭。空虛無人。罪失倒屣。珍覓注及坐。參玉版。昨燈下已得味多矣。彩毫種種光怪。陸離爲筆。傭者恐執此等穠鋤。四體雖勤。折福不淺。愛我者自識此言之不可誣呵呵。

### 與盧以菴

陳枚簡侯

硯田久冷。刻下急搬火熱之便。覺心手俱忙。同人阮集。台召實不能摳赴矣。成事敗事。勿貽蕭何之罪。罪我。

### 答陳扶搖

梅調羹

西冷夜月。簫鼓樓船。主人情重。至今魂夢猶自依依。年來株守蓬門。昌黎之鬼難驅。曼倩之饑欲死。遙憶故人湖山天際。無由奮飛。徒令人歌白露耳。承惠佳選。熟讀三日。貧腹頓富。謝謝。

與陳參知

錢溥齋尚

山澤賸人。無他嗜好。全憑蠹魚作生活。彈毫。不花。舐墨。無潤。徒日。耗其。窮愁。而已。幸托世誼。得侍高壇。枉騎披襟。大慰離緒。更荷寵貺。彌泰之誼。懷德維慙。日從酒人。走岩谷間。更無緣更圖謁候。且暮南還矣。拙稿呈請潤呵。石髮山毛。知無當擢筭廚間物也。

與余澹心

丁盛世 熙臣

快讀四詩。老健蒼深。格法俱臻極勝。而俯仰飛動襟情之什。尤許掾所長。弟竟拜倒床下矣。秋思方佳。我輩正當時。時過晤不折柬之投。重擾青精耳。

與丁弋雲

吳百朋 錦雯

凡例離奇夭矯。歷落嶽奇。昔人所嘆。珊瑚。架。筆。玳瑁。裝。書。也。快讀數四。頗愈我疾。丁將軍何滅陳孔璋也。不佞兩載廢書。菽麥不辨。語言面目。殊有沒字碑之誦。卽年少雕蟲憶之。若夢寐間事耳。了不可記。貧病之苦。遂至于此。謬正數字。自訝唐突西子。可謂不揣矣。中數語略一換過。以省重複之弊。不佞實苦不能。仍煩玄度自足此曲可耳。

### 與友

龔鼎孳 芝麓

遠別知己。意極不可堪。胸次間已數日作惡。不待慢亭柳色。始魂斷征驪矣。芹將菲陋。姑代一卮。迺蒙磨斥。是重弟罪也。

### 與何舒莊

沈 賦相如

雨後霜寒。腕力殊憊。新編一冊。君家匣中碎琅玕。未敢久羈几上。遺使奉歸。俟東風澹蕩時。當從梅香深處。浮醴醪。索讀終篇也。

### 答何伯興

陸鴻圖 麗符

佳惠過渥。領之則成貪夫。悉返趙葡萄酒。却之則俗矣。心醉心醉。

與王丹麓

韓魏辭白

前與南溪學士痛醉高齋。肴核既清。論談轉劇。恨無膏陽之戈。迴羲和之轡也。日來因家童至。匆匆南旋。舟子相迫。不及再過。輞川執手道別。然一船書畫。強半皆我。知己瓊函。鄴架之錫也。千里日晤。對面論心。正在此乎。謝何可言。

謝李笠翁先生惠泉酒

陳枚簡侯

辱台惠者屢矣。未獲一展。芹將。每倩毛穎致辭。不免見笑于數數也。頃以名泉佳釀見貽。語云滴水難消。况酌以大斗乎。某當飲水思源。醉酒飽德矣。

答沈聲令

沈謙去翁

贈墨一囊。豈十二龍賓俱至耶。刻下方撰南曲韻。及詩餘譜。便當令侍兒輩竭其頂踵。不欲使不佞反受其磨也。

謝陳生上師詩

許昌麟 星彩

庭前丹桂。共明月爭輝。夜半持先生驚人句。花下誦之。不減霓裳羽衣聲也。

與友

黃道周 石齋

文忠德業播于天壤。使不肖撰言。猶掬土以益介丘。噴泉而增河漢也。以獲在門牆。不敢避耳。此研須覩舊物。如魏立成遺笏。拂拭收銳。而神采爛然。敢銘盛意。以附深知。

與方青厓外父

曹復祖 石臣

澤畔悲吟。千載加見。我輩抱同恨者。自當駕一葉抵揚子江心。一酌酒。一跪拜。大呼波臣痛哭三閭大夫。然後舉杯拍案。澆胸中塊壘。固夙念也。奈緣事羈弗克。趨命中心怏怏。然五臟神已儼侍几席矣。勿勤再使爲囑。

致陸與偕

吳太冲 默置

弟行期非殘冬則開歲。尙擬屈同人清敘而去。敢先辱惓惓乎有心領而已。入秋多病。詩書之事皆以枯坐而廢。少差當驅拙筆以摹大業。不敢忘也。

與茅于純

吳綺蘭次

湘簾蕭瑟得僂種。忽入天來分左翁之露。移珠蕊之枝。正憶邀君弄芳馥之句。弟片暇坐臥忽似淮南。差堪與秋山爭綠耳。高望道兄婆娑入樹叢中。更不知老香奚似謝復。

寄謝劉雙山先生

茅熙于純

舍親抵里得捧瑤函。真令丹鉛增色。几翰添光。琬琰之錫。佩勝百朋。更荷珍貺。遠貽寵自天來。頓覺春生簞履。感何可喻。

與表弟潘蒼儀

蔣鑑水因

乞米襄陽卽一字一縑。不以爲泰。第無右軍黃庭而欲山陰舉鵝以贈。不亦過。

乎。雅。賤。適。以。愧。我。也。專。力。壁。上。倘。必。欲。見。賤。雖。使。者。重。命。亦。終。不。拜。唯。祈。吾。弟。愛。我。以。德。耳。

致表叔申梅江

茅熙于薦

表。叔。蒿。辰。姪。以。旅。次。未。獲。稍。將。乃。反。混。擾。兵。廚。選。聲。摘。調。人。技。俱。工。真。屬。最。上。一。乘。寧。止。玉。管。銀。等。爲。足。豔。人。耳。目。耶。醉。德。而。還。猶。覺。餘。音。之。嫋。嫋。也。

與弟于純

茅薦馨楚宛

初。意。攜。豚。子。至。郡。得。請。大。方。之。訓。不。意。內。人。憶。子。寢。食。不。寧。只。得。令。其。前。去。諸。叔。父。之。前。于。禮。缺。然。甚。爲。抱。悵。承。尊。賜。不。敢。不。領。披。卷。勵。繩。武。之。志。握。管。叨。夢。花。之。光。墊。誼。優。握。愧。何。以。當。對。仵。拜。登。容。卽。踵。謝。

答友

湯鈺式如

拜。誦。瑤。章。殊。深。寤。寐。俚。詞。就。正。原。以。驚。馬。而。求。正。于。伯。樂。意。得。名。公。留。盼。價。增。

十倍過蒙美譽。是以嬖母而得西子評。僕何敢當。徒取慚也。然僕敢忘大教乎。敬謝。

復友人

卜允吉公悅

吳下一豎孺。廁之先生賓介之末。不惜齒牙。時得而進教之。深山僻谷。處咄咄先生高論。與聲濤翠葉相輝映矣。命筆諛墓。某品末言微。烏足取重于世。先生幸爲我轉辭之。

東兄岷左

朱佳瑋璧人

寂寞無聊。東遊海澨。乃季子落第之秋。蔡澤遇窮之候也。辱承兄嫂接款。歡倍平時。稚子牽衣。譚咏彌夕。餐秋英于石磴。倚翠竹于空潭。相對愁蠲。益深感切。歸來兵燹已熄。塵甑復燃。旣德瓊珠之假。亦免風鶴之驚。侏儒飽腹。可賦樂饑。而禽鳥棲林。得遠口弋。邀兄之賜。有厚幸已。

東王丹麓

陸 堦梯賈

途遇蔣馭老。知足下再過做齋。屢失迎迓。負歉良深。小序構就。正擬親承教言。三日前。以雛燕墜巢。黃犬逐啖。僕奔救過急。頭觸柱釘。竟至破頂。非啣雀之望。報同芸瓜之誤。傷血流破。面閉戶謹風。必俟創口完痊。纔能晉謁。先陳拙著。併臚罪端。垂諒幸甚。倘晤馭老。均乞以此致之。

### 復袁六完

曹鼎望 澹齋

山居僻陋。靡所見聞。惟與二三昆弟。遊醉鄉耳。有時耳熱狂吟。率皆村童牧豎之言。驅犢放豚之事。無關理亂。不堪爲公卿長者道也。遠承懷念。更貺佳味。感雲誼之過厚。益愧野叟之多疎矣。此謝不盡。

### 與蔣肅齋

吳栢如 右廉

春光已半。梅花開且放矣。有賢客。無賢主人。豈不愧殺西子。鶴糧告竭。弟亦實有罪焉。急欲爲兄區畫。甕頭以澆醜。礪無暇過山齋。有疎清晤。

### 與陳簡侯

胡 頌 克生

梁隸妙絕。誠可寶也。其最佳處。弟已摘出入。我奚囊矣。謝謝。

答友人邀遊山莊

李式玉

風日妍麗。桃李豔發。山莊之遊。僕興造飛矣。但已約潤公爲靈竺之行。奈何。惟有和南大士前使四時常春。僕無日不看花。撲蝶斯願畢矣。

謝唐尊祖

釋成葵 旭臣

昨日塔山大集。蒙足下納我于絲竹中。出家人如何堪此。故坐席上。甚自踟躕。然事雖不樂于心。豈謂非公厚意。早恐足下尙在醉鄉。傍晚裁謝。得毋訝其褻乎。

與陳天培

吳宇鳴 令聞

日者家報中。猥辱注存。兼拜佳貺。何旅次震擾之餘。尙惓惓故交。不置也。台兄高義。雲天薄矣。啣感無已。

復蘇州高太守

詹廷棟柱臣

晴風霽日。梅柳迎和。知新禧美續。並躋春臺矣。承惠清玩。極荷遠注。披圖攬勝。殆不啻引人漸入佳境也。敢不拜嘉。以誌雅意。

答楊賦臣廣文

吳 朔小曼

在今日從千里外。寄訊貧交者。指不數屈。况有所贈。又出自鱣堂先生。半俸時乎。施之者似覺平常。而受之者真爲異數矣。

謝王安節

繆 彤歌起

昨雪老座中。知己劇談。形骸俱去。獨以不得聞年翁清論爲悵也。早來宿酒未醒。兩眼糝糊。承妙筆對此心神頓開。乃知滄洲之趣。近在此中矣。謝謝。

復王安節

何延年

耳中國土。壺中山川。不獨神仙游戲。文人五寸管。與造化角勝。奇生趣。指掌矣。正在倦睡。方爲莊之蝶。薛之魚。栩栩洋洋。行將入蟻蛭蜂房。聞銀鹿持北驚。起追視。賞心樂事。昏憊頓除。得披圖畫。不近刀圭。枕上感謝快甚。快甚。

辭昌黎祠中祀位

王仕雲 荃如

昔韓昌黎驅纏未幾。詔還。潮人立廟作像祀之。報功也。余何人斯。守潮井無善政可錄。乃設立牌位。配享文公。嗟乎。庚桑楚以畏壘之細民。而俎豆于賢人之間。南嚮不懌。余雖未受業于老聃。亦嘗讀亢倉子書久矣。萬惟撤去。以行其心之所安。

謝汪貽遠送茶

吳 朔小曼

揀分雀舌。賜出龍團。不憚手煎三沸。遂爾心醉七椀矣。他時飲酒。堪解宿醒。此日讀書。能消午倦。高誼謹銘寸衷。謝私先布尺素。

答王安節

張 怡

山中古蹟。自盛仲交後。數十年無過而問者。而道兄獨爲闡。便是山誌中第一佳話矣。道兄清淨如野衲。而惠我海錯。從何得來。大慰老饕。謝徵君祠修理聖壇之費。倘有因緣。合此浮圖之尖。亦最上功德。卽最上福德也。

### 高尚類

#### 與僧凡無

朱 費二不

批風。嘲月。逐翠。迷花。一旦。祝髮。空山。勤修。苦行。此何等願力。畏服。畏服。傀儡之場。卽是。晨鐘。夕鼓。喚醒。塵俗。而人以聲色。滯聲色。以鐘鼓。滯鐘鼓。所由。凡人多耳。悟頭。一撥。子鶴。妻梅。仙乎。仙乎。吾與。汝踏踏歌。可乎。

#### 與弟左城

陸 進 蓋思

滇中之遊。金馬碧雞之色。片片出之衣袖。快極快極。經年不得。麗兄消息。每聽雲中鴈。欲寄寸楮。噤噤空墮。烟水想邇來。長松獨映。孤霞高竊。未識策杖入天。

台石梁耶抑足踏蘆葉浮海東訪五羊城耶頃聞已駐錫曹溪龍門說法喜有其人某意欲違世俗棄妻子履茫鞵葺破衲踪跡閒雲所在爲息肩

與遵素

馬成蛟龍伯

做園松菊日望主人歸去近託陽烏致書僕就枕間聞嗷嗷聲掠屋角而過急啓窗詢之字影零落秋光草樹之上轉覺宦情紙薄耳正欲踐約而早有先得我心者公務一完便當挈裝而東矣

與蔡古苔

徐菊知簪止

足下三十賜第五十懸車盟有奇葩朋惟修竹綠野數什青椒一筇快哉快哉意古所誌浮丘鹿門輩卽公此等是也寧獨使古人專美於前

與繆湘芷

錢朝彥殿求

懶骨賦成密邇如此竟未能時時請教瞻望河湄惟有懷結耳人事蕭條而弟

更窮落窻。久已不知有年。但聞叩門聲。便惕惕。不知將何以應。年兄高情雅量。當此冗俗時。而新詩字字臻口。斯豈弟所敢望。肩背哉懸之座間。不獨几壁生輝。殆亦乞兒暴富矣。俗腸塵面。閣筆三年。展誦之餘。此中未免少動。稍稍浣滌。當圖奉答。但恐見之。殊訝不復當年之唱渭城也。

### 與友

李定昂若干

得失一馬。夢覺一鹿。年來雙鬢如星。稍稍覷破。在他人鵝蚌相持。忘却漁人之利。僕猶存此方寸光明。爲忍辱波羅密耳。聊以自娛。兼之貽贈。

### 與友

毛先舒稚黃

貧。味亦苦。亦佳。然正使菜根脫粟得飽。縵袍布被得煖。數椽可以蔽風雨。而門無催科索逋之聲。問字時來。招飲輒往。如是則此味儘可飽餐耳。不然奈何。

### 致龍隱陸兄

洪吉符原明

秋日淒淒。百卉具腓。自兄翁賦歸後。弟時嘆服幾先之識。以爲去繫維而就優游矣。不虞尙阻榕城。經年烽火。旅况何堪。弟謬爲小草出岫。有類羝羊觸籬。犯難代庖。撫疲禦暴。歷入越月。寢食靡寧。茲中澤之鵠未集。而催科之檄頻嚴。巧婦莫炊。惟有急圖釋負。脫此九龍。波浪。理我三徑。荒蕪。何快如之。不知老兄言旋。有期否。惠而好我。攜手同行。是所望也。

東友歸里

周致泰開文

仕宦而至卿相。富貴而歸故鄉。昔賢美之。然達人所期。豈盡爾爾。先生通籍十年。初衣早遂。平章風月。領袖江湖。况復負郭有田。開軒有竹。以視蓮花博士。月給千壺。良不薄矣。客有謂半畝園亭。未若堂前畫錦者。願以杯酒送之。長安道中。勿攜向山水間。追陪清話也。

復趙凡夫

文震孟文起

忽然大熱。恐入山尙未有期。聞青霞謝鼎新。計樂成之期。當在新秋。晤對亦在

此時矣。世事紛如。而我輩尙優游高枕蕭然自適。文旣枕流漱石。弟亦閉戶掩扉。只此便是如天之福。頂帶造物不盡矣。願念何以消受耶。

### 東涵虛閣主人

周致泰開文

黃冠去後。月冷烟簑。芙蓉洲。菊嶼之間。久無人矣。卜築此中。先生豈有意乎。願念蒼生恫息。殷望東山。恐一曲恩波未便向君王乞賜耳。

### 與汪然明

董其昌文宰

久不至湖上。聞風雪相續。妝點西陵。供人勝情不淺。真足妒也。微道人遂作退院長老。不復拈椎豎拂。仁文失此良友。亦復冷落否。

### 寄石無盟

徐菊知雀止

尋芳訊某。以寒氈爲焦團。詩史爲經梵。往聖前賢爲頂禮。丹黃呶唔爲功課。何如足下松間呼酒。月下放歌。青山自怡。白雲迷目。直可高士首列。豈猶竹林兄。

弟之間。

答友人

王 燁 撰

賦性遂直。幾於狂惑。幸遇大賢君子。寬然見諒。不加譴咎。此望外之福。曷敢久徼。自分身所安者。惟山間茆屋。與湖上扁舟。情所悅者。惟舉書數篋。古圖數卷而已。世味薄甚。又何故作煦煦。起起之態。逐塵途。以自取困瘁乎。知弟愛弟者。莫踰於兄。面晤時。尙當款語於對榻。連宵也。

與棲巖上人

王 一 麟 彥 徵

大師新闢靜室。奇峰壁立。巉壑爭妍。雖極人世之修。實緣天工之巧。所謂一片空明。境地仍不失本來面目者也。法華目轉。寶相常尊。孟響空山。香聞寂界。虎豹通靈而戰威。猿猴解語而定性。使非大根器人。未易遽窺大乘。若是然而明妙。妙明色空空色。其所爲靜室者。何在吾願。篋子一擊。俾天下之沙門共聞。斯語省却多少土木之功。

寄碧梧陳子

周致泰開文

十年風露。夢繞神洲。近以落魄江湖。幾不復知。濤低海淺矣。先生骨有烟霞。胸具丘壑。每望三山縹緲。如在襟帶間。倘眠雲臥雪之暇。惠念故人。知玉液九還。不以易素書一卷也。

與仲兄

關漢披文

聲色貨利。弟做屣久矣。吾兄奈何以桑榆之光。猶曳裾朱邱。恐白髮衣冠。不出四字籬壁間。寧不爲山靈一破齒乎。吾兄固自有朗鑒。弟愚以爲爽口者。盧橘哀梨。然所好不同。味亦相反。

柬王丹麓

嵇宗孟叔子

近投間後。俗累都盡。養疴竹屋。黃鷄白菊。時時想見倪高士。林逋仙。出世高風。邈不可及。頃晤我兄。神致蕭散。超然物外。讀其書。冰心蘭氣。銷盡穠華。始疑高。

士。逋。仙。尙。在。人。間。也。漫。述。一。詩。以。志。懷。想。

與顧參領

錢 溥齋尚

僕庸劣無聞。謬膺師責。不啻索金於貧子。貴照於垢鑿也。何能爲理。且性嗜山僻。惟覺嶺上松聲。簷前鳥語。時與吟咏。爭響。不苦寂寥。生平樂事。不欲與富貴子弟遊。作曳裾侯門客。請避席以辭。

答張孝緒

陳 悞扶搖

足下以弟之愛貧。甚於貧之愛富。非愛也。不爲所苦耳。馬齒已近七十。而富貴終不我顧。何不安貧。然愛之一字。似乎有之。南畝徒硯田。愛其不苦。催科垣牆。惟籬落。愛其不豔。偷兒時或饑寒窘我。而室人能不我謫。又何必作送窮文也。

答王安節昆季

曹 溶秋嶽

啓函得教。無異聯床。快讀新詩。真有物外烟霞。遠去塵垢之樂。看梅佳興。宛在

目中張時過春分。寒香當已零落。此等清事。終讓住山人矣。叩別有時。先此布謝。

### 答仇漪園兵憲慰留乞休

王仕雲 荃如

某適嶺十二年。歷兵戈水火盜賊。乃有今日。從此瘦馬歸華。慵魚曳尾。聞雲野鶴。到處安恬。卽或枵腹而死。塞翁失馬。未是憾事。老大人猶信童叟偏詞。而千聲萬聲留我耶。先達云。天下好官。定有一篇不好文字。送歸林下。天下不好人。定有一篇好文字。送入黃泉。某老且病矣。自請歸田。榮幸實甚。嘉客不審。主人顏色。鐘鳴漏盡。猶望洗盞更酌。其不遭逐客者幾希。

### 與碧潭上人

李定昂 若干

優鉢花香。菩提樹茂。得上人闡瞿曇妙義。天葩其散彩乎。幸大震雷霆之鼓。使頑石中人。敢聽生公說法。未知香積旁。可伴貴茲芻灑。掃講堂否。

### 與裴晉齋

王弘撰 山史

弟行矣。半載兢兢。祇求全得一恥字。歸足矣。孫樵所云。囊刺買聲。庶幾免。夫故山無恙。還讀我書。所得不既多乎。

東友

李 穎考叔

昔邵虎菴先生。家居厭俗。拂衣入山。親友中仍有踪跡之者。乃大書于壁曰。一客至。則留飯。二客至。則留茶。三客至。則山人不在矣。弟僻處東園。門庭闐寂。并此數語。亦不必借重管城。足下云。絕人。逃世。有古隱君子風。則吾豈敢。

寄高蒼巖太守

曹鼎望 澹齋

地隔南北。晤面未由。某定省而外。無所事事。種菊半畝。蓮一池。蓄文魚數十百頭。籬邊樹下手一編。吟哦數過。興到或作小詩一二章。或臨舊榻三兩段。倦則呼呼睡去。此某近日之大較也。年翁才智優長。精神大于身。當爲國家出力。某無用人不足學。亦不足道也。蘇州雖衝煩。若在新安。則此時光景。當是何如。凡事退一步着想。則怨尤矜躁之氣。自消落得許多。受用年翁以爲然否。

與家我繁

戴三甲 汝諧

僕從事筆硯久矣。三更燈火。五漏晨鐘。不知受幾許寂寞。至使白髮盈頭。風搏未舉。不若足下寄情物外。層巒烟樹。寓意于筆中。翠澗清溪。留心于紙上。爲愈也。試問桂花香滿。生公石畔。尙有環珮珊珊。笙歌達旦否。

與孫宗樸

吳相如 右廉

積雨連綿。着屐甚苦。日望道人。跨青雀來。烹春水。摘新芽。清談竟夕。何不奮冲天之翮耶。詩已和就。非爲雨催。但欲速君還酒債耳。

答黃須彌

陳洪綬 章侯

當於無佛處覓佛。不可向有佛處見佛。能學佛者。卽於本身中見佛。便可向佛身中求佛。離得離不得。道得道不得。須彌直恁般高。也有望得見。也有不望得見。

東楊培生

黃 湛 須 彌

凡人閱世光景無過生老病死。今既老且病。相去闔家不遠。須要眼明手快。觀得破。拋得下。臘月三十到來。便不忙亂。不酸楚。更覺有一種逍遙自在之趣。此是真正學力。不可不預辦也。

與周崔書

釋成葵 旭臣

與足下遊東山。既歸日暮。就榻令岳之廬。又與足下抵踵。枕上各誦所作。互爲評品。其中氣格大意相同。因茲一夕。遂結深交。別來追想。恍然如昨。日月幾何。山川無限。雖然雲水。人。不以離別爲事。亦不能使懷想之心。一併無也。

與趙別駕

程 鑑 孫 園

不佞七箸日減。塵案日增。豈惟佹然殘息。不勝此煩劇。而眷眷多事之際。堪此叢脞耶。西湖歸夢。堅不可撓。卽諸臺慰留。亦不皇恤矣。

與吳江都

張爚

僕因勞得病。因病畏勞。堅意乞身。未卽允放。何時得遂。扁舟差可。當神樓一七也。

寄姑丈祝元度

張國泰履安

鍵戶時。每遇秋風。颺起凌霄之志。輒相相不已。及杖策燕塵。低回岐路。風景雖不甚惡。而驅軍跋涉。徒供旅人憑弔悲耳。何如一室琴書。半簾花月。澄神枯坐。涵養性靈。留此閒身。與天爲偶。耶。歸計在卽。當果此緣。縱不能買山而隱。聊學柴桑處士。悠然對南山足矣。

與棲霞上人

陳枚簡侯

金陵乃帝王都會。名勝甲于天下。而棲霞牛首。更負奇觀。上人棲息其間。令人作天際真人想久矣。某雖肉眼凡夫。渴欲策蹇來遊。一覘蓬萊瑤島之勝。祈不

吝指示。毋謂桃源深。局未許外人問津也。

與繆霜崖老伯

張國泰履安

老伯冰壺水鏡。銓衡倚重久矣。一旦掛冠林下。隱居讀書。放懷詩酒。瀟灑如未經榮達人。何其不着色相也。今雖頽然一翁。而山水之樂。相對愈酣。由其胸次空曠。眼界高明。故能等大地於轉瞬。不亟亟以假合爲跡耳。若復心繫時榮。豈易恬適。乃爾。至若文章宗匠。樂育後賢。又不獨推韓吏部爲山斗之望也。

柬王桐庵郡伯

李 愜其礎

梗朽廢自甘。獨以不聞道爲憾事。老祖臺中秋載月而歸。天倫樂聚後。幅巾布襪。與佳山水。追敘舊歡。親串過從。承學問字。又費一番酬應。意祖臺爲道珍重。簡點平日口授手錄諸卷帙。屏居訂定。壽之梨棗。以開來者。當不似柴桑老人。東籬清課已也。

復及門吳小曼

王仕雲 望如

說約善本。名重雞林。兩粵奉爲拱壁。老漢借光多矣。潦倒嶺外。離索興悲。所喜  
百里勃生古風。稍可快行其學。雖蒙兩臺推轂。然河清難竣。悵惘無從。惟一  
孤行萬變。不易知我。如小曼亦曾笑老漢末路。偏彊否。

### 報白雲寺祖青禪師

林雲銘西仲

客歲芝城途次。匆匆一別。隨登舟取道行矣。吳越浪遊。不覺經歲。私念人生本  
作客。何處是吾故鄉。遂不禁潦倒西湖頭。作風月主人。然但知是客。義則脚跟  
下。所至無非故鄉。越水吳山中。實未嘗作客也。大師於此處。能再下一轉語否。

### 復尹東郊

徐菊知詹止

世人不能成仙作祖者。都緣丟放這身子不下。丟放這家字不下。所以愛水沉  
瀾。怒火焚煎。極大世界。遂成一極苦極窄地面。何人跳出塵網。擺脫一切糾纏。  
令此心空空曠曠。洒然自如此。卽是仙。此卽是祖。又何必問諸白馬西來青牛  
東去也。

辭舉山林隱逸

程康莊 崑崙

昨示求賢文格。欲以寡聞之質。充蘭。抵蕙。蓋瓏。薪井。汲。迺容。劣之本。謀切。松。黃。亦即依山之篤。戀况僕負蓬除之疾。情學司馬渴之病。情酒禁愁。遲花減。恨髮容正壯而已。憊心路依窮而益昏。何煩再上薦俊之章。屢下求賢之牘耶。

頌揚類

與友

葛徵奇 無奇

兄翁狎主騷壇。走海內如鶩。而練。裾。紅葉之事。復爲兄翁作。女家。董。狐。後之攬者。何獨一蘇小墓也。羨羨芥茶之惠。非止療渴。兼可治病。尙當覓。鴉。漸。茶。經。爲補所未逮。異日袁山泉。展玩佳帖。便可結夏。不敢忘兄翁功德也。

與繆湘芷

唐九經 豫公

捧讀玄吟。覺字字欲飛去。弟將築避風臺。作留仙裾矣。走謝。

### 與陸蓋思

越 閩辰六

自西陵有君家兄弟。天下久不數雲間矣。文章在山水間。山水在文章內。每憶旗亭把酒。花畔催詩。六橋花柳。與會如昨。豈長安車馬。襤被黃墟。所能望其肩背耶。僕行矣。西陵選事。願無多讓。尙望中郎枕畔之書也。

### 東潘儼思

巖我斯存菴

草草戒裝。百務蠲集。心神在火坑中矣。忽接佳章。煩苦爲之頓浣。但恨心忙手棘。筆硯堆塵。未能學步。就正大方。爲悵悵耳。策杖名山。得驚人句。弟夢寐此等勝緣久矣。無如世網糾纏。息肩何日。年兄山水文章。具此異福。自是夙生種子。弟唯有健羨而已。

### 與李懷姑

關 鍵 蕉 鹿

尋常酬應語。略寓胸懷。直是寥落無聊。一寫塊壘。比于古人長歌當哭之意。而過飾講斷。被以青黃。遂覺方幅之中。頓添生氣。雖鼓舞雅在。激揚枯朽。株雲霏露結矣。謝知己假我聲光。感深鑄腑。弟某睡餘九頓以謝。

與杜子濂公祖

李漁笠翁

一詞二律。妙絕古今。明知夷光之擢。必不可效。而故作捧心之舉者。恐虛倡始之心也。先次滿江紅一闋。呈政餘俟與席。諸賢同聲相和。亦附驥尾。萬一諸公盡爲陽春。擱筆某亦藉口藏拙。不敢復作東家施矣。

與繆霜崖

蔣衡克平

承賜大序。揄揚過當。且愧且感。纖陋之響。和以黃鐘大呂。殊覺雅俗不倫。然使此中人士。不大鄙茲刻者。則先生之貺侈矣。

寄龔芝麓先生

宗元鼎梅岑

年來道履動靜。處處關心。曠覽古今。如汲黯敢言之直。李絳真相之才。永叔以端正蒙譏。子瞻以奇才見斥。此數君子。使不大阨生平。何以見信千古也。先生行直道于世。見榮士論。遠追前軌矣。

### 與嚴顥亭

孫 洽 守 台

過茗水四十日。枯坐一室。間與二三友人。遊白雀松徑。逶迤數百丈。森然成陰。喜不自勝。曰。此吾武林松門鐵圍之在九里者。何以至是耶。因思前歲。吾兄爲南屏和尚。特囑當事。所以護持此者。豈偶然哉。天下名山。勝概不少。在士大夫留心愛惜耳。迴棹而歸。急欲爲兄九頓首者。唯此。

### 與吳右廉

陳 枚 簡 侯

今日之尺牘。卽他年之古文也。不獨才華競美。亦須有裨世道。方可傳之。無窮。讀兄尺牘全帙。清超流逸。中更多持世之論。寧第風雲月露之章。已哉。行當駕蘇黃。並垂不朽矣。

鄒訥士

毛先舒雅黃

答書宏肆曲折如此。又謬相稱譽。非僕所望。然不投之所答之人。直令僕于坊刻尺牘中。乃得見之。何也。始疑是古人。酬酢之作。其名氏或偶與僕同耳。細閱乃審。是足下答僕書。喜甚。欲狂。

與姚延賞

鄭圭孔肩

弟往返富春道上。爲濕熱所中。還齋中。復值暑雨交侵。遂甚其疾。臥起輒取。吾兄手劃山水圖。布席展玩。江南形勝。了了在目。爲之神爽。不謂宗生臥遊。不若枝與七發也。待賤體稍勝。按圖而遊。則教我良多矣。

寄陳簡侯

黃敏生頌庸

踏雪叩辭。征衣凜冽。蒙知己。酬以春酒。爲煖。離腸。閱今半載。肺腑之頌。高誼者不少寒也。弟京塵萬斛。奔走爲勞。入夏始獲煖席。而攬鏡自窺。已非當日面目。

矣。如晤南旋親知。詢以近狀。定當一時絕倒。秋闈伊邇。揣摹必已極精。佇候好音。預聽報錄。人口中聲聲喚惇黎也。

### 致尙維則

錢朝彥 殿求

高齋清妙。兼花色帶人。所見既殊。不覺竟醉。尙未得言謝也。昨晚復醉歸。燈下讀三詩。沉醉爲醒。然而欲步韻佳篇。如捧心之誚何。

### 與杜于皇

李漁 笠翁

來牘九首。拙選已登其八。惟復何元方一札。過于抹倒時人。未免犯忌。故逸之。弟不錄他人所作。或有厭倦之心。獨於于皇不然。蓋爲藏巧非藏拙也。新刻巧團圓一冊。附政爲人藏巧。而巧不可藏于皇。獨得此。又將發難端矣。先爲道破。或能免此。

### 與陳簡侯

王概 安節

有以觴政相避炎暑者。河朔酒徒是也。有以蒲齒自謂義皇者。劉毅博徒是也。弟昨兩有所見。更見道兄直避暑于著作之林。任其揮汗如雨。聚蚊若雷。處之等冰。雪窖中浣花赤脚。清頗不讓相對之。于赤日下。尙覺寒生。凜凜視彼酒徒博徒。真是噶香。有類滾油鍋裏。然又安知渠輩不以滾油鍋裏相視爾我耶。笑笑。大選留青實妙。歸卽如命。將篋底所積者。稍稍詮次。合成一冊。揀呈大寬。

謝莊蝶菴

毛先舒稚貴

栩栩曲。聊寫吾兩人懷抱耳。落筆時。亦殊覺颯颯。如有音節奏指下者。先生善移我情。如是。僕落拓人所共棄。不腆蕪詞。竟荷寫入大雅。政如麤下焦桐。得見御中耶耳。從茲千載。後當寒猿嘯澗。野鶴唳空。考槃伊誰拊弄。此曲若有人兮。山之阿。或因彈琴而見我耶。

與沈漢儀

諸匡鼎虎男

匡鼎說詩。休文善病。千古佳話。今讀足下作。如青山白雲。觸境引人。着勝枕簟。

之餘。乃能屬詠如此。僕名同古人而談經無解頤之妙。徒愧人意。

### 答賈虛舟

陸敏樹蕙庵

率情而行。不自知其拙。辱教衷言。愛我哉。愛我哉。然髮種種矣。一朝變節爲諂。得不爲正士所哂否。謹用銘心。敬謝不敏。

### 寄石漢青父母

諸長祚秋雀

西越湖山。尙沐餘澤。雖斧斤斲削。而元氣猶存者。皆滋養之厚。至今得以文飾。笙歌令依依。魚鳥不至。望翼而飛。盡台庇也。雲中華嶽。天際青柯。何日能來。一拜元度韶華。冉冉將恐清渭西。灤都付水流。花謝耳。

### 答俞九野

繆樹中恆天

溽暑灼人。日坐紅爐中。苦可知也。忽接手教。開函讀之。申申疊疊。中如面談。清風冷然。若來紙上。頓令煩惱冰釋。

答朱子玄先生

王一麟 彥徵

讀十無詩。知晉處士不爲五斗米折腰。故至此也。然范甑之塵。芳名藉甚。貧而非病。又何傷乎。昔人有云。與其衣文繡而爲入廟之犧牲。毋寧服輓而耕于野。吾師志趣。毋乃類是。則是苦節之貞。肉食者容有姍而笑之。然當代不乏阮公青眸。激濁揚清。高風自足千古矣。

與友

龔鼎孳 芝麓

雨臥荒齋。正爲社兄湖上兩函。都已屬稿。唯某某尙未就。意頗匆匆。而佳篇忽從天下。音節激哀。神采飛揚。紫海迴瀾。鳳笙裂雲。不足喻其高遠也。篇法之妙。一氣卷舒。而層折轉換。步步入古。蒼茫身世之感。復在言外。快哉。弟不意得此現寶也。拙篇乃以醉夢時多。竟未措手。今夕少暇。或勉爲之。終以犬巫在前。不能神王耳。

與余澹心

丁 彭飛鱗

饑驅無賴。復走淮陰。匹爾掛颿。遂當虛駟。筆墨聚首。固有定緣。然夙昔佩葢。奉  
蘭義同私淑。不待壁壘相望。而已輒亂旗靡矣。佳篇下被珠玉同輝。雪艷香溫。  
庚新鮑逸精工之極。歸于蒼遠。弟何人斯。獲茲珍贈。便欲倚牆屬和。仰奉郢斤。  
而一舟如飛。諸緒冗遯。情事殊極。草草前途。鴻便卽當報瓊也。

### 上張坦公

丁景鴻弋雲

譽重龍門。才高鳳闕。早年標奪雲衢。文超八代。獻歲節持鶴繡。德沛三吳。諸士  
景風而懷日月。庶民浴澤而頌花驄。某騫馬堪策。備藥籠而無階。榆棘自憐。遇  
桃谿而欲植。金門被放。落莫窮途。長安邸中。輒思玄度。念某北海之志。難登司  
隸之堂。遂作一函。先容左右。而微垣嚴密。不敢遽求函丈之席。然而私心自矢。  
負笈當有日也。

### 與李洽虞

陸鴻圖麗符

吾兄才欺滿月。氣奪怒風。何地何人不引領。青蓮學士。迺欲倩剡寒陋。使弟自

問何如。然高牙大毒。亦須廝養。負而前驅。弟何敢畏此舉手。

與曹石臣

方域青厓

入冬未甚寒冷。極好作遊。無奈東扯西拽。竟不得去。如石臣之行。意果決。就在  
一二日掛帆。丈夫磊磊落落。行事宜如此。吾于石臣心焉喜之。

答王丹麓

沈筠開平

尊刻種種惠教。具見錦心。允推慧業。筆端風雨。含鳳吹于龍吟。字裏春工。燦花  
香于鳥語。連珠則奪士衡之巧。竹枝則擅蘇黃之長。至看花一記。則又想入非  
非。香生夜夜矣。捧讀之餘。不覺令人心形俱服。宜其盛年文彩。照映西湖。宇內  
名流。分輝東壁也。稍暇當勉效里言。奉揚大雅。庶持土缶。以答雲璈。第恐布鼓  
雷門。不免有識者嗤笑。奈何。

與陸蘆思

徐士俊野君

吳興。某舊遊地也。山水清遠。昔人已作兩字之褒。今讀足下客紀諸詩。益令水色山光。奔走筆墨。豈非好遊之所得乎。彼經年杜門不交一人不識一山一水者。未免寂寂。

### 復林調元

洪吉符原明

向僑寓三山。綉閣石倉詩。選得誦佳什。已驚雷灌。醉椒蓀。而紉蘭。菴未足。方之茲辱翰音。兼錫枕寶。絢若春華。工同薛錦。拜教之忱。遍誌窗几。弟居恆讀書。未半。袁豹比以躬逢。改玉奔走風塵。初圖樸檝。寒齋今復。寄身疲邑。終日兀兀。作牛馬走。登山臨水之興。拈弄筆墨之懷。杳不可得。

### 東雪竇石奇老人

林鍾豪公邁

俚言奉贈。不意惠我禪鋒。別開生面。此霹靂手也。雪竇名勝甲天下。慧眼人興建故墟。豈僅宗教干城。抑亦荒巖知己。何時得泛山陰之棹。進蒲團而授之俾喚醒凡夫。不致永淪坑阱。則吾師即現在之天親無着矣。

寄王安節

張新標著存

兩番文駕。歉然爲情。先生一代異人也。通才博學。靜氣擊性。當今江左。誰與頽頽。弟閱人廣矣。於先生不得不泥首至地耳。公韓一扎。乞便攜付。雨花秋光。呼酒淪茗。天上地下。何所不宜。視拳宿三尺泥塗中。兩目難下十指。不展先生當傾倒。囊頭歌大江東去之句耳。恨不與張子共之。

與王安節

趙吉士天羽

浪跡秦淮都無趣味。乃與野人道士箕踞長松。寂靜九旬。迨忘塵路。生平第一愉快也。濬冲苦次。毀形可念。炙絮草草亦展一時情愔耳。渴思一握手。然後驅車而去。能得此緣否耶。佳畫入神。題句入杜。夙世邈辭客。前身應畫師。君家舊詠流傳。非摩詰無人嘗得。宕往擔遊。驟珍異寶。吾恐扁舟江上。蛟龍夜求如山。谷字扇不可復留也。

與友

宋 泓備可

久飲香名常深思慕當此匝地烽烟正宜談天承日乃未遂投轄之懷遽返剡溪之棹臨風悵望我勞如何惟恨寒谷久灰有辱高賢至止以致繫維不得耳浮雲黃鵠合併何時書不盡言翹首而已

### 東茅子純

鈕 綉書城

都下名宿如林而高情醇誼若門下者固僅見也一獲班荆不勝識韓之快兼得俯加青睞時枉高軒一往深情真寤寐勿諉耳捧讀瑤章俊逸駕乎岑王綺麗軼乎秦柳展玩數四如入積玉之圃幾自忘其腹之儉也

### 寄潘蒼儀

李岷源懷岵

到京未三月存注四懇勲字字流真性言言吐至情何物某得叨眷念一至于此雖半屬夙世奇緣而今生實難消受語及於此愧謝二字自非筆墨所能曲盡者矣某有愧賦性粗戾毫不能盡報効之私而豢養徒深負恩日甚感更感有函下問必念及子姪交知涼得之夫蒙此高厚故自知此生之難以消受也

愧謝更何可言。

復茅于純

巖 沆顯亭

都門。拙臂。雪水。歸心。南北。迢迢。鱗鴻。時隔。朔素。心之。與共。望紫。氣以。難逢。對月。臨風。悵結。而已。道兄。高才。碩抱。丕振。家聲。而秋風。九萬。尙阻。扶搖。遙睇。高風。可勝。於邑。賢竹。林名。流夙。望。欽慕。有年。恨奔。走河。干心。境紛。俗。彥老。一接。顏色。于邱。門伊。兄乍。奉杯。盤。千澗。水總。之惘。忱未。展。悵別。難言。便羽。率勒。報書。恭候。道履。殷勤。在抱。筆不能。宣。

復秦補念觀察

茅 熙于蒨

樓遲。逆旅。得接。芝光。已屬。天假。更荷。鴻文。寵錫。猶之。卿雲。下垂。河漢。倒流。捧讀。再四。目眩。心驚。當如。天球。琬琰。什襲。以藏。不敢。漫視。也。

與王丹麓

宋起鳳 紫庭

日格口人事。不能靜讀諸著。近值積陰經旬。涼夜頗長。秋聲滿院。蟲響淒切。覺旅人愁思。反得借大作。以增今夕之樂。不復費如意換酒矣。謝謝。

### 答王丹麓

陸 韜子容

昔王子猷訪戴道安。興盡而返。今先生乘舴艋泛新河。顧我傾心。昔賢風流。于今爲勝。况乎蒼山滿目。紅葉成圍。澄波寫心。涼風飄袂。尤與襟期同。其幽曠者。哉。河干惜別。悵爾神馳矣。

### 與汪鹿野

吳相如右廉

寒氣侵人。對之戰慄。况有披葛流離。如任西華者乎。承贈綿衣。卽致此友。喜出望外。悲從中來。母子抱啼聲。聞比閭。非足下義氣。烏能致人感激如是。

### 答楊鶴聲

徐士俊野君

珠玉之投。非一。或爲什襲藏。或爲千里布。總不敢忘足下。一片交情也。壽言之。

耳。惠感及敝友傳經堂大序。卽當轉致火傳。枝頭花落。人在天涯。此際殊難爲懷。

與許潛飛

楊雍建自西

素心共對。飲醇無量。層巒增其崇。秀澄波映。此澹懷知己之樂。豈必古人。

與嚴顥亭

宋 琬荔裳

風塵牛馬借庇弘多。恍于功令。未敢一布赫號。社翁至孝過人。暫歸珂里。馬鬣已封。將曳星辰之履。鹿鹿如弟。奔走驚濤駭浪中。前路茫茫。未知何所稅駕。霄知己亦將憐而振之否。

與胡子振

陳 枚簡侯

弟在都與兄抵掌快談。流連詩酒。析疑辯難。卽握諸微戲。亦有神采可觀。卽今未嘗忘也。

上慕鶴鳴老師

丁盛世熙臣

某樽櫟下材。幸側官牆之末。方期下帷湖曲。擁卷濡毫。日書所得。以就正鱣堂。不意叔氏被逮。隨侍長途。寒衝凍雪。暑觸熱塵。棘月窺床。析風驚夢。備嘗淒苦。筆楮莫窮。所幸家依召棠。澤沾郁雨。未嘗不感極而涕零也。願以遠違教鐸。心篤瞻依。尙爲叔氏戒裝。未遂返棹。邇來叔氏絕意詩文。矢焚筆硯。祇佩德銘。心未能數語。修候。倘天心帝德。不終擯遐荒。尤得隨黃童白叟。誦頌廉公爲萬幸也。

上紀子湘夫子

湯鈺式如

師臺文章班馬。政譜龔黃。潔映西湖秋水。長天一色。洽宜南郡金陵。浙右同聲。甫下車而九邑編氓。已歌咏載道矣。某讀書靈鷲。未克時聆塵誨。想望風采。有如飢渴。昨特晉叩台堦。又緣公出未接芝顏。中心耿耿。別有所云。嗣容面聲。

與青蓮

丁盛世熙中

拜違顏範。取道都門。路次淒其。困頓無似。幸邀台庇。乃獲安旋。是皆鴻慈之所被也。向者家叔與弟患難。間關倉皇。四望夕陽。西下淚輒沾衣。每私相謂曰。異鄉情景。是茲感矣。承兄翁垂手雲中。拯家叔于艱虞。困楚之中。生死危微之日。此誠禱祀之所莫必者。不意遭逢。實出望外。二天之戴。當生世以之。弟雖南旋。心懲不已。遙思感泣。兼不去懷。

與洪載之

聞啓祥子將

湖上扶醉歸。應接又遲至。未及摠謝。入之日。再求諸教。併面商讀史之會。念載辦香得從。壇坵受提。命萬戶侯。何足道哉。

與陸永豐

程鑑

客有從章貢來者。莫不頌永豐仁父。澤侔三春。大江以西。民譽藉甚。竊爲斂任。加額者久之。乃蒙不棄。管蒞千里。虛席物色。殷殷實感。且媿丈夫懷一飯恩。猶能以七口相許。某荷二十年道義。骨丹之契。寧惜一行。以將順美政。但老父夙

有風疾。隻居以後。感慨易生。某獨當溫清。未可遠出。祈諒而宥之。目今所亟。莫如催科末世之弊。狃于姑息。國僑相鄭忠武治蜀。皆以威克厥愛。仁兄豈弟君子也。

### 與唐咨禹

程鑑漆園

台臺忠懷補日。望著爲霖。中樞暫借。前籌峻地。將膺異數。凡屬同聲。引領快覩。矧弟徼夙昔之契。托廣庇于萬間者乎。

### 與程文學

張爨

別時不及送之南浦。然遙憶吾兄。放船柳外。躍馬花前。意致豪快。才藻倍應。發抒昭玉臺。下空羣逸足。非吾兄誰可當千金之求。弟輩倘得附塵。請命平頭。迂我春明門外。或從吾兄爲曲江游竹香社中。便覺壁壘生色耳。

### 與何蓉庵

胥庭清永公

蕪城距劍武。曾不容刀。未得奉履。綯紆契闊。詩人所爲。賦葭露也。台兄惠念世誼。既問遠貽。益慙顏無已。課急商疲。卽巧婦難爲無米之炊。非吾師謬加游揚。其何解于溺職之譏乎。晤張直指。每頌台誼。使星北上。當覓青輪。候江干弟。雖抗塵走俗。猶能隨履齒。一聽竹西歌吹也。

東張明府

尙觀法維則

不肯因病乞身。而新旨特嚴。請告之禁。將拂袖故山。則簡書是畏。將欵枕私署。則官守逾隳。數日後。或小間。仍須暫出。第七箸日減。恐終不能勝。此煩劇也。屢辱垂注。復承開論。知兩臺開誠披牘。新下車而嘉念地方。病中聞此。亦足當枚發也。

與陸夢鶴

劉日杲出子

日暮潮平。送仙舟西邁。嗣是離索之感。日引月長。猶幸時獲蘭言。開我心塞。差自慰也。年兄至行真心。施于有政。毋俟期月而風清俗美。凡自江右來者。莫不

頌永豐爲神君。明摘幽微。何畏乎奸胥亂政。勤而清。何虞積逋乎。由是銅龍之署。梧鳳之垣。如取諸寄矣。

### 與王元旭

張 燾

循政及期。正古人已可之日。驥騰彝路。龍躍洪濤。不足爲仁兄道也。山城借照。刃游恢恢。沐膏雨而歌清風者。日引月長。弟有手額相慶。酌酒爲賀耳。

### 與徐職方

柴世堯 雲備

向弟摺笏長干。謬荷殷渥之誼。雖離雲。墜雨未獲再續。文酒之盟。而瓊樹之思。無日不在三山。二水間也。年文葵忠。巨日筠性。凌霜出領。重鎮入躋。崇階濟川。弘略將快覩之。乃久潛郎署。何至今未登啓事耶。

### 復雲間柏巖山

詹廷棟 柱臣

西湖何幸。得年翁游咏其間。蘇白爲之虛席矣。正圖把臂一醉西湖之勝。何賦

歸與之速也。豈流水未遇知音。不堪久繫白駒乎。然劍合有緣。安知西子無靈。不再邀少伯青盼耶。未卜年翁亦復饒此興否。

與程宛超

張國泰履安

前晤君家子源。不獨氣度雍雅。談吐風生。望而知爲江左名士。而一彈再鼓之妙。深得嵇叔夜不傳之秘。所論琴旨。樂原頗識。黃鐘粟黍。微義可補。一代典樂之缺。惜其遊屐翔舉。不能悉聆元音。徒恨相見之晚耳。今道兄風流掩映。又真不減惠連也。弟不知何幸。一旦交此兩君子。

與詹子粲

林杭學武林

弟不出越城者三年。偃蹇蕭瑟。無日不秋。每於無可奈何時。以安止二字自遣而已。茲奉檄催貧難就道。關山險絕。撻伐聲聞。一日之間。雪當五色。不知台翁將何以幸教也。倘彼岸有期。何敢忘指津神力哉。

與王撫山

蔣斌維賢

昔元章謁蔡居安於舟中。蔡出右軍帖示之。元章驚嘆。欲以他畫易。蔡有難色。元章曰。如不從願。卽投是江。居安遂與之前。於高齋見祁雪瓢墨妙。僕甚有元章意。度足下必不割愛。然竟無難色。較之居安足下。爲更賢矣。

### 與詹子粲

張 堯 胤 如

別後驅馳南北。阻抑萬狀。至去臘始得選茲登邑。山陬僻壤。短才正好藏拙。下車甫三月。兢兢以潔己愛民自矢。餘不問也。地雖荒瘠。幸有二室名勝。甲於中區。他如潁水箕山。秦槐漢柏。皆足藉此以繼歲月耳。遠承手教。深荷注存。公郎英才偉器。秋試聯標。定爾一鳴驚人。遙翹燕雲。能不神動耶。

### 東屠懿頌

陳 衍 虞 園 公

弟擬扶杖來觀新政。緣廢棄之餘。老况貧况病况愁况。種種相逼。遙瞻海雲起處。如布如馬如輪如龍。如怪峰疊巘。輒思故人婆娑其下。倚松高哦。左圖書而右觴茗。度不嘆丞乎丞乎。寂寂使鄧仲華笑人也。

答彭退菴吏部

陳衍虞 園公

數載披拂。猶春風之被枯條。奈弱植難扶。猥以摧折。負愧知己。有腴面目。故臨岐不敢再辭。父臺榮踐清華。脂車在卽。草野陳人不能。江干唱驪。誠爲恨事。異日中國相司馬。某從菴蘆中大笑。墜驢曰。天下自此太平足矣。

寄楊大山民部

陳衍虞 園公

孫陽相馬。卜式蕃羊。三年之內。道翁身備其美。衰庸如弟。已似寒灰。客歲江公祖至。猥荷垂念。自分山麋野鶴。偃臥高飛。於荒草茂林。無意邀當途之結網。然孔北海猶知世間有劉玄德。分續室之燈影已多矣。

談諧類

與顧士東

翁與齡 去疾

夜來觴政猛于虎。以不勝杯勺。踉蹌而歸。譙鼓已三過矣。老人情事。率畏少年。僕深喜少年游也。惟酒兵陣列見而却走耳。

### 復自西

汪之琦奇玉

賤體雖難復舊。然自杜門靜坐。恍如夢覺。故知目下尙未可死。如有召我者。竟以未曾聞道辭去。何如。

### 致陳扶搖

吳國縉玉林

昨同觀劇。意興頗豪。但見正旦齒德並茂。扮出無限嬌騷。弟爲目眩心怦。想其當場可以媚萬人。歸家何以對妻子。仁兄亦與弟有同慮否。

### 與沈武仲

陸進蓋思

令親館事。委曲力圖。奈近日求一館。甚于得一官。無以報命。聊爲令親作一轉語。曰。無館一身輕。

與李懷站

陸鴻圖麗符

臥扉當榻。豎被爲幃。促膝雄談。羞快千古。弟寒士家。蚊錐如鐵。使客子半夜不  
安。主人未免心慊。然吾兄穎錐犀利。常一刺數十千言。令惇于東方輩。不敢置  
喙。君家禿翁。所謂種種毒發。似仍報施之道。主人幸可解嘲。今晚不妨重過挑  
燈。再受蚊錐一夕。

答陸蓋思

諸匡鼎虎男

足下每笑虎男過北門。輒便得雨。易云。風從虎。自慚匪虎。豈雨果緣北風而至  
耶。

與朱魯男

鄧錫璿廷珩

高陽酒徒。逃隱醉鄉。吾輩豪舉。寧能免此。明當早過。須少遲我。第恐子明三蕉。  
卽見于面。未免劉伶笑我小丈夫耳。

與友

沈可璋爭遠

允。以。佳。醋。見。遺。懸。望。久。之。何。竟。以。糞。飯。報。耶。想。君。家。本。色。原。不。可。以。假。人。否。亦。未。與。而。心。先。酸。也。但。悔。多。此。一。番。告。急。耳。

致馬含章

汪之琦奇玉

煩。覓。飛。奴。落。子。一。對。僅。出。其。一。家。人。曰。孤。矣。弟。聞。其。老。蒼。聲。聲。相。喚。曰。孤。不。孤。孤。不。孤。雖。然。怨。女。曠。夫。當。必。有。偶。尚。祈。吾。兄。代。爲。執。柯。

復姚御隣

章玉琳羣如

拙。筆。不。堪。書。屏。然。知。己。所。委。復。何。讓。特。恐。王。會。稽。柳。河。東。咄。咄。笑。人。夢。淚。且。災。書。災。紙。令。有。目。者。共。仇。足。下。能。爲。我。分。謗。乎。雖。然。得。遣。青。州。從。事。伴。元。卿。太。守。來。則。興。發。疾。書。亦。可。免。鴉。塗。之。誚。幸。毋。謂。僱。書。傭。又。作。高。陽。酒。徒。也。

嘲友新婚

繆樹儻德傑

會課繳上。中元事冗。想愆一夕之期。未膺深督。否耶。時雨殊慰民望。渴欲過讀。喜雨亭記。因吾兄琴瑟聲。喧弟不敢操笙簧進矣。能諒我乎。抑欲我諒也。

復汪允湘

馮瑣瑤席

好戲僕酷好看。但席少客韻。方稱閱者與演者之興。設當管絃雅奏。情節關要。處坐中一二儉父。任意縱談俗事。并廚司茶童惡僕。當場串雜。搬運鴉飛。妙齣霎時混過。此時怒髮上指。拍案欲罵。不如閉門斟濁酒。數杯吟小詩一首。省却無數懊惱也。

柬友

唐九經豫公

不敢以東帖謝晏。懼落套也。昨日被一班好棋之士。整整鬧了一日。方伏枕不能起。忽手新詩。夢使覺醉。使醒孤清深詣的是青蓮。只恨獨桌酒。苦我竟夕弄人不應如是耳。

戲與陳春谷

徐菊知澹止

六花霏矣。吾公爲袁安乎。浩然乎。抑爲黨家尉乎。公必曰。吾將赴入醉鄉深處。滕六雖橫。其奈我何。徐子亦爲鼓掌叫快曰。吾老是鄉足矣。願左鞭弭。右櫜鉞。從公遊焉。米汁佛聞之曰。善哉。二人已證無量果矣。

### 與梁石渠

李漁笠翁

未試而見其劣。已試亦不覺其佳。是此物與足下始終無緣。其不幸若此。雖然。足下酒人也。第知酒味而已矣。想陸羽茶經未嘗寓目。何怪乎蒼素不分。弟非左袒賈人而敢唐突知己。因見茗奴抱窻。不得不爲代白。設有謂蘭陵鬱金。其價不值半文者。足下能三緘其口。不爲一作不平之鳴乎。

### 與王五玉

汪之琦奇玉

頃以止宿佳品見貽。啖時饒有生趣。頓疑牝者尙哺。子于腸中牡者或唱。更于五內不仍嘖嘖。欲從喉間出耶。爲之大怖。

### 復張詩宜

李漁笠翁

此來無日不握臂。獨爲雨阻者兼旬。厄坐匡牀。無書可讀。并好友亦復尼之。田家之甘雨。卽我輩之愁霖也。弟方怨尤之不暇。而吾兄尙誦喜雨亭耶。忍矣。

復王安節

周亮工襟園

賦除夕詩者多矣。而僕最喜金道隱兩句。扯淡詩云。竟亦了無異。年于何處除。明日後日。總此忙忙碌碌之日。何必作此除法。大似貧兒還大老官帳。一年不能還完。約于每歲除還。若于一年一除。令人厭心。不如一總除去。乾乾淨淨。大家撒開爲愈也。

與陶園主人

張國泰履安

籬菊含英。今已盡吐。聞主人惜花如命。拒客如仇。豈冷蕊寒香。獨陶靖節晤對物耶。重垣深扁。恨不化莊周夢中蝶。栩栩飛入。幸主人憐此癡情。見分餘蔭。得緩步東籬。作一番花案品題乎。

復高彥侶觀察

李漁笠翁

名既不足重。詩又不能佳。所恃以免咎者。或藉筆墨之工。稍掩文字之拙。乃塗鴉又復如是一舉而三惡備焉。此亦綾箋太佳。稍犯冥忌。故有是厄。非盡理筆者之罪也。

### 致吳望宗

汪之琦奇玉

老兄素有蟋蟀之癖。請捕捉者。饜之以醉飽。賂之以辛力。令其獨行訪賢。竊恐蕭相卽遇淮陰。必隱匿于月下。斷不直獻漢天子也。

### 與馮子京

陳枚簡侯

弟貧日甚。弟愁日深。弟之擔負益重。寒氈坐破。半老蠹魚中矣。年華虛度。竟不知何所適從。知己如我兄。能不爲我作一送窮文。自慰兼以慰人耶。今而後。弟誓與愁魔貪鬼杯酒談別矣。兄毋輟然曰。貧賤之交。何遽可忘哉。

### 與張夢陽

曹復祖石臣

博議成乎。畫眉未也。破紙窗中。較之溫柔鄉裏。孰寒。孰煖。翰墨朋友。較之紅粉佳人。孰優。孰劣。秋風勁厲。孱弱之軀。舊疾迭作。每日一束腰帶。常移孔愛。我如夢陽。必有以策之。當不吝此楊枝一滴也。

誚友口吃

胡宗鐸天爵

兄悻甚。何尙未發耶。倘得暇。幸過我一談。當設斲艾以俟。

答友約看半山桃花

胡文祥頤菴

昨有人來自半山。云山間桃花。晴日蒸紅。纔半含半吐。明日之遊。是不爲遲。弟遊訪中所需牙牌葉子。須今晚預爲檢點。莫又是去年臨行匆匆失落。丁拐入珠環。遺却二十婆娘花和尙也。

東王安節

方亨咸邵村

知己之聚甚樂。弟不覺陶然。將無客醉。主人醒之。誚乎。然以醉態供醒眼。亦是

一快耳。

### 與程子源

張國泰履安

雨後涼雲凝戶。秋暑盡捐。匡坐荒齋。渴欲一聆逸響。豁我沉懷。遲之甚久。而道兄乃以足病固辭。令人意致俱寂。悵絕悵絕。豈樓上紅妝。破齒微哂。幾致踟躕。無藏拙地耶。抑平原君虛慕客。不忍割美人首以謝過。而客竟避棄耶。倘意不在此。曷不樂散而來。慰人饑渴也。否則弟將以杖扣之。使起足下。其能終箕踞絕俗乎。

### 東友納寵

傅應熊體乾

古來三不孝。無後爲先。四無告。鰥夫獨苦。若兄可以無憾矣。而復以如夫人繼之。何得隴而望蜀也。但房玄齡已事吾兄。獨不聞乎。惟望彼此周旋。兩無所薄。此弟之所深願也。不然。卽平原公子。亦不能曲爲解紛。奈何。

### 東徐友

李穎考叔

渴欲一觀芝顏。足甫及門。纔施剝啄。而司閽者。吠噬交加。聲色俱厲。儼然以堯待我也。而今而後。殆昌黎所謂由是閨下之庭。無愈之跡矣。

與天越上人

吳相如右廉

久不讀足下詩。不見足下杖。素願若積薪。愈久愈高。前晤足下。兼喜得詩。亦足大快。文章滿篋。贈答如林。四海論交。如君有幾。位中書法。近不可得。俱于足下見之。實有分甘之想。若以僕爲貪。僕不受。五戒自不妨也。

戲東程公上

汪光被幼安

足下喜蓄書。復不厭人借玩。過蔡中郎。李公擇遠矣。昔人云。借書一瓚。瓚。酒尊也。或曰瓚。當作鷓。蹲鷓也。足下素不善飲。其蹲鷓乎。第足下書甚富。恐此中不能作浣花主人。芋園奈何。

戲東友人

范允鏞用賓

承惠枇杷數百枚。色黃而味美。吾兄厚誼。將何以報哉。因思諺云。橘子黃。醫者藏。枇杷黃。醫者忙。敢舉此言。以爲尊公幸。卽爲吾兄幸也。

### 答李竹西

陸敏樹蕙瞻

辱損達函。據我契闊。若云三秋一月。亦閱五百四十秋矣。如何勿思。隱兄丹青書法。兩臻絕勝。而風神蘊藉。談旨清新。尤令予心折。第迂拙杜門。且畏見富貴人面孔。足下視弟爲曹丘生。弟反若蔽賢之臧文仲也。如何如何。

### 與正覺上人

詹廷棟柱臣

佛沉波底。何暇救落水羅漢。若羅漢之不能救佛。想亦猶是也。來券云云。何只知羅漢之宜救。而不知苦海無邊。在佛且不免水劫耶。笑笑。然我佛慈悲。豈忍袖手。聊具不腆。以佐香積之需。倘異日一葦西渡時。幸勿忘楊枝一滴也。

### 戲復友人索篆

朱 敞 衡山

游藝以自適也。不以自苦。今台命疊疊。止覺用之者逸。成之者勞。人情乎。子惜青蚨。我無白篆。至于文章道德。定不惜疊疊。向人言不敢吝教。省得世人謂朱衡山處處皆市道耳。

寄王贊玉

張國泰履安

厲老金風。香銷籬菊。荏苒間。又嚴霜侵袂矣。片羽多疎。殊深遠思。雲山之感。何日無之。接家函。知老妹倩。復得謝家咏雪兒。此亦可喜。但嫌熊夢未占。令人咏弄璋之句。不無神往耳。然以槐堂世蔭。青翠愈繁。而家妹早叶河洲。琴瑟之傍。如雲如霞。盡入小星之列。則宜男從此茂矣。試聽鈞天聲動。正麒麟下賁時也。

與陳芷園

吳相如右廉

聞東壁酒釀正熟。香氣馥馥。復鼻孔入。足下須鍵持門戶。否則畢吏部且醉臥甕邊矣。

答友

朱 敝衡山

昔人謂咬得菜根斷。便是鐵好漢。如今好漢更多。并咬斷草根樹皮矣。言及凍然。我輩聞黃蘗甚香。此其時乎。安得人比丘比丘尼。優婆塞優婆夷隊中。閉關打鉢七乎。善策張良。能簞范蠡。尙掩耳不聞。余言餘者。能無作一字評曰。是正。

### 復友

張國泰履安

朝來爽氣透人衫袖。正拂嵇桐。將作清韻。而雙魚適至。一片開心。幾從鬧熱場中。逗盡甚矣。聲色之移人也。然弟以爲周仙湖之雄談橫發。固足驚座。又不若陳鉄頭之琵琶。大絃嘈嘈。小絃切切。全似漢明妃掩泣。且能濕江州司馬青衫也。不然。學彌正平。作漁陽三搥。使曹阿瞞無置身處。亦足取快一時。若必以雅琴匹之。則恐聽古樂而思臥。一座皆入睡鄉矣。何足云云。

### 寄王宓草

趙夢龍雲六

乘風雨上歸舟。於水天空闊處。盡情盡致。讀南華秋水。較若輩踟天躋地於寒驢背上。瞌睡誦腐爛時文。聲僵細如凍蠅。弟自謂真有異矣。笑笑。

與潘蒼僕

鄧錫璿廷珩

歲暮釜冷樵虛。具有蕭然之致。不識足下何以自娛。想擁爐劇飲。酒酣偎倚。紅翠玉山。當自頽倒也。一笑。

復吳征吉

蔣斌維賢

命市銀魚。卽向罟師問之。皆云天寒非夏日易得。復遣僕人市上尋覓。苦不多也。雖爲數有限。然計尾無算。如謂侯鯖味美。爾物當勝一箸。健一箸也。

與旭成上人

吳相如右廉

慧師築室于西山麓。榜曰白雲精舍。僕因得一聯贈云。莫道詩成神鬼助。君才原是白雲精。爲之一笑。

閩秀類

與吳右廉

梁 月含素

握手言情。期良會之未遠。撫心彈淚。知相見以何年。所恨者。朗月明星。常覩影。形之。莫托南山。北水。彌深。盼望之。無從。願鑒鄙衷。無渝前志。

與王素霞校書

陸 進 蓋 思

北宋時。有人飲程明道伊川兩先生于舟次。酒半出女郎。明道不動。而伊川大驚。欲投水死。當時以此定兩先生優劣。僕以爲畢竟此女郎非彼姝子耳。若素霞之娉婷玉立。則不動者欲動。欲死者不肯死矣。梅花解語。卽鐵石心腸。如宋公者。爲之纏綿作賦。而况我素霞乎。僕明當挾茗器。拉二三知己。泛西子湖。作永夜遊。幸素霞艷妝以待。

致合章舅

汪之琦 奇玉

月姑善畫。名山勝水。出自腕間。秋色春光。化生筆下。閨中秀賢于學士。文章萬。

萬也。女翰林何足多哉。令妹扇一柄煩之。幸道意。

答梁含素 迴文

吳相如 右廉

越。南。燕。北。樓。雁。空。遙。月。黯。黯。風。蕭。蕭。髮。並。愁。長。思。深。寥。寂。矣。屋。梁。含。素。能。不。依。依。

又

越。依。不。能。素。含。梁。屋。矣。寂。寥。深。思。長。愁。並。髮。蕭。蕭。風。黯。黯。月。遙。空。雁。樓。北。燕。南。

與馬德公

姚宗亮 亮公

橋。西。有。美。可。以。遼。饑。劉。郎。一。去。此。婦。遠。山。眉。黛。半。為。憶。情。人。減。瘦。矣。想。向。時。窈。窕。丰。姿。秋。波。欲。溜。含。羞。微。睇。嬌。怯。堪。憐。會。心。者。安。得。不。風。魔。耶。詰。朝。幸。請。假。來。寓。舊。遊。可。續。何。難。慰。彼。相。思。切。勿。為。薄。倖。相。如。使。倚。門。者。有。流。水。落。花。之。嘆。

謝李端明夫人

閨秀金 蕊含芳

愚姐妹登山攬勝。過候興居。結搆出自新裁。點綴尤饒餘韻。且明湖照映。綠樹參差。淨几無塵。琴書滿案。誠閨秀而兼名士者矣。燃來百和勝蘭麝之芬。烹就龍團似金莖之露。况以清談洒洒。雅意殷殷。令人齒頰生香。消除鄙吝也。蕊等何緣而得此。

寄吳右廉

梁 月含素

日望德音。有如望歲。忽接華箋。彌深感企。別時所囑。實切至情。竊恐繁華滿地。莫憐匪石之心。綠髻飄蓬。空蹈結言之恥。

與姐含芳

閨秀金 芬素芳

連宵秋雨。透體新涼。無論針線慵拈。卽膏沐亦無意緒。唯靜聽落葉聲。時敲窗紙耳。家間買愁集。乞付報喜帶來。然妹愁不俟買而後有也。所謂欲取之必姑。

與之。只須。反面。看。

與沈甸華

孫 洽字台

士君子以名教爲己任。淫詞豔曲。比比皆然。此豈可令昔賢見耶。又其甚者。閨閣中自有禮則無端。褻越之詞。鬪麗爭妍。連軸疊載。其可以爲訓乎。雖才如誦椒詞。同賦柳尤。無取焉。至于丈夫矜誇婦作。兄弟豔稱姊妹文。或人盛述母製。非彤管之女。誠等北里之宣。淫波靡相。扇不至流。爲桑濮不止。吾每見此等作。不覺張目短氣。想在吾兄亦有同情。禮義干櫓。願執鞭以從後。

與王子律

孫孝楨世求

令妹徽柔孝友。出自性成。言德容功。不從人授。真所謂婉婉閨範。世間少有也。而不意中道見背。是僕之不德。以至此也。僕旣無安仁之才。賦悼亡。徒有奉倩之。苦傷神倍甚。今喪車將行。乞致諸名德。作輓歌。以爲虞殯。感且不朽。

與項姊

閨秀 吳芬如右芬

金鱗游泳。小沼生波。雖非香餌所招。亦豈綸竿可狎。祇緣適性。匪有慕于汪洋。志不在魚。聊助君之玩賞。

### 與五妹玉霄

閔秀張 吳槎雲

別後兩月餘。竟不見吾妹手札。中心懷想。不知今冬能相見。以話苦惱。否。想家中前後諸事。真乃寸腸百結也。祖母母親。近能寬心否。加餐爲善。勿以人情艱易心爲之。焦吾妹亦不可多悶。自須苦中尋樂也。

### 示幼女

洪景融 潤孫

中郎之訓。可以修心。惠昭之誠。可以淑身。今各寫一通。令汝日夕誦之。俾身心並洽。出而爲婦。又何貽父母辱。

### 與姊

閔秀胡芬如 右芳

玉樞丹佩。當午所製。可祛百邪。承惠艾虎。致紳不忘。女兄弟相見。甚難。被服之。

在躬永如晤好。

與弟右廉

閩秀郎玉如兆璋

在膝下不知別離之苦。居家庭不知出外之難。吾弟且養冲霄之翮。再奮凌雲之志乎。世情澆薄。恐長安亦如鄉里。非不欲手足敘會也。幸勉事二人。以慰余念。

示女媳

閩秀商景蘭

焚棄筆墨。幾三十年。偶于兒子案頭。見琴樓合稿。乃武林張槎雲所作。槎雲才婦而孝女。故其詩忠厚和平。出自性情。有三百篇之遺意。反覆把玩。不忍釋手。因思槎雲之才。知汝輩能之。槎雲之孝。知汝輩能之。槎雲之才之美。槎雲之孝之純。汝輩共勉之。

與妹

閩秀何上乘 一乘

閨中傳詩原不在多。劉令嫺集六卷。上官婉兒集二十卷。今所存有幾。槎雲數詩足傳矣。五律具見才分。若絕句直與三唐諸大家爭勝。豈止與婉兒君徽輩課後先也。

### 與李端明

閨秀錢馮嫺

往歲家夫子照五侍邵亭先生讀書草堂。其時槎雲之尊公步青與邵亭遊。數見過。考訂古今語。竟日不休。因是槎雲之才之德。固稍稍聞之矣。今春夫子復自尊公齊頭。攜歸槎雲所著遺詩讀之。奚特文章足以傳不朽。迹其懿德淑行。不更可風世乎。唯是天不假年。音徽遽隔。某雖企之慕之。而終不復可得見也。况相與唱酬乎。知有同情。書以誌感。

### 與夫子論槎雲遺稿

閨秀王端淑玉映

槎雲律體諸作。高老莊重。不加雕琢。真大雅之餘音。四始之正格也。五七言絕句。明逸娟秀。音韻鏗然。引而愈長。令人可歌。可誦。洵乎筭縱中獨步矣。惜其芳

齡不永。蘭玉遽摧。倘天假之年。其所造豈有竟哉。

與表弟朱御九

陳 枚簡侯

姑母一生苦節。不欲人知。然世亦無有知之者。所望吾弟展垂天之翼。亟起而表彰之。庶數十年冰雲之操。熊丸之苦。不致泯沒無聞耳。慎毋優游歲月。坐失時機。自謂計之得也。其何以振家聲而光泉壤乎。

寄嫂

閔秀姚令則 柔嘉

向讀趨庭詠。未嘗不嘆槎雲之才。既而讀琴樓合稿。以彼至性。過人則又。不徒欽槎雲之才。已胡天不假之年。而徒留遺文。令人咨嗟感慕而不能已。倘有贈言。幸祈賜閱。

與張履安

陳 枚簡侯

讀王大家手選詩緯。品隲精詳。網羅盡善。誠一代巨觀也。閨閣中具此才識。我

鬢眉能不對之削色乎。

與五妹玉霄

閩秀張 吳槎雲

適接父親信。備知詳細矣。此皆家中貧乏。又多兒女之累。以致臥床不愈。自恨作女身。凡事不能體貼。家中諸事。全賴吾妹善爲調停。余想十九年在家。不獲體心奉侍。二親一味懶惰。過日。今出嫁後。又未能盡婦道。以揚母德。或暫歸寧。又未曾朝夕承歡。一想至此。死亦懷愧。如有便人到京。煩吾妹遣人。我處附信囑囑。

寄內 迴文

張國泰履安

別久心馳。茫茫異地。遠水遙山。鱗鴻阻越。雨雨風風。中懷積恨。我如思。卿隱隱。今深閨。卿若思我。迢迢今岐陌。瑟瑟琴生塵。雲天共隔。鏡臺掩映。啼淚應多。棘成翠眉。憂深怨密。人何以訴言之心。傷嗟嗟。驅馳塵域。甚迫旋懷。歸夢還而渺渺。驚魂斷而蕭蕭。裘霜寒結。髮雪愁增。隻影單形。勞神役魄。散聚因何。浮沉日。

短楮長情。馳心久別。

又

別久心馳。情長楮短。日月沉浮。何因聚散。魄役神勞。形單影隻。增愁雪鬢。結寒霜。淒淒而斷魂。驚渺渺而遐夢。歸懷旋迫。甚域塵馳。驅嗟嗟傷心之言。訴以何人。密怨深愛。眉翠成棘。多應淚啼。映掩臺鏡。隔共天雲。塵生琴瑟。陌岐兮迢迢。我思若卿。閨深兮隱隱。卿思如我。恨積懷中。風風雨雨。越阻鴻鱗。山遙水遠。地異茫茫。馳心久別。

讀王玉映女史擬春耕應制奉寄

朱 傲 衡 山

佳章堂堂正大。不似閨閣佳人。絕勝詞林名宿矣。某欲藉手上之清廟明堂間。報足下研精苦思。數十年之勞。而未免夢中囈語。詩中光豔華瞻。自是色映球琳也。子雲奇笈當貯之。以待時何如。

代內寄謝綉裙

張國泰 履安

憶昔綺閣描紅。香奩標彩。時阿閑髮垂垂綠。卽慧性過人。能奪天孫機上錦。五紋繽紛光耀一室。固不獨針神效靈已也。頃惠綉裙工巧益精。視露香園所製。渺若敗絮矣。姐于井白且不給。何暇作東家施。謹什襲以爲甥輩師法可耳。

### 示子朔

閨秀鄭淑雲從一

閱兒信。謂一身備有三窮。用世頗殷。乃窮于遇。待人頗怒。乃窮于交。反身頗嚴。乃窮于行。昔司馬子長云。虞卿非窮愁不能著書。以自見于後世。是窮亦未嘗無益于人。吾兒當以是自勵也。

### 與諸賢媛募賑

閨秀姚左氏

聞太霞宮粥廠。男婦日有數千。誠善舉也。竊恐時日尙多。物力不繼。敢將短札。敬告賢媛。各發慈悲。共援饑溺。雖夫子各有捐輸。在我輩豈無善願。或省一衣一釵之貲。卽延數口數時之命。况因果從來不爽。卽裝飾盡屬虛文。不若施此有用金錢。完就現前功德。

東馮又令

閩秀李淑昭端明

昭別武林十有六載矣。不謂天假良緣。得歸故里。敢借溪水一芹。暫屈魚軒過我。聞賢妹中書君與楮先生友善。寸晷不離。并祈拉以偕來。已訂亞清互相刻燭。知不拒也。

與夫子書

閩秀萬貞素

自君之出矣。三見燕子飛來。樓頭楊柳飄我愁思。秋山絳葉擬我血淚。何時一鞭驕馬出皇都。令老姑慰倚閭之望。穉子致牽衣之娛。懸切懸切。

東林亞清

閩秀李淑昭端明

敝廬雖居城北。如在窮鄉。每竟日無一人至者。豈意昨絕代佳人聯翩而來。良緣創見。得未曾有。拙稿檢出。希即惠教。昭生平筆墨。不欲流落人間。作下酒物也。

賀文妹得子

閨秀林 璵玉仙

春間相別。再桂光陰。又成半歲矣。喜吾妹得子最佳。此是天上種也。望好心撫育。不厭物奉。佐湯餅會耳。秋寧在邇。握手非遙。臨緘神注。

與姊

閨秀周浣月

陳眉公謂女子無才便是德。吾姊嫻筆墨工詩文。可稱絕世。以妹言之。雖則繡虎翔名。實非祥鸞本色。戒之慎之。

與馮又令

閨秀李淑昭 端明

聞尊體違和。相念殊切。頃讀新詩。矯若虬龍。鮮如異卉。則又似無恙者。昭近亦抱小疴。自讀佳叶之後。賤恙頓減。豈讀者可以愈疾。而作者不能自愈耶。小扎馳至。知已霍然。

與妓惠生

徐菊知 簪止

池內荷香依依人面。偶洗一卮。爲花助粧。珊珊其來者卿也。人面荷花相映紅矣。

寄外

閔秀楊雪蒼

內事無恙。外事履吉。悉之。木天清暇。宜事博綜。以備顧問。倘荷絲南晒。不妨別覓柳枝。遣慰寥寂。君非薄倖人。妾亦非醋婦。兩星印。可何有。隔礙。偶輯綠窗志。六卷。封付覽正。意欲求掌院先生一序。梓行。未知可否。唯裁酌行止。

再與馮又令

閔秀李淑昭端明

荒齋判袂。忽踰年矣。窗前梅花將放。每憶丰姿。輒念前人有詩云。梅花解識相思恨。未到開時已白頭之句。不禁爲之三復。賢妹知有同心。不堪多述耶。

寄所知

閔秀劉口梅

君重負文名。妾亦薄具慧性。千古兩人。自是情重。但不欲學世俗。佻達輩。抄襲。

東牆西廂舊粧本。出目傳心語腔子耳。

### 答李端明

閨秀林以寧 亞清

昨賢姊扎來。匆匆裁答。不暇作楷書。殊爲不恭。翻以草書見許。譽我耶。哂我耶。倘緣茲學書。因假成真。亦未必非教我也。相知以心。相勸以道。二語願吾兩人共之。

### 復林亞清

閨秀李淑昭 端明

賢妹有四絕。曰詩。曰文。曰楷書。曰畫。皆逸倫超羣。膾炙人口。頃雲翰下。頰復見行草妙甚。豈慧心人眼。匡多窄。必欲盡世間韻事。萃于一身。不肯讓人耶。羨殺妬殺。

### 與李端明

閨秀馮 嬾 又令

鶯粟虞美人豔甚。某藉以讌客。遂至反客爲主。重費清心。花若有情。花亦惱矣。

名媛諸作盡封上得尊翁先生收錄一二借光梨棗幸也何如

與林亞清


閩秀李淑昭端明


聞賢妹無書不讀。且無時不讀。催科耶。應試耶。昭向年喜夜讀。每驚家慈夢覺。即叱曰。是兒前世乃老儒書債未償者。不覺失笑。敢以質之高明。共相噴飯。


辭亞清招遊朝川看桂


閩秀李淑昭端明

不見西湖芳桂。幾二十載矣。朝川之訂。不忍負名。花寧忍負同人耶。但家母病。已經兩月。豈無小婢。奈非昭親供藥餌。輒不下咽。竊恐勉赴寵招。強為歡笑。而消阻之意。或形于色。未免一人向隅。滿座不樂。翻不若徧插茱萸。少一人之為愈也。善語黃夫人。希垂鑒諒。









版權所翻  
必究

國學珍本文庫

國學珍本文庫

第一集 第二種

民國二十四年十一月一日初版

寫心集 全一冊

分售：定價大洋四元

編錄者 西 謝 陳 簡 侯  
 校訂者 虞 山 沈 亞 公  
 印行者 襟 亞 閣 主 人  
 發行者 中 央 書 局  
 分售處 各 大 書 局

總發行所上海四馬路世界里六號

中央書店總店

各省各大書局代理分售

